

# ପରମେଶ୍ଵର ନେତ୍ରକା ଆ ଆଲାର୍‌ଇନ୍ ପ୍ରେମ୍ କାମ୍‌ତାଷ୍



**WBTC India**

P.O. 8478  
Bangalore 560084

# **The God Who Loved the People** **(Kisan Gospel of Mark)**

*Easy-to-Read Version*

Copyright © 2018 World Bible Translation Center-India

*All rights reserved*

Address

**WBTC-India**

18-19, 6th Street, 1st Block, Prakruthi Township

Babusapalya, Bangalore 560 043

Phone: 25603212, 25603461

Email: [info@wbtcindia.com](mailto:info@wbtcindia.com)

Website: [www.wbtcindia.com](http://www.wbtcindia.com)

Typeset By WBTC-India

*Printed at Printpulz Enterprises, Sri Lanka*

# ମାର୍କସେ ଲେଖକାଟିକା ସୁସମାଚାର

ଯୀଶୁସେ ଆଗମନତା ପ୍ରସ୍ତୁତ୍ କାମାନାର୍

୧ ଲବ ପରମେଶ୍ଵରସେ ତାଜାଦାସ୍ ଯୀଶୁଖ୍ରୀଷ୍ଟସେ ସୁସମାଚାର ଆରମ୍ଭ କାମ୍ ତାର୍ । ୨ ଭବିଷ୍ୟତବକ୍ତ୍ରା ଯୀଶାୟସେ ବହିନ୍ତୁ ଲେଖାଆତଲି:

“ମେନା, ଏମ୍ ଏମ୍ସେ ଦୁତସିନ୍ ନିମ୍ନେ ଆଘଲିତି  
ତାୟାଦାମ୍ ତାନ୍ନିମାଲାରାନ୍ ପାବୁ କାମସ୍ ।”

ମଲକ୍ଷ୍ମ ୩: ୧

୩ “ମରୁଭୁମିନ୍ନୁ ଅଣ୍ଟା ଆଲାସ୍ ପାଟିକାମାୟା ତେଜାଦାସ୍;  
‘ପ୍ରଭୁସେଲାଗି ପାବୁକାମା,  
ତାଘେ ଲାଗିନ୍ ପାବୁ ସମତଲ୍ କାମା ।”

ଯିଶାଇୟ ୪୦:୩

୪ହେଲେ ବାପ୍ତିଜିକ ଯୋହନ ମରୁଭୁମି ଅଞ୍ଚଳଗେ ବାରତାଷ୍ ଆଲାରିନ୍ ବାପ୍ତିସ୍ମ ଚିଆଲିଆର । ତାନ୍ ତାମାନ୍ ତେଜାଆସ୍, ନିମଗୁଠିଆର୍ ନିଜର୍ ହୃଦୟ୍ ପରିବର୍ତ୍ତନ୍ କାମାଗେ ଚାହାଁଦାର୍ ବାକେ ବାପ୍ତିସ୍ମ ଗ୍ରହଣ୍ କାମା । ତାଘେ ପାଛିଲି ନିମ୍ନେଗୁଠିଆରେ ପାପଗୁଠି କ୍ଷମା ମାନକେ । ୫ଯୀହୁଦା ଆଉ ଯୀରୁଶାଲମତା ସବୁ ଆଲାର୍ ଯୋହନସେ ପାଖ୍ରେ ବାରତାଷ୍ । ନିଜର୍ ନିଜର୍ ପାପ ସ୍ଵୀକାର୍ କାମା, ଯର୍ଦ୍ଦନ ନଦୀନ୍ ତାମ୍ ଯୋହନସେ ହାରା ବାପ୍ତିଜିତ ମାଞ୍ଚାର୍ ।

୬ଯୋହନ ଓତଗେ ଚାପଟାନ୍ ତିଆରି ମାଞ୍ଚାକାଟିକା ଚିତ୍ତା କୁରାଲିଆସ୍ ଆଉ କାଳମାଗେ ଚାରିପାଖ୍ ଚାପଟାଗେ ପତି ହିଆଲିଆସ୍ । ପଜାପାଳ ଆଉ ତିନି ତାଘେ ଖାଦ୍ୟରାତା ।

୭ଯୋହନ ଆଲାରେ ଆଘଲିକାଳେ ଘୋଷଣା କାମାଲିଆର୍; । “ଏଘେ’ ପାଛଲି ଅଣ୍ଟା ଶକ୍ତିଶାଳି ଆଲୁ ବାରାଦାସ୍; ଏନ୍ ମୁଣ୍ଡିଆ ମାରାୟା ତାଘେ ଚଟିଖୁଲାଗେ ସରିମାଲା ।  
୮ଏନ୍ ନୀମାନ୍ ଗୁଠିଆରି ଆମ୍ମନ୍ତୁ ବାପ୍ତିସ୍ମ ଚିଆଦାନ୍ ହେଲେ ତାନ୍ ନିମାଗୁଠିଆରିନ୍ ପବିତ୍ରଆତ୍ମାଗେ ହାରା ବାପ୍ତିସ୍ମ ଚିଅସ୍ ।”

**ଯୀଶୁସେ ବାପ୍ତିସ୍ମ ଗ୍ରହଣ**

୯ହୁ ସମୟକୁ ଯୀଶୁ ଗାଲିଲୀତା ନୀଜରିତରେ ଯୋହନସେ ପାଖରେ ବାରତାଷ୍ଟ । ଯୋହନ ଯୀଶୁସିନ୍ ଯର୍ଦ୍ଦନ ନଦୀକୁ ବାପ୍ତିସ୍ମ ଚିତାଷ୍ଟ । ୧୦ଯୀଶୁ ଆନ୍ତୁକ୍ତି ଉରଖୁନାସମୟକୁ ସ୍ବର୍ଗ ଖୁଲାଇଆସ୍ଟିକା ଏରିଆସ୍ । ତାନ୍ ଏରିଆସ୍ ଯେ, ପବିତ୍ରଆତ୍ମା ତାଘେ ମିଆଁ ପୁରରା ଲେଖା ଏତୀଆବାରତା । ୧୧ଆକାଶତି ବାଣିମାଆ: “ହେ ଏଘେ ହାଦୁ, ଏନ୍ ନିଜା ଭଲ୍ ହାଖାଦାନ୍, ଏନ୍ ନିଘେ ମିଆଁ ବାଗେ ଖୁସି ।”

**ଯୀଶୁସେ ଶିକତାନଗେ ପରିକ୍ଷା**

୧୨ତାଘେ ପାଛଲି, ସାଜେ ସାଜେ ଆତ୍ମା ଯୀଶୁସିନ୍ ମରୁଭୂମିରେ ଅଥାସିନ୍ ତାୟାତାଷ୍ଟ । ୧୩ଯୀଶୁ ହୁସାନ୍ ଚାଳିଷ ଦିନ୍ ଜାକେ ପ୍ରାଥନା ଆଉ ଉପାସ୍ ରାତାଷ୍ଟ । ହୁସାନ୍ ତାନ୍ ଶିକତାନଗେ ଦ୍ବାରା ପରିକ୍ଷୀତ୍ ମାଆଷ୍ଟ । ତାଜେ ପାଛଲି ସ୍ବର୍ଗତା ଦୂତଗୁଠିଆର୍ ବାରତାର୍ ଯୀଶୁସେ ସେବାକାମତାର୍ ।

**ଯୀଶୁ ନିଅଁ ତେଲୀଗୁଠିଆରିନ୍ ଚାଜିଆସ୍**

୧୪ଇଦଗେ ପାଛଲି ଯୋହନସିନ୍ ଜେହେଲୁ ବସିକାମାୟା ଇୟାଖାତ୍ରା । ଯୀଶୁ ଗାଲିଲୀଗେ ବାରତାଷ୍ଟ ଆଉ ତାନ୍ ପରମେଶ୍ବରସେ ସୁସମାଚାର ପ୍ରଚାର କାମାଗେ ଲାଗିଆସ୍ । ୧୫ଯୀଶୁ ତେଜିଆସ୍, “ଆକୁନ୍ ଭଲ୍ ସମୟ୍ ବାକିଚି ପରମେଶ୍ବରସେ ରାଜି ପାଖୁମାଆକେରାଦି । ନିନ୍ନେ ଗୁଠିଆରେ ହୃଦୟ ପରିବତ୍ତନ କାମା । ସୁସମାଚାର ବିଶ୍ବାସ କାମା ।

**ଯୀଶୁ ନିଅଁ ତେଲୀଗୁଠିଆରି ଚାଜିଆସ୍**

୧୬ଯୀଶୁ ଗାଲିଲୀ ହୁଦଚିଆୟା କାନାସମୟକୁ ସିମନ ଆଉ ତାଘେଭାଇ ଆନ୍ଦ୍ରିୟସିନ୍ ଏରିଆସ୍ । ସିମନ, ପିତରସେ ଇବ ଆଉ ଅଣ୍ଟା ନାମେ । ତାମ୍ ଦୁଇଲୋକ୍ କେଉଡ଼ ରାଚାର୍ । ଇଞ୍ଜି ଧାରାଗେ ଲାଗିନ୍ ତାମ୍ ହୁଦ ଉଲୀଗେ ଜାଲି ଚାଶାଲିଆର୍ । ୧୭ଯୀଶୁ ତାମାନ୍ ତେଜିଅସ୍, “ନିମଗୁଠିଆର୍ ବାରା ଆଉ ଏଜା ଅନୁସରଣ କାମା । ଏନ୍ ନିମା ଅଲଗା ପ୍ରକାର୍ ଇଞ୍ଜି ଧାରନା ଶିଖାବନ୍ । ନିମଗୁଠିଆର୍ ଇଞ୍ଜି ବାଦ୍ଲା ଆଲାରିନ୍ ଅଣ୍ଟାନୁ କାମର୍ । ୧୮ ହେଲେ ସିମନ ଆଉ ଆନ୍ଦ୍ରିୟ ତାନ୍ନେ ଜାଲି ଆମ୍ବିଆରା, ଯୀଶୁସିନ୍ ଅନୁସରଣ କାମତାର୍ ।

୧୯ଯୀଶୁ ଗାଲିଲୀ ହୁଦ ପାଖୁନ୍ ଏକାଗେ ଲାଗିଆସ୍ । ନିଅଁଗେଛ୍ କାନାଗେ, ଜେବୋଦିଗେ ତାଜାଦାସ୍ ଯାକୁବ ଭାଇ ଯୋହନସି ଏରିଆସ୍ । ତାମ୍ ଦୁଇଭାଇ ତଜାନ୍ତୁ

ଅକିଆରା ଇଞ୍ଜି ଧାରାଗେ ଲାଗିନ୍ ଜାଲି ସାଜାବାଲିଆର୍ । ୨୦ ହୁ ଦୁଇଭାଇର୍ ଗାନେ, ତଙ୍ଗାନ୍ ତାସେ ବୁଆସ୍ ଜେବଦୀ ଆଉରିନ୍ ଏରିଆସ୍ ବାକେ ଯୀଶୁ ତାମାନ୍ ବାରାଗେ ଅନୁରୋଧ କାମତାଷ୍ । ତାମ୍ ତାସେ ବୁଆ ଆଉ ଶ୍ରମିକ ଗୁଠିଆରିନ୍ ଆମ୍ବିଆସା, ଯୀଶୁସିନ୍ ଅନୁସରଣ କାମତାଷ୍ ।

### ଯୀଶୁ ଦୁଷ୍ଟ ଆତ୍ମାନ୍ ସୁସ୍ଥ କାମତାଷ୍

୨୧ ଯୀଶୁ ଆଉ ତାଘେ ଚେଲାଗୁଠିଆ କଫନାହୁମଗେ' କେରାର୍ । ରଜବାର୍ ଉଲ୍ଲା<sup>1</sup> ଯୀଶୁ ସମାଜ୍ ଆଜ୍ଞାନ୍ କେରାସା ଆଲାରିନ୍ ଶିକ୍ଷା ଚିତାର୍ । ୨୨ ଯୀଶୁସେ ଶିକ୍ଷା ମେଞ୍ଚାର ଆଲାର୍ ଆଶ୍ଚର୍ଯ୍ୟ ମାଞ୍ଚାର୍ କେରାର୍ । ଯୀଶୁ ତାମାନ୍ ଧର୍ମଶାସ୍ତ୍ରୀ ଲେଖା ଶିକ୍ଷା ମାହି ଚିତାଷା । ଅରତୁ ଅଧିକାର ହାକଚିକା ଆଲୁ ଲେଖା ଶିକ୍ଷା ଚିତାଷ୍ । ୨୩ ଯୀଶୁ ସାମାଜ୍ ଆଜ୍ଞାନ୍<sup>2</sup> ରାନାସମୟନ୍ ହୁସାନ୍ ଏହେଦି ଅଣ୍ଟା ଆଲୁ ରାତାଷ୍, ନେଖେ ମେଦୁନ୍ ଭୁତୁ ଅଣ୍ଟା କର୍ତାଦା ରାତା । ହୁ ଆଲାସ୍ ପାଟି କାମତାଷ୍ ତେଜିଆସ୍ । ୨୪ "ହେ ନାଜରିତ୍ତୟ ଯୀଶୁ, ନିମ୍ ଏସେସତିନ୍ ଏସେ ଚାହାଁଦାର୍ ? ନିମ୍ ଏସେ ଏମାନ୍ ଧୁଂସ କାମାଗେ ବାରକାଦାର ? ନିମ୍ ନେର, ନିମ୍ ନେର୍ ଏନ୍ ହୁବ ଆହାଦାନ୍ ନିମ୍ ପରମେଶ୍ୱରସେ ପବିତ୍ର ଆଲୁ ।"

୨୫ ଯୀଶୁ ଉର୍ଦନା କାମତାଷ୍ ତେଜିଆସ୍, "ତୁମ୍ କାମା ଇସେ, ମେଦୁକ୍ତି ଉରଖାକାଲା ।" ୨୬ ଦୁଷ୍ଟଆତ୍ମା ଆଲାସିନ୍ ଦାହାଲିଆତା, ତାଘେ ପାଛଲି ତାନ୍ ବାଗେ ଜୋରସେ ଚିରାଦା ହୁଆଲାସେ ଉଲତି ଉରଖୁଆକେରା ।

୨୭ ଇବ ଏରିଆରାଆଲାର୍ ଆଶ୍ଚର୍ଯ୍ୟ ମାଞ୍ଚାରକେରାର୍ । ତାମ୍ ତେଙ୍ଗା ତେଜି ମାଞ୍ଚାର୍, "ଇସାନ୍ ଏସେ ସବୁ ଘଟାଲି ? ଇଆଲାସ୍ ଏମାନ୍ ଅଲଗା ପୁନାଶିକ୍ଷା ଚିଆଦାସ୍ । ତାନ୍ ଭୁତୁ ଗୁଠିଆରୀମଧ୍ୟ ଆଜ୍ଞା ଚିଆଦାସ୍ ଆଉ ଭୁତୁଗୁଠିଆର୍ ତାଘେ କାଆ ମେନାନାର୍ ।" ୨୮ ହେଲେ ଯୀଶୁ ସେ ବିଷୟନ୍ ଗାଲିଲୀଆଞ୍ଜଳତା ଚାରିପାଖ୍ ଚାଣ୍ଡେ ଖବର୍ ଆହାଁତିଆକେରା ।

### ଯୀଶୁ ନିଅ ଆଲାରୀନ୍ ସୁସ୍ଥକାମତାଷ୍

୨୯ ତା'ଘେ ପାଛଲି ତାମ୍ ସାମାଜ୍ ଆଜ୍ଞାତି ଉରଖୁଆରା ଯାକୁବ ଆଉ ଯୋହନସେ

<sup>1</sup> ୧:୨୧ ବିଶ୍ୱାମ୍ ଉଲ୍ଲା ଯୀହୁଦି ସପ୍ତାନ୍ ସାତେଟା ଉଲ୍ଲା । ଇ ଉଲ୍ଲା ବିଶେଷ୍ ପବିତ୍ର ଉଲ୍ଲା ।

<sup>2</sup> ୧:୨୩ ସାମାଜ୍ ଆଜ୍ଞାପା ଇସାନ୍ ଯୀହୁଦି ଗୁଠିଆର୍ ଧର୍ମଶାସ୍ତ୍ର ପାଢ଼ନା, ପ୍ରାଥମୀ ଆଉ ସାଧାରଣ ସଭା ଲାଗି ଅଣ୍ଟାନ୍ ମାନ୍ଦାର୍ ।

ସାଙ୍ଗେ ସିଧା ଶିମୋନ ଆଉ ଆନ୍ଦ୍ରିୟସେ ଆସ୍ତ୍ରା କେରାସ୍ । ୩୦ ଶିମୋନସେ ଶାଶୁ ନାଶିକ୍ତି ବିଛଣାନ୍ତୁ ଖାତରିକିତା । ହେଲେ ହୁସାନ୍ ରାତକା ଆଲାର୍ ତାଘେ ବିଷୟନ୍ତୁ ଯୀଶୁ ତେଜିଆସ୍ । ୩୧ ଯୀଶୁ ତାଘେ ବିଛଣା ପାଖ୍ରେ କେରାସ୍ । ଯୀଶୁ ତାଘେ ହେଖା ଧାରତାଷ୍ ତାଙ୍ଗା ଇଲାଗେ ସାହାର୍ଯ୍ୟ କାମତାଷ୍ । ତାଘେ ନାଶୀ, ଛାନ୍ତାକେରା ଆଉ ସୁସ୍ତ ମାଆକେରା । ତାଘେ ପାଛଲି ତାନ୍ ତାମାନ୍ ବେଭାର କାମାଗେ ଲାଗିଆ ।

୩୨ ବିଳି ପୁତିଆକେରାବାକେ, ହୁ ମାହାନ୍ତୁ ଆଲାର୍ ନିଅଁ ଅସୁସ୍ଥ ଆଲାରିନ୍ ଯୀଶୁସେ ପାଖ୍ରେ ଅନ୍ଦରାବା ବାର୍ଗାର୍ । ଏକା ଆଲାରେ ମେଦୁଉଲା ଦୁଷ୍ଟାତ୍ତା କରତାଦା ରାତା, ତାମାନଭି ଆଲାର୍ ଯୀଶୁସେ ପାଖ୍ରେ ଅନ୍ଦରାର । ୩୩ ସହରତା ସବୁ ଆଲାର୍ ହୁ ଆସ୍ତ୍ରାତ୍ତା ଚାଲିନ୍ତୁ କାମାମାଆର୍ କେରାର୍ । ୩୪ ଅଲଗାପ୍ରକାର ରଗୁନ୍ତୁ ପିଡିତ ନିଅଁ ଆଲାରିନ୍ ଯୀଶୁ ସୁସ୍ଥ କାମତାତାଷ୍ । ତାନଭି ଆଲାରେ ମେଦୁକ୍ତି ନିଅଁ ଭୁତୁଗୁଠିଆର୍ ଉରଖ୍ଯା କାନା ଭି ବାଧ୍ୟ କାମତାତାଷ୍, ହେଲେ ତାନ୍ ନେରବୋଲି ଭୁତୁଗୁଠିଆର୍ ଆଙ୍କାଚାର୍ ଯୁଗୁରୁ ତାନ୍ ତାମାନ୍ ପଦେ ହେଲେ ତେଙ୍ଗାଗେ ସୁଯୋଗ ମାହିତିଚାର୍ ।

### ଆଲାରେ ସୁସମାଚାର ପ୍ରଚାର କାମାଗେ ଯୀଶୁସେ ପ୍ରସ୍ତୁତି

୩୫ ତାଘେ ଆଘଲି ଉଲା ପାଇରି ଯୀଶୁ ଖୁର୍ ଚାଣ୍ଡେ ଉସକାରାସ୍ କେରାସ୍ । ମାହାଁ ରାନୁରାନ୍ତୁ ତାନ୍ ଅଣ୍ଡା ଆସ୍ତ୍ରା ଆମ୍ବିଆସା ଅଣ୍ଡା ନିଛାଟିଆ ଜାଗାରେ କେରାସ୍ । ହୁସାନ୍ ତାନ୍ ପ୍ରାର୍ଥନା କାମତାତାଷ୍ । ୩୬ ପାଛଲି ଶିମୋନ୍ ଆଉ ତାଘେ ସାଥୁଗୁଠିଆର୍ ଯୀଶୁସିନ୍ ଖୁଲାଗେ କେରାର୍ । ୩୭ ତାମ୍ ଯୀଶୁସିନ୍ ହାଖ୍ଆର୍ ଆଉ ତାଙ୍ଗା ତେଜିଆର୍, “ଆଲାର୍ ନିମାନ୍ ବେଦାନାର୍ ।”

୩୮ ଇବ ମେଆସା ଯୀଶୁ ତେଜିଆସ୍, “ଏମ୍ ଅଲଗା ପାଖ୍ରେନଗରଗେ କାନା ଉଚିତ୍, ଯେକ୍ତି ଏନ୍ ହୁସାନ୍ ତାମାନ୍ ଉପଦେଶ ଚିଆ ଆଙ୍ଗନ୍, ଏନଖାଲି ଇଦଗେ ଲାଗାନ୍ ବାରକାଦାନ୍ ।” ୩୯ ଇହାଦି ଭାବନ୍ତୁ ତାନ୍ ସାମାଜ୍ ଆସ୍ତ୍ରାଗୁଠିନ୍ତୁ ଉପଦେଶଚିତାଷା ଆଉ ଆଲାରେକ୍ତି ଭୁତୁଗୁଠିଆରିନ୍ ଖେଦାୟା ଗାଲିଲାତା ସବୁଜାଗାନ୍ତୁ କୁଦିଆସ୍ ।

### ଅଣ୍ଡା କୁଷ୍ଠରୋଗିସିନ୍ ଯୀଶୁ ସୁସ୍ଥ କାମତାତାଷ୍

୪୦ ଅଣ୍ଡା କୁଷ୍ଠରୁଗି ଯୀଶୁସେ ପାଖ୍ରେ ବାରତାତାଷ୍ । ତାନ୍ ଯୀଶୁସେ ଆଘଲି କାଲେ ଆଶ୍ଟମାଳତାଷା ପ୍ରାର୍ଥନା କାମତାତାଷ୍, “ନିମ୍ ଇଛା କାମତୁକୁନ୍ ଏଙ୍ଗା ଭଲକାମା ଆଙ୍ଗର୍ ହୁ ଶକ୍ତି ନିମ୍ରେ ଆତଲି ।”

୪୧ ହୁ ଆଲାସେ ମିଆଁ ଯୀଶୁସେ କରୁଣା ଜାତ୍ ମାଆ । ତାନ୍ ହେଖା ବାଢାବାତାତାଷ୍

ଆଲାସିନ୍ ଏସରାତାଷ୍ । ଆଉ ତେଜିଆସ୍, “ଏନ୍ ନିମାନ୍ ସୁସ୍ତକାମାଗେ ଚାହାଁଦାନ୍, ନିମ୍ ସୁସ୍ତ ମାଞ୍ଜାକାଦାର୍ ।” ୪୨ ତାହେ କୁଷ୍ଟରୁଗ୍ ଚାଣ୍ଡେ ଛାଳରାକେରା ଆଉ ତାନ୍ ସୁସ୍ତ ମାଞ୍ଜାସ୍ ।

୪୩ ଯୀଶୁ ଆଲାସିନ୍ ଏକା କାଲାଗେ ତେଜିଆସ୍, ହେଲେ ତାଙ୍ଗା ଚେତାବନି ଚିତାଷା ତେଜିଆସ୍ । ୪୪ “ଏନ୍ ନିଙ୍ଗା ଲାଗାନ୍ ଯାହା କାମଚିକାନ୍ ହୁ କାଥା ନେକାଭି ଆମ୍ବେ ତେଜା । ହେଲେ ଯାଜକସେ ପାଖ୍‌ଗେ କାଲାୟା, ନିଜର ମେଦୁବ ଏଦା । ନିମ୍ ସୁସ୍ତ ମାଞ୍ଜାକାଦାର ମୋଶାସେ ଆଙ୍ଗା ଅନୁସାନ୍, ପରମେଶ୍‌ବରସେ ନୈବେଦ ଅର୍ପଣକାମା । ନିମ୍ ସୁସ୍ତ ମାଞ୍ଜାକାଦାୟ ବୋଲି ଆଲାରେ ପାଖ୍‌ନ୍ ପରମାଣ ରଦ୍ ।” ୪୫ ଆଲାସ୍ ହୁଜାଗା ଆମ୍ବିଆସା କେରାସ୍; ଆଉ ନେକା ଏରିଆସ୍ ତାଙ୍ଗା ତେଜିଆସ୍ ଯେ, ଯୀଶୁ ତାଙ୍ଗା ସୁସ୍ତ କାମକାଦାସ୍ । ହେଲେ ହୁଦଗେ ଲାଗି ଯୀଶୁସେ ବିଷୟନ୍ ଚାରିପାଖ୍ ଖବର ଡାବଚାକେରା । ହେଲେ ଆଲାୟ୍ କାଡେ ଏରା ଆଙ୍ଗର୍, ହେଲେ ଯୀଶୁ ଏକା ନଗରୀଗେ ମାହିକେରାସ୍ । ତାନ୍ ଆଲାୟ୍ ମାହି ରାତକା ନିଛାଟିଆ ଜାଗାନ୍ ରାଗେ ଲାଗିଆସ୍ । ହେଲେ ସବୁ ନଗରତା ଆଲାୟ୍ ଯୀଶୁ ରାତକା ଜାଗାଗେ ସବୁର ବାରାଗେ ଅକିଆୟ୍ ।

### ଯୀଶୁ ପକ୍ଷାଦାତି ରୁଗିସିନ୍ ସୁସ୍ତ କାମଚାଷ୍

୨ ନିଅଦିନ ପାଛଲି, ଯୀଶୁ କଫନାହୁମ୍ବେ କିରିଆସ୍ ବାରତାଷ୍ । ଯୀଶୁ ଆଙ୍ଗାଗେ କିରିଆସ୍ ବାରକାଦାସ୍ ବୋଲି ହୁଲିମାଞ୍ଜାକେରା । ୨ ଅନେକ୍ ଆଲୁ ଯୀଶୁସେ ଉପଦେଶ ମେନାଗେ ଜାମରାର କେରାୟ୍ । ଆଙ୍ଗାବ ନିହିଆକେରା ଆଙ୍ଗାନ୍ତକା, ବାହାରି ଇଜାଣେ ଜାଗାମାଲାରୁ । ଯୀଶୁ ଆଲାରିନ୍ ଉପଦେଶ ଚିଆଲିଆସ୍ । ୩ ହୁ ସମୟନ୍ ନିଆଁ ଆଲୁ ତାହେ ପାଖ୍‌ଗେ ଅଷ୍ଟା ପକ୍ଷାଦାତ ରୁଗମାଞ୍ଜିକାତ ଅନ୍ଦରାୟ୍ । ରୋଗିସିନ୍ ଚାରଲୋକ୍ ଆଲୁ ଚେତାରା ଅନ୍ଦରାୟ୍ । ୪ ଆଲୁ ଭିଳମାନାକାନା ଯୁଗୁରୁ ତାମ୍ ରୋଗୀ ସିନ୍ ଯୀଶୁସେ ପାଖ୍‌ଗେ ଅନ୍ଦରା ପଲିଆୟ୍, ହେଲେ ତାମ୍ ଯୀଶୁ ରାତକା ଆଙ୍ଗାବନ୍ କାଶା କାମଚାର ଆଉ ବିଛଣାନ୍ ଖାତରାକାଚିକା ପକ୍ଷାଦାତୀ ରୁଗିସିନ୍ ହୁ କାଶାବାଟେ ଯୀଶୁ ରାତକା ଜାଗା ଯାକେ ତାଲିଗେ ଝୁଲତାତାୟ୍ । ୫ ଯୀଶୁ ଏରିଆସ୍ ଯେ, ହୁ ଆଲାରେ ଗଭୀର ବିଶ୍ୱାସ୍ ଆତଲି । ହେଲେ ଯୀଶୁ ପକ୍ଷାଦାତି ରୁଗିସିନ୍ ତେଜିଆସ୍, “ହେ ଯହାଁୟ, ନିଘେ ପାପଗୁଠି କ୍ଷମା କାମାମୁଞ୍ଜରା ।”

୬ ନିଅଟା ଧର୍ମଶାସ୍ତ୍ରୀ ହୁସାନ୍ ଅଙ୍କାଟାୟ୍, ଯୀଶୁ ସେ ନାଲଖୁ ତାମ୍ ଏରିଆୟ୍ । ତାନ୍ ନିଜର ନିଜର ଉଲା କଥାବାଢା ମାଞ୍ଜାର, “ଇଆଲାସ୍ ଏନ୍ଦେଗେ ଏହେଦି କଥାବାଢା

କଲ୍ୟାଣୀୟାୟ ? ଓ ତାହା ଯେଉଁଠି ଯେଉଁଠି ଯିବୁଣ୍ଡୁ, ନିମାମକାମାୟାୟ ଯେଉଁଠି ଯେଉଁଠି ଯିବୁଣ୍ଡୁ ଥିବା ଆଲୋକା ଆଲୋକା ସାମାଜ୍ୟା କାମାୟେକାୟ ?”

「ଧର୍ମଶାସ୍ତ୍ର ଗୁଠିଆରୁ ତାହେ ଦିଷ୍ଟୟନ୍ତୁ ହୁବନାସଦୁ ଭାବନାରୁ ବୋଲି ଯାଶୁ ତାହେ ନିରୀ ଆଶାୟ କେରାୟ । ହେଲେ ଯାଶୁ ତାମାନ୍ ତେଜିଆୟ, “ନିମ୍ ମୋନନ୍ତୁ ଉସଦୁ କାଆ ଏନେଗେ ଭାବାଦାରୁ ? “ଇ ପକ୍ଷାପାତି ଆଲାସେ ଏକା କାଆ ତେଜାଗେ ସହଜ ? “ନିମ୍ମେ ପାପଗୁଠି କ୍ଷମାକାମାତିଆ ଖାତରା ।” ନା ତାଜା ତେଜଦ୍: “ଇଲା ଆର ନିମ୍ମେ ବିକ୍ଷଣା ଧାରାୟା ଏକା ?” ୧୦ ହେଲେ, ଏନ୍ ନିମ୍ମେ ଆପଲିକାଗେ ପରମାଣ୍ କାମନ୍ତୁ ଚନ୍ଦ୍ ପେ, ଇ ପୃଥ୍ବାକ୍ ଆଲୁ ହାବୁସେ ପାପକ୍ଷମା କାମାଗେ ଶକ୍ତି ଆଚଲି, ତାହେ ପାଛଲି ଯାଶୁ ଅକ୍ଷା ପକ୍ଷାପାତି ଆଲାସିନ୍ ତେଜିଆୟ । ୧୧ “ଏନ୍ ନିମାନ୍ ତେଜାଦାରୁ, ଇଲା ବିକ୍ଷଣା ଧାରା ଆର ଆକ୍ଷା କାଲା ।”

୧୨ ପକ୍ଷାପାତି ଆଲାୟ ଇକ୍ଷାୟ । ବିକ୍ଷଣା ଧାରତାଶ୍ ଆର ଆକ୍ଷା ଉଲଟି ବାହାରିଗେ ଉରକ୍ଷାୟ କେରାୟ । ସଦୁ ଆଲାରୁ ତାଜା ଏକା ଆଜିଆରୁ । ତାମ୍ ଆଶ୍ଚର୍ଯ୍ୟ ମାହାରକେରାରୁ ଆର ପରମେଶ୍ଵରସେ ମହିମା ଗିଚ୍ଠୁ ପାଲିଆର, ତାମ୍ ତେଜିଆରୁ, “ଏମ୍ ଏହିଦି ଆଶ୍ଚର୍ଯ୍ୟ ଘଟଣା ଏକଲାଭି ମାଲ୍ଲା ଏବୁମ୍ ।”

**ମାୟର ଯାଶୁସିନ୍ ଅନୁସରଣ କାମତାଶ୍**

୧୩ ଆରଥରେ ଯାଶୁ ହୁବ ପାଶ୍ ତିତାକ୍ଷା କେରାୟ । ନିଅ ଆଲୁ ତାହେ ପାଶ୍ଚରେ ବାରତାରୁ । ଯାଶୁ ତାମାନ୍ ଶିକ୍ଷା ତିତାଶ୍ । ୧୪ ଯାଶୁ କାମା ସମୟଦୁ କର ଆବାୟ ଜାଗାନ୍ତୁ ଅଧିକା ଆଲପିସେ ହାବୁଶ୍ ଲେବିସିନ୍ ଏରିଆସା ତାନ୍ ତେଜିଆୟ, “ଏକା ଅନୁସରଣ କାମା ।” ତାହେ ପାଛଲି ଲେବି ଇକ୍ଷାସା ଯାଶୁସିନ୍ ଅନୁସରଣ କାମତାଶ୍ ।

୧୫ ପାଛଲି ଯାଶୁ ଆର ତାହେ ତେଲାଗୁଠିଆରୁ ଲେବିସେ ଆକ୍ଷାନ୍ ଅକ୍ଷାବାକେ, ତାହେ ସାଜେ ନିଅ କରଆବାୟକାଭି ଆର ନିଅ ଦୁଷ୍ଟ ଆଲାଭି ଅନାଲିଆର । ଯାଶୁସିନ୍ ଅନୁସରଣ କାମନା ନିଅ ଆଲୁ ଭି ହୁସାନ୍ ଭାତାରୁ । ୧୬ ଯାଶୁସାନ୍ କରଆବାୟକାଭି ଆର ଦୁଷ୍ଟ ଆଲାରୁ ଗାଗେ ଆବିଆସା ଅକ୍ଷାବନ୍ ଏରିଆରା, ଧାର୍ମେଶାସ୍ତ୍ରା ଆର ପାରୁଶୀଗୁଠିଆର, ଯାଶୁସେ ତେଲାଗୁଠିଆଭିନ୍ ମେହାରୁ, “ଯାଶୁ କରଆବାୟକାଭା ଆର ପାପିଗୁଠିଆଗାଗେ ଏନେଗେ ଅନାଦାୟ ?”

୧୭ ଯିଶୁ ଉବ ମେହାସା ତାମାନ୍ ତେଜିଆୟ, “ସୁଶ୍ ଆଲାସେ ଡାକ୍ତର ବରକାର ମାଲ୍ଲା, ଖାଲା ରୋଗି ଆଲାରେ ଡାକ୍ତର ବରକାର, ଏନ୍ ଧାର୍ମିକଗୁଠିଆଭିନ୍ ନିମନ୍ତ୍ଵଣ ତିଆଗେ ମାଲ୍ଲା ବାବୁନ୍ । ଏନ୍ ଖାଲି ପାପି ଗୁଠିଆଭିନ୍ ନିମନ୍ତ୍ଵଣ କାମାଗେ ବାରକାଦାନ୍ ।”



### ଯୀଶୁ ଅଲଗା ଧର୍ମେ ଗୁରୁଗୁଠିଆର୍ଡି ଅଲଗା

୧୮ ଯୋହନ ସେ ଚେଲା ଆଉ ଫାରୁସୀଗୁଠିଆର୍ ଉପାସ୍ କାମାଲିଆର୍ ନିଅ ଆଲୁ ଯୀଶୁସେ ପାଖ୍ରେ ବାର୍ତାଷା ତେଜିଆସ୍, “ଯୋହନସେ ଚେଲାଗୁଠିଆର୍ ଉପାସ୍ କାମାନାର୍, ହେଲେ ନିମ୍ନେ ଚେଲାଗୁଠିଆର୍ ଏନ୍ଦେଗେ ଉପାସ୍ ମାହିଁ କାମାଗେ ?”

୧୯ ଯୀଶୁ ତେଜିଆସ୍, “ବେଞ୍ଜାବାକେ ସମୟନ୍ ବରଯାତ୍ରୀଗୁଠିଆର୍ ଦୁଃଖ୍ଡ ମାହିଁ ମାନ୍ନାର୍, ହେଲେ ବରକୁଞ୍ଚସ୍ ତାମ୍ନେ ସାଙ୍ଗେରେ ରାନାର୍ । ହେଲେ ବରକୁଞ୍ଚସ୍ ହୁସାନ୍ ରାନାୟାକେ ତାମ୍ ଉପାସ୍ କାମା ପଲ୍ଲନାର୍ ।” ୨୦ ହେଲେ ସମୟବାର୍, ବରସିନ୍ ତାମ୍ନେସ୍ତିନ୍ ଗେଛା କାମାଚିଆ ଖାତରା । ହୁବାକେ ତାମ୍ (ବର ଯାତ୍ରୀ ଗୁଠିଆର ) ଉପାସ୍ କାମର୍ ।

୨୧ “ନେର ଏକଲାଭି ପାତା ଚିତାଗେ ପୁନା ଚିତାଗେ ତାଲି ମାହିଁ ହେବଲି । ଯଦି ତାନ୍ ତାଘେ କାମି, ହେଲେ ପୁନା ଚିତା ତାଲି ଆରବଚିଅଦ୍ । ଆଉ ତାଘେ ଲାଗିନ୍ ଚାଣରଦା ପାତା ଚିତାଗେ ଚିହ୍ନ କହାମାନକୋ । ୨୨ ହୁହାଦି ଲେଖା ନେର ଏକଲାଭି ପୁନା ଦ୍ରାକ୍ଷାରାସେ ପାତା ଚାପଟା ଜିନିଷନ୍ ମାହିଁ ଇଦ୍ । ଯଦିହୁବ କାମି ହେଲେ ପୁନା ଦ୍ରାକ୍ଷାରାସେ ପାତା ଚାପଟା ଜିନିଷବନ୍ ହଟଟ । ଚାପଟା ଜିନିଷ ସାଙ୍ଗେ ଦ୍ରାକ୍ଷାରାସେଭି ଖରାପ୍ ମାନକ । ହୁନ୍ନୁ ପୁନା ଦ୍ରାକ୍ଷାରାସେ ପୁନା ଚାପଟା ଜିନିଷନ୍ ହିଁ ଇୟାଖାତରୀ ।”

### ନିଅ ଯୀହୁଦି ଯୀଶୁ ଆଉ ତାଘେ ଚେଲାଗୁଠିଆରିନ୍ ସମାଲୋଚନା କାମାଗାର୍

୨୩ ରଇବାର ଉଲା ଯୀଶୁ ହେସୁ-ହାଲୁ ଚିତାଷା କାଲିଆସ୍ ତାଘେ ଚେଲାଗୁଠିଆରଭି ତାଘେ ସାଙ୍ଗେ କାଲିଆର୍ । କାନ୍ କାନ୍ ତାଘେ ଚେଲାଗୁଠିଆର୍ ମହାଁଗେ ଲାଗି ହେସୁ ହାଲୁଡି ହେସୁ-କେଣ୍ଡା ହାଚିଆର୍ । ୨୪ ଫାରୁସୀ ଗୁଠିଆର୍ ହୁବ ଏରିଆରା ଯୀଶୁସିନ୍ ତେଜିଆର୍, “ନିମ୍ନେ ଚେଲାଗୁଠିଆର୍ ଏହେଦି ଏନ୍ଦେଗେ କାମାନାର୍ ?” ରଇବାରଉଲା ଏହେଦି ନାଲଖୁ ଯୀହୁଦି ନିୟମ୍ ବିରୁଦ୍ଧିନ୍ କାଲି ।”

୨୫ ଯୀଶୁ ତେଜିଆସ୍, “ନିମ୍ ଦାଉଦସେ ବିଷୟନ୍ ପାଉକାଦାର୍ ଯେ, ତାନ୍ ଆଉ ତାଘେ ସାଙ୍ଗେ ରାତକା ଆଲାର କିଳାନ୍ ରାନାବାକେ ଆଉ ଆଲାର ଦରକାର ରାନାବାକେ ଏନ୍ଦେ କାମାଲିଆର ? ୨୬ ନିମ୍ ଗୁଠିଆର ଏନ୍ଦେମାଲ୍ ପାଟୁଳର୍ ଯେ, ଅବିୟାଥର ମହାଯାଜକ ରାନା ସମୟନ୍ ଦାଉଦ ପରମେଶ୍ୱରସେ ମନ୍ଦିରନ୍ କରାୟା ପରମେଶ୍ୱରସେ ଅରପଣ କାମକାଚିକା ଖାଦ୍ୟବନ୍ ଅନା ଚିଆଲିଆସ୍ ? ମୋଶାସେ ନିୟମ୍ ଅନୁଶାନ୍ ଯାଜକଗୁଠିଆର ଖାଲି ହୁ ଖାଦ୍ୟ ଅନା ଆଙ୍ଗର୍ ତାଘେ ଛଳା ଆଉ ନେକେଭି ହୁ ଖାଦ୍ୟ ଅନାଗେ ଅଧିକାର ମାଲ୍ଲାଦି, ହେଲେ ଆଲାରେଭି ଅନାଗେଭି ଚିଆଦାଆର୍ ।”

୨୭ତାଘେ ପାଛଲି ଯୀଶୁ ଫାରୁଶୀଗୁଠିଆରିନ୍ ତେଜିଆସ୍, “ଆଲାରିନ୍ ସାହାର୍ଯ୍ୟକାମାଗେ, ବିଶ୍ରାମଉଲ୍ଲ ସୃଷ୍ଟି ମାଞ୍ଜିକିଟି । ବିଶ୍ରାମ୍ ଉଲ୍ଲାରାଗି ପରିଚାଳିତ ମାନାଗେଲାରାଗି ଆଲାର ସୃଷ୍ଟି ମାଲ୍ଲମାନୁରୁ । ୨୮ହେଲେ ଆଲୁହାଦୁ ସବୁଦିନ୍ତା ମାଲ୍ଲିକ୍, ଏହେଦିଉ ବିଶ୍ରାମ୍ ଉଲ୍ଲାତାଉ ।”

**ଯୀଶୁ ଅଣ୍ଟା ଖଞ୍ଜି ଆଲାସେ ଦେଖା ସୁସ୍ଥକାମତାଷ୍**

**୩** ଆଉଥରେ ଯୀଶୁ ଯୀହୁଦି ଗୁଠିଆରେ ସାମାଜ୍ ଆନ୍ଧାଗେ କେରାକାଚାର୍ । ହୁସାନ୍ ଅଣ୍ଟା ଖଞ୍ଜି ଆଲାସ୍ ରାଚାଷ୍ । ୨ହୁସାନ୍ ନିଅ ଆଲ ଜାଗତାରା ରାଚାର୍ ଯେ, ଯଦି ଯୀଶୁ ହୁ ଆଲାସିନ୍ ବିଶ୍ରାମ୍ ଉଲ୍ଲାନୁ ସୁସ୍ଥ କାମତାଷ୍ । ହେଲେ ତାମ୍ ଯୀଶୁସିନ୍ ଦୋଷ ଚିଆଗେ ଆଙ୍ଗର୍ । ୩ଯୀଶୁ ହୁସ୍ତା ରାଚକା ଖଞ୍ଜି ଆଲାସି ଆଦେଶ୍ ଚିଚାଷ୍ ଇସାନ୍ ଇଜା ଯେଡି ନିଜା ସବୁର୍ ଏରା ଆଙ୍ଗର୍ ।

୪ତାଘେ ପାଛଲି ଆଲାର୍ ମେଞ୍ଚାର୍, ବିଶ୍ରାମ୍ ଉଲ୍ଲ ଏକା ନାଲଖୁ କାମନାଠିକ୍ । ଭଲ୍ ନାଲଖୁ ନାମନ୍ ନାଲଖୁ ଅରତୁସେ ଜିଆ ଇନା ଠିକ୍ କା’ଜିଆ ନଷ୍ଟ କାମନାଠିକ୍ ହେଲେତାମ୍ ନିରବ ମାଞ୍ଚାରା ରାଚାର ।

୫ତାଘେ ପାଛଲି ଆଲାରେଡ୍ରା ରାଗୁନ୍ ଏରିଆସ୍, ହେଲେ ତାମ୍ରେ ହୃଦୟନ୍ କଠିନ୍ତା ଏରିଆସା ବାଗେ ଦୁଃଖ୍ କାମତାଷ୍ । ଯୀଶୁ ହୁଆଲାସି ତେଜିଆସ୍, ନିମ୍ରେ ହେଖା ଏଜା ଏଦା । ଆଲାସ୍ ଯୀଶୁ ସେଡ୍ରା ହେଖାବ ଚିଚାଷ୍ । ୬ତାଘେ ହେଖା ଭଲ୍ ମାଞ୍ଚାକେରା । ତାଘେ ପାଛଲି ଫାରୁସି ଗୁଠିଆର୍ ହୁସତିନ୍ ଭୁଙ୍ଗାରକେରାର୍ ଆଉ ହେରଦିୟ ଗୁଠିଆରେଗାନେ ମେସରାରା ଯୀଶୁସିନ୍ ପିଟାଗେ ସର୍ ଯନ୍ତ୍ରକାମତାଷ୍ ।

**ନିଅ ଆଲ ଯୀଶୁସିନ୍ ଅନୁସରଣ କାମତାଷ୍**

୭ଯୀଶୁ ନିଜର ଚେଲାଗୁଠିଆର୍ ସାଙ୍ଗେ ଗାଲିଲୀ ହୁଦ ପାଖ୍ରେ କେରାର୍ । ତାଘେ ପାଛଲି ଗାଲିଲୀତା ନିଅ ଆଲଭି ବାରଚାର୍ । ୮ଯୀହୁଦା, ଯୀରୁଶାଲମ୍, ଇଦୋମ୍, ଯର୍ଦ୍ଦନ ନଦୀଗେ ଆରଖାଣ୍ଡି ସୋର ଆଉ ସୀଦୋନଗେ ଚାରିପାଖ୍ ନିଅ ନିଅ ଆଲ ବାରଚାରା ଆହାଡିଆର୍ । ଇଆଲାର୍ ବାରନା କାରଣ ମାନାଲି, ଯୀଶୁ ଯାହାସବୁ କାମାଲିଆସ୍ ହୁସବୁ କାଥା ତାମ୍ ମେନା ମୁଞ୍ଜକାଚାରି ।

୯ଯୀଶୁ ଯାଯା ଆଲାରିନ୍ ଏରିଆସ୍, ଭିଲ ମାଞ୍ଚା କେରାବାକେ ଆଲାର ଯେଡି ତାଘେ ତାରା ଯେଡି ମାଲ୍ଲିକର୍, ହୁଦଗେ ଲାଗିନ୍ ତାନ୍ ନିଜର ଚେଲାଗୁଠିଆରେ ଅଣ୍ଟା କାଚିଚେ ଡଙ୍ଗା ତାମ୍ରେ ଲାଗିନ୍ କାମାଗେ ତେଜିଆର୍ । ୧୦ଯୀଶୁ ନିଅ ଆଲାରିନ୍ ସୁସ୍ଥ କାମତାଷ୍ ।

ହେଲେ ସବୁ ରୁଗିଗୁଠିଆର ତାଙ୍ଗା ଏସ୍ତାରେ ତାଘେ ତାରା ମାଳା ବାରାଲିଆର୍ ।  
 ୧୧ ହତକ ଆଲରେ ମେଦୁନୁ ଦୁଷ୍ଟଆତ୍ତା କରଚିକିତା । ହେଲେ ଦୁଷ୍ଟଆତ୍ତାଗୁଠି ଯୀଶୁସିନ୍  
 ଏରିଆସ୍ ତାମ୍ ତାଘେ ଆଘଲୀକାଳେ ଖାତ୍ରାୟା ପାଟିକାମାୟା ତେଜାଲିଆ ନିମ୍  
 ପରମେଶ୍ୱରସେ ତାଙ୍ଗଦାୟ । ୧୨ ହେଲେ ଯୀଶୁ ତାମାନ୍ ଦୃଢ଼ ଭାବନୁ ଆଜ୍ଞାଚିତାଷ୍ ଯେ  
 ତାନ୍ ନେର୍, ଇବ'ଆଲାର ତାମାନ୍ ଯେତି ମାଲ୍ଲି ତେଜନାର ।

### ଯୀଶୁ ବାରଜଣ ପ୍ରେରିତ<sup>3</sup> ରିନ୍ ମନନିତ କାମଚାର୍

୧୩ ତାଘେ ପାଛଲି ଯୀଶୁ ଅଣ୍ଟା ପାରତା ମିଆଁ କେରାସ୍ । ତାନ୍ ଏକା ଆଲାରିନ୍ ଚାହାଁଚାର,  
 ତାମାନ୍ ତାଘେ ପାଖୁରେ ବାରାରେ ତେଜିଆସ୍ । ୧୪ ଯୀଶୁ ତାଘେ ମାଝାତି ବାରଜଣ  
 ରିନ୍ ଚାଜିଆସ୍ ପ୍ରେରିତ ବୋଲି ମନନୀତକାମଚାସ୍ । ଯୀଶୁ ଚାହାଁଲିଆସ୍ ଯେ ତାମ  
 ତାଘେଗାନେ ରସ । ତାନ୍ ତାମାନ୍ ପ୍ରାଚାର ଉଦେଶନୁ ଅଲଗା ଯାଗାଗୁଠିନ୍ ତାୟାସ୍ ।  
 ୧୫ ଆଉ ଆଲରେ ମେଦୁକ୍ତି ଭୁତୁଗୁଠି ଖେଦାଚାରେ ଲାଗି ତାଘେ ଅଧିକାରରଦ୍ ।  
 ୧୬ ଯୀଶୁ ମନନୀତ୍ କାମକାଟିକା ବାରଜଣ ରେ ନାମେ ଏହେଦି,

ଶିମୋନ (ନେକା ତାନ ପିତର ବୋଲି ନାମେ ଚିତାଷ୍) ।

୧୭ ଜେବଦିରେ ତାଙ୍ଗଦାସ୍ ଯାକୁବ ଆଉ ତାଙ୍ଗେ ଭାଇ ଯୋହନ (ନେକାନ୍ ତାନ୍  
 ବିନେରିଗୋସ୍ ଅଥାତ୍ “ବାଦ୍ଲି ଗାର୍ ଜାର୍ନାତା ହାଦୁସ୍” ନାମେ ଚିତାସ୍) ।

୧୮ ଆନ୍ଦ୍ରିୟ,

ଫିଲିପ୍ପ,

ବାର୍ଥଲମି,

ମାଥ୍ତ୍,

ଥୋମା,

ଆଲଫିସେ ତାଙ୍ଗଦାସ୍ ଯାକୁବ,

ଥଦ୍ଦାୟ,

କିଶାନୀୟ ଆଉ ଉଦ୍‌ଯୋଗୀ ଶିମୋନ ଜିଲୋଟ ।<sup>4</sup>

୧୯ ତଥା ଇଷ୍ଟାରିୟୋଥ ଯିହୁଦା ଇବ ଯିହୁଦା ପ୍ରବଞ୍ଚନା କାମଚାଷ୍ ଯୀଶୁ ସୀନ୍ ଶତ୍ରୁସେ  
 ହେଖାନୁ ସମର୍ପଣ କାମଚାଷ୍ ।

<sup>3</sup> ୩: ୧୩ ପ୍ରେରିତ ଏକା ଆଲାରିନ୍ ଯୀଶୁ ସତ୍ତୁନ୍ ସାହାୟ୍ୟ କାରି ରୁପେ ମନୋନିତ୍ କାମକାଜାର୍ ।

<sup>4</sup> ୩: ୧୮ ଜିଲୋଟ ଯିହୁଦାଗୁଠିଆରେ ଅଣ୍ଟା ରଖିଧାକାମକା ରାଜନୈତିକ୍ ଦଲ୍ ।

**ଯୀଶୁସେ ମେଦୁନୁ ଦୁଷ୍ଟାତ୍ତା ଆରୁ ବୋଲି ନିଅ ଆଲୁ ତେଜିଆର**

୨୦ତାଘେ ପାଛଲି ଯୀଶୁ ଆଲୁ ପାଗେ କିରିଆସ କେରାସ୍ । ହୁସାନ ଭି ନିଅ ଆଲୁକାମା ମାଞ୍ଚାରକେରାର ହୁସାନ୍ ନିଅ ଆଲୁ ରାଚାରୟେ ଯୀଶୁ ଆଉ ତାଘେ ତେଲାରୁଠିଆର ପଲୁଆର । ୨୧ଯୀଶୁସେ ପରିବାରତା ଆଲାର ଇ କାଆ ମେଞ୍ଚାର ତାମ୍ ଯୀଶୁ ସୀନ୍ ଅଦାରାଗେ କେରାର, କାରଣ ଆଲାର୍ ତେଜା ତେଜୀ ମାନଲିଆରୟେ ଯୀଶୁସେ ମତି ଭ୍ରମମାଞ୍ଚାଦି ।

୨୨ଯୀରୁଶାଲମତି ବାରକାଟିକା ଧର୍ମଶାସ୍ତ୍ରୀ ଗୁଠିଆର ତେଜିଆର, ଯୀଶୁ ସେ ମେଦୁନୁ “ବାଆଲଜିବୁଲ” କରତା କେରକିତି । ହୁଦଗେଲାରିନ୍ ଯୀଶୁ ଭୁତୁଗୁଠିଆଗେ ମୁଖିଆଗେ ଶକ୍ତି ସାହାଯ୍ୟନ୍ତୁ ଭୁତୁଗୁଠିନ୍ ଖେଦାଚାଦାସ୍ ।

୨୩ହେଲେ ଯୀଶୁ ତାମାନ୍ ପାଖିଗେ ମେହିଆସ ଆଉ ଦୃଷ୍ଟାନ୍ତ ମାଧ୍ୟମାନ୍ତୁ ତାମାନ୍ ବୁଝାବାଚାର, ଶୟତାନ୍ ଏସେକେ ଆଉ ଅଣ୍ଟା ଶୟତାନ୍ ଖେଦାଆଜା । ୨୪ଯଦି ନେଖେ ରାଜି ନିଜର ଉଲା ଯୁଦକମୀ, ହେଲେ ହୁବ ଆଉ ତିଷ୍ଟା ପଲି । ୨୫ଯଦି ଏକା ପରିବାର ନିଜର ଉଲା ଭାଗୁ ମାନିକାଇ, ହେଲେ ହୁ ପରିବାର ତିଷ୍ଟାରା ପଲି । ୨୬ହୁଦାଦି ଯଦି ଅଣ୍ଟା ଶୟତାନ ଦୁଇ ଭାଗ ମାନଦା ନିଜର ବିରୁଦ୍ଧନ୍ତୁ ଲଢେଇକାମ, ହେଲେ ତାନଭି ତିଷ୍ଟାର ପଲଲ ବରଂ ତାଜେ ଅନ୍ତମାନକେ ।

୨୭ଯଦି ଅଣ୍ଟା ଆଲାସ୍ ଆଉ ଅଣ୍ଟା ଶକ୍ତିଶାଳୀ ଆଲସେ ଆଜ୍ଞାନ୍ତୁ କରାୟା ତାଘେ ସଂଘି ଲୁଚାୟା ହୁୟାଗେ ଚାହିଁସ, ହେଲେ ପହିଲାନ୍ତୁ ଶକ୍ତିଶାଳୀ ଆଲାସିନ୍ ହିଆଖାତ୍ର । ତାଘେ ପାଛଲି ହୁ ଶକ୍ତିଶାଳୀ ଆଲାସେ ଆଜ୍ଞା ଲୁଚାୟା ସବୁ ଜିନିଷ ହୁଆ ଆଜାସ୍ ।

୨୮ଏନ୍ ନିମାନ୍ ସତୁ ତେଜାଦାନ୍, ଆଲାର ଏକା ସବୁ ପାପ କାମାନାର, ହୁବଲାସବୁ କ୍ଷମା କାମତିଆଖତରା । ଆଲାର ପରମେଶ୍ୱରସେ ବିରୁଦ୍ଧନ୍ତୁ ଯେତେ ସବୁ ଖରାପ୍ କଥା ତେଜାନାର, ହୁବୁଲାସବୁ କ୍ଷମା କାମତିଆଖତରା । ୨୯ହେଲେ ପବିତ୍ର ଆତ୍ମାଗେ ବିରଦ୍ଧନ୍ତୁ ଏକା ଆଲାସ ଏୟେ ତେଜାସ୍, ତାଜା ଏକାଲଭି କ୍ଷେମା ମାହିଁ ହାଖରି ତାନ୍ ସବୁବାକେ ହୁ ପାପତା ଦୁସିମାନସ୍ ।

୩୦ଧର୍ମେଶାସ୍ତ୍ରୀ ଗୁଠିଆର ଯୀଶୁ ସେ ମେଦୁନୁ ଦୁଷ୍ଟାଆତ୍ତା ଆତଲି ବୋଲି ତେଜାଚାର ବାକେ ଯୀଶୁ ଇସବୁ ତେଜିଆସ୍ ।

**ଯୀଶୁସେ ଅନୁସରଣକାରୀ ଗୁଠିଆର ତାଘେ ପ୍ରକୃତ ପରିବାର ମାନର୍**

୩୧ତାଘେ ପାଛଲି ଯୀଶୁ ସେ ତାଜିୟ ଆଉ ଭାଇଗୁଠିଆର ହୁସାନଗେ ବାରଚାର୍ । ତାମ୍ ବାହାରି ଇଜାର ଆଉ ଅଣ୍ଟା ଆଲିସ ଯୀଶୁ ସୀନ୍ ମେହିଆଗେ ତାୟାର । ୩୨ହୁବାକେ

ଯୀଶୁସେ ଚାରିପାଖୁ ଆଲାର ଘେରତାର ଅଙ୍କାଚାର । ତାମ୍ ତାଜାନ୍ ତେଜିଆର୍, ନିସେ ମା ଆଉ ନିସେ ଭାଇଗୁଠିଆର୍ ନିମାନ୍ ବାହାରି ଜାଗକାନାର୍ ।

୩୩ ଯୀଶୁ ମେଆସ୍, ନେରେ ଏଘେ ମା' ଆଉ ନେର ଏଘେ ଭାଇ । ୩୪ ତାଘେ ପାଛଲି ଯୀଶୁ ତାଘେ ଚାରିପାଖୁ ଅଙ୍କାଚିକା ଆଲାରିନ୍ ଏରିଆସ୍ । ତାନ୍ ତେଜିଆସ୍, ଇ ଆଲାର ଏଘେ ମା ଆଉ ଭାଇ । ୩୫ ନେର ପରମେଶ୍ଵରସେ ଇଛାବନ୍ କାର୍ଯ୍ୟକାରୀ କାମ୍ନାର, ତାମ୍ ଏଘେ ଭାଇ ଭଉଣୀ ।

### ଚାଷିଣ ହେସୁ ଚାହାନ୍ ବିଷୟନ୍ ଦୃଷ୍ଟାନ୍ତ କାଥା

୪ ଯୀଶୁ ଆଉଥରେ ହୁଦ ପାଖୁନ୍ ଭାଷଣ ଚିଆଗେ ଆରମ୍ଭ କାମତାଷ୍ । ହୁ ଜାଗାନ୍ ତାଘେ ଚାରିପାଖୁ ବାଗେ ଆଲୁ ଗୁଠିଆର କେରାର୍ । ତାନ୍ ହୁଦ ତା ରାତକା ଅଙ୍କା ତଜାନ୍ କେରାସ୍ ଅଙ୍କିଆସ୍ । ଆଉ ସାଫା ଆଲାର୍ ହୁଦ ପାଖୁନ୍ ଇଜାରା ରାଚାର୍ । ୨ ଯୀଶୁ ତଜାନ୍ ରାଚାଣା ଆଲାରିନ୍ ଶିକ୍ଷା ଚିଚାଶ୍ । ତାନ୍ ହୁବୁଡା ରିନ୍ ଉପଦେଶ, ଚିଆଗେ ଲାଗିନ୍ ବାଗେ ଗୁଡେ କାଥାଣୀତା କାଥା ମେସାୟା । ତାଘେ ଶିକ୍ଷାନ୍ ତାନ୍ ତେଜିଆସ୍ । ୩ ମେନା ଅଙ୍କା ଚାଷିସ୍ ବିହିନି ଚାହାଗେ ଭରୁଖୁଆସ୍ । ୪ ଯେତେବେଳେ ଚାଷିସ୍ ବିହିନି ଚାହାଲିଆସ୍, ହୁନ୍ତୁ ଥାଧା ବିହିନି ପାବୁନ୍ ଖାତାରା । ଅଳା ଗୁଠି ବାରଚାରା ହୁବୁଡାଗୁଠିନ୍ ମଖାର ଚାର୍ । ୫ ଆଉ ଅଧା ବିହିନି ରୁଗୁଲି ହାଜୁନ୍ ଖାତାରା । ହୁ ହାଲୁନ୍ ବାଗେ ହାଜୁ ମାଲୁରୁ । ବାଗେ ହାଜୁ ମାଲିରାନା ଶୁଖୁରୁ ହୁ ବିହିନି ଗୁଠି ଚାଣେ ଗାଜା ମାଆକେରା । ୬ ହେଲେ ବିଲି ଆକାଶ୍ ନୁ ଆରଗନା ପରେ ପରେ ଗରମ୍ ଲାଗି ଗାଜା ଗୁଠି ଅଲିଆକେରା । ହାଜୁ ଉଲାଗେ ଚେରୁ ଗାହିର୍ ଗେ କାଲା ପଳକାନ୍ତି ମାନ୍ତୁ ଚାରା ଗୁଠି ହାଇୟା କେରା । ୭ ଅଧା ବିହିନି ଆଚୁ ଉଲା ଖାତାରା କେରା । ଆଚୁ ମାନ୍ତୁ ଗୁଠି ପାରାଦାଗେ ଲାଗିଆ, ହେଲେ ଆଚୁ ମାନ୍ତୁ ଗୁଠି ମାନ୍ତୁ ଚାରା ଗୁଠିନ୍ କୁଲିଆଚା, ହୁଦ୍ ଗେ ଲାଗିନ୍ ହୁବଳା ଗୁଠି ବନେକରି ପାରାଦା ପଲିଆ । ହେଲେ ହୁନ୍ତୁ ଫାଲୁ ମାଲି ମାଆ । 'ନିଅଁ ବିହିନି ଗୁଠି ଭଲ ହାଜୁନ୍ ଖାତାରା । ହୁନ୍ତୁ ମାନ୍ତୁ ମାଆ । ମାନ୍ତୁ ଭଲ ପାରଦିଆ ଆଉ ଫାଲୁ ଆଉନିଅ ମାନ୍ତୁନ୍ ତିରିଷ ଗୁଣ୍ ଆଉ ସାଠିଏ ଗୁଣ୍ ଆଉ ଏହେଦି ଭି ନିଅଁ ମାନ୍ତୁନ୍ ଶହେ ଗୁଣ୍ଣାକେ ଫାଲୁ ମାଆ । 'ତା' ପରେ ଯୀଶୁ ତେଜିଆସ୍, 'ନିସେ ଉଲ୍ଲା ନେର ମେନାନାର, ତାମ୍ନେନାର୍ ।'

### ଯୀଶୁସ୍ ଏଘେଗେ କାଥାଣି ମିଶାୟା ତେଜଦାସ୍

୧୦ ପରେ ଯେତେବେଳେ ଯୀଶୁସ୍ ଅଥାସି ରାଚାଷ୍, ହୁ ସମୟନ୍ ତାଘେ ବାରଜଣ ଜାକ ପ୍ରେରିତ ଆଉ ଅଲଗା ଚେଳା ଗୁଠିଆର୍ ତାଜାନ୍ ଇକାଥାଗେ ସମୟନ୍ ମେନଚାର ।

୧୧ ଯୀଶୁସ୍ ତେଜିଆସ୍, “ଖାଲି ନିମାନ ପରମେଶ୍ଵରସେ ରାଜିନ୍ତୁ ଉଚ୍ଚତାକଥା ବୁଝିରାଗେ ଲାଗି ଶକ୍ତି ଚିତକା ଦାସ୍ । ହେଲେ, ଅଲଗା ଗୁଠିଆରିନ୍ ଏନ୍ କାଥାଣୀ ମାଝାନୁ ସବୁ କଥା ତେଜନ୍ । ୧୨ ଏନ୍ ଏହେଦି କାମ୍ନା କାରଣ ବୋ:

“ହୁବୁଲାର ଖାଲି ଚାହାଁ ବେନ୍ଦରସିନା ହେଲେ ଏନ୍ଦେଧରି ଏରା ପଲ୍ଲର ।  
 ହୁବୁଡାରଖାଲି ମେନା ବେନ୍ଦରସିନା ହେଲେ ବୁଝୁରାପଲ୍ଲର ।  
 ‘ଯଦି ହୁବୁଡାର ଏରାଆଙ୍ଗର ଆଉ ବୁଝୁରା,  
 ଆଙ୍ଗର ହେଲେ ହୁବୁଡାର ବାଦାଲାରକର ଆଉ କ୍ଷେମା ହାଖର କର ।’”

ଯିଶାଇୟ ୬:୯-୧୦

### ଯୀଶୁସ୍ ବିହିନି ଚାଦାନା କାଥାଣୀତା କଥା ବୁଝାବାଚାଷ୍

୧୩ ତାରପରେ ଯୀଶୁ ହୁବୁଲାରିନ୍ ତେଜିଆସ୍, ନିମ୍ନ ଗୁଠିଆର୍ ଇ’କାଥାଣୀ ବୁଝରାଦାରକା ? ୧୪ ଚାଷ୍ଟିସ୍ ଆଲାରିନ୍ ମନ ମାଝାନୁ ପରମେଶ୍ଵରସେ ଉପଦେଶ ଚାହାଗେ ଆଲୁସ୍ ଏହେଦି । ୧୫ ବେଲେବେଲେ ବାକ୍ୟ ପାବୁନ୍ତୁ ଖାତିରୀ କାଲ । ଅଧା ଆଲାର ଏହେଦି ପାବୁନ୍ତୁ, ହୁବୁଡା ଆଲାର ପରମେଶ୍ଵରସେ ବାକ୍ୟ ମେନାର ହେଲେ ଶଇତାନ୍ ଚାଣ୍ଡେ କରି ବାରିଦା ହୁବୁଡାରେ ମାଝାନୁ ଚାହାକାଟିକା ବାକ୍ୟ ବୋ’ହୁଇ କାଲ ।

୧୬ ଆଉ ଅଧା ଆଲୁ ଚାଚାନ୍ତା ହାଲୁନ୍ତୁ ଚାହାକାଟିକା ବିହିନି ଏହେଦି, ହୁବଲାର୍ ବାକ୍ୟ ମେନାର ଆଉ ଚାଣ୍ଡେ ଖୁସିନ୍ତୁ ହୁବୋ ଗ୍ରହଣ କାମ୍ନାର । ୧୭ ହେଲେ ତାଙ୍ଗେ ଚେରୁ ତାଙ୍ଗେ ହୁଦୟ ଉଚ୍ଚାଗେ କରାପଲ୍ଲି, ହେଲେ କିଛି ସମୟନ୍ତୁ ହୁବୁଡାର ବାକ୍ୟନ୍ତୁ ଧାରାନାରା ଇନାର । ପାଛଲି ଯେତେବେଲେ ବାକ୍ୟ ଯୁଗୁରୁ ବିପଦ ବାରି ଆଉ ହୁବୁଡାର ହୁଡା ମହନାର, ହୁ ସମୟନ୍ତୁ ହୁବୁଡାର ଚାଣ୍ଡେ ବିଶ୍ଵାସ ହାରାବନାର ।

୧୮ ଆଉ ଅଧା ଆଲ୍ଲାର ଆତୁ ମାଝାନୁ ଖତାରକା ଚିକା ବିହନ ଲେଖା । ଇବୁଡାର ବାକ୍ୟ ମେନାର । ୧୯ ହେଲେ ତାଙ୍ଗେ ମନ୍ତୁ ଜିଆତା ଚିତା, ଧନ ସମ୍ପତି ନୁ ଲୋଭ ଆଉ ଅଲଗା ଜିନିଷ ଲାଭ କାମାଗେ ଲାଡସାବାରୀ ଆଉ ହୁବୁଡା ଗୁଠି ବାକ୍ୟବୋ କୁଲିଚି ଦେଲେ ହୁବୁଡା ତାଙ୍ଗେ ଜିଆନ୍ତୁ ଫାଲୁ ହିନ ମାନି ।

୨୦ ଅଧା ଆଲୁ, ଭଲ ହାଜୁନ୍ତୁ ଚାହାକାଟିକା ବିହିନି ଲେଖା, ହୁବୁଡାର ପାରଦୋରା ଫାଲୁ ମାନୋର ହୁବୁଡା ଏକଲା ଏକଲା ତିରିଶ ଗୁଣ, ଶାଠିଏ ଗୁଣ, ଆଉ ଶହେ ଗୁଣ ଯାକେ ଫାଲୁମାନି ।”

ଯାହା ନିମ୍ନେ ପାଖୁନ୍ତୁ ଆଡିଲି ହୁବୁଳା ନାଲଖୁନ୍ତୁ ଲାଗାବା

୨୧ତା'ଘେ ପାଛଲି ଯାଶୁ ହୁବୁଳାରିନ୍ଦ୍ ତେଜିଆସ୍, “ନିମ୍ନେ ଏମେ କାତୁ ତାଲି କା ଖତୁ ତାଲି ଚିଜିନିବୋ ଇଦାର କା?” ନିମ୍ ତିଜିନିବୋ ଚିଜିନି ରୁଖା ମିୟା ଚିଜିନି ଇୟା । ୨୨ହେଲେ, ଯାହା କିଛି ନୁହୁରିୟା ଦା ଆଡି, ହୁବୋ ଭଲ ମାନକ । ଯାହା କିଛି ନୁହୁରିୟା ଦା ଆଡି ହୁବୋ ସବୁ ବାହାରି ଉରଖ । ୨୩ଯଦି ନେଖେ ମେନାଗେ ହେବଦା ଆଡିଲି ତାନ୍ ସେନନାସ୍ । ୨୪ନିମ ଯାହା ମେନାଦାର୍ ହୁବୁଳା ମିୟାଁ ସାବଧାନ ମାନାୟାରା ବିଚାର କାମା । ନିମ ଏହିଦି ଭାବନ୍ତୁ ଅଲଗାସେ ଚିଆଦାର । ହେଲେ ପରମେଶ୍ୱର ନିମାଗେ ଆହାରି ବାଗେ ଚିଅସ । ୨୫ନେଖେ ପାଖୁନ୍ତୁ ଯାହା ଆଡିଲି, ହୁବୋ ଆଉ ବାଗେ ଚିଆ ଖାତର । ହେଲେ ନେଖେ ପାଖୁନ୍ତୁ ବାଗେ କମ୍ ଆଡିଲି ହୁବୋ ଭି ତାନ୍ ହାରା ବଷ ।

ବିହୀନି ବିଷୟନ୍ତୁ ଯାଶୁ ବ୍ୟାଖ୍ୟା କାମଚାର

୨୬ଯାଶୁ ଆଉ ଥରେ ତେଜିଆସ୍, “ ପରମେଶ୍ୱରସେ ରାଜି, ହାଲୁନ୍ତୁ ବିହିନି ଚାହାନା ଆଲୁ ଅଣ୍ଟା ଲେଖା । ୨୭ବିହିନି ତି ଗାଜା ଉରଖୁଦା ଉଲ୍ଲା ମାହାଁ ପାରାଦେଗେ ଲାଗି । ହୁବୁଳା ଆଲାର ଉଲ୍ଲା ବାକେ ତେତା ରାନାରା କା ମାହାଁ ବାକେ ତୁତକା ରାନାରା, ହୁନ୍ତୁ ଏମ୍ନେ ଏକ୍ତେ କାଲି ବାରାଲି । ହେଲେଭି ଗାଜାବ ନିଜେ ଛାଇନ୍ତୁ ପରଦାଲାଗି । ହୁଆଲ୍ଲାସ ଆହା ପଲଦାସ୍ ଯେ ଗାଜା ବୋ ଏସକେ ପର୍ଦାଲି । ୨୮ନିକ୍ଷେଭି ସାହାର୍ଯ୍ୟ ବିନା ହୁନ୍ତୁ ନିଜେ ନିଜେ ପାଲୁମାନି ଆଘଲି ଗାଜା ତାଘେ ପାଛଲି କେଣ୍ଡା ମାନି । ତାଘେ ପାଛଲି କେଣ୍ଡାଗେ ପୁରା ପୁରି ହେସୁ ମାନି । ୨୯ଯେତେବେଳେ ହେଶୁ ପାନିକାଇ ହୁ ସମୟନ୍ତୁ ଆଲାସ୍ ତାଆତାର ହୁଦାସା ହୋଇଦାସ । ହେଲେ ଇ'ବୋହି ଅମଳ କାମାଗେ ଭଲ ସମୟ ।

ପରମେଶ୍ୱରସେ ରାଜି ଅଣ୍ଟା ମାନି ଦାନା ଲେଖା

୩୦ହେଲେ ଆଉଥରେ ତାନ ତେଜିଆସ୍, ପରମେଶ୍ୱରସେ ରାଜି ସମ୍ପର୍କନ୍ତୁ ଏମେ ତେଜନା ଏନ ନିମା ବୁଝାବନ । ୩୧ପରମେଶ୍ୱରସେ ରାଜି ଅଣ୍ଟା ମାନି ବିହିନି ଲେଖା । ଇବୋ ମାନି ବିହିନି, ନିମ୍ନେ ହାଲୁନ୍ତୁ ଚାହାକାଚିକା ବିହିନି ଗୁଠିକ୍ତି ସବୁକ୍ତି ଛଟେ । ୩୨ହେଲେ ନିମ୍ନେ ମେନା ପାଛଲି ଇ'ମାଜୀ ପାରଦୋଦା ନିମ୍ନେ ବଗ୍ଟାନ୍ତା ଆଉ ଅଣ୍ଟା ମାନୁ ଗୁଠିକ୍ତି ସବୁକ୍ତି କହା ମାନକୋ । ତାଘେ ସାକ୍ଷା ଗୁଠି କହା ମାଞ୍ଜାକେରା । ଅଳା ଗୁଠି ବାରଦା ତାଘେ ଛାଇନ୍ତୁ ବାସା କାମ ।”

୩୩ଯାଶୁ ଏହେଦି ଜା ଯା କାଆଶିନ୍ତା କଥା ମାଝାନ୍ତୁ ହୁବୁଳାରିନ୍ଦ୍ ଉପଦେଶ ଚିଆଲିଆସ୍ ।

ହୁବୁଲୀରେ ହୁବୁରା ଆଜ୍ଞାନୀ ଲେଖା ଯାଏ ତାମାନ୍ ତେଜାଲିଆସ୍ । ୩୪ ଯାଶୁ ଆଲାରିନ୍ ଉପଦେଶ ଚିନା ବାକେ ସବୁ ବାକେ କଥାଶୀତା କଥା ତେଜାଲିଆସ୍ । ହେଲେ ଯାଶୁସେ ସାଙ୍ଗେ ତାଙ୍ଗେ ଚେଲା ଗୁଠିଆର୍ ଅଥାରି ରାନା ବାକେ, ହୁ ସମୟନ୍ ଯାଶୁ ହୁବୁଲୀରିନ୍ ସବୁ କଥାତା ଅର୍ଥ ଭଲ ଭାବନ୍ ବୁଝାବା ଚିଆଲିଆସ୍ ।

### ଯାଶୁ ତାକା ବନ୍ଦ କାମଚାଚାଷ୍

୩୫ ହୁ ଉଲ୍ଲା ମାହାଁ ବାକେ ଯାଶୁ ତାଙ୍ଗେ ଚେଲା ଗୁଠିଆରିନ୍ ତେଜାଲିଆସ୍, “ଗୁଟା ଆରଖାଣ୍ଡକତ୍ ।” ୩୬ ହେଲେ ହୁବୁଲୀ ସବୁ ଆଲାରିନ୍ ହୁସାନ୍ ବିଥରାଚାର । ଏକା ତଜାନ୍ ଯାଶୁ ଆଦିଲିନ୍ଦି ଅକାଚାଷ୍, ଚେଲା ଗୁଠିଆର ଭି କେରାରା ଅକିଆର୍ । ହୁସାନ୍ ଅଳଗା ତଜା ଗୁଠି ଭି ରାଚା । ୩୭ ତାଙ୍ଗେ ପାଛିଲି ହୁଦନ୍ ଅଣ୍ଟା ଭୟକର ତାକା ଚେପୁ ମାଆ । ତଜା ଆଦିଲିରେ ଦେଉ ମାରା ମାରା ବାରତା । ତଜାନ୍ ଆମ୍ବୁଗୁଠି ଭର୍ତ୍ତି ମାଞ୍ଜିକେରା । ୩୮ ଯାଶୁ ତଜା ଉଲ୍ଲା ପାଛିଲିତା ମଜୋନ୍ ଅଣ୍ଟା ତକିଆନ୍ କୁକୁଚିଚାଷା ହାନ୍ତାଶଚାଷ୍ । ତାଙ୍ଗେ ଚେଲା ଗୁଠିଆର ତାଙ୍ଗେପାଖ୍ରେ କେରାରା ତଜା ଚଦିଆର । ହୁବୁକାର ତେଜାଆର, “ଗୁରୁ, ନିମ୍ ଏୟେ ଏୟେ କାଥାବୋ ଚିତା କାମା ଦାରାକା ମାଲ୍ଲା, ଆକ୍ତୁନ ଏମ୍ ମୁଲ୍ହମ୍ କମ୍ ।”

୩୯ ଯାଶୁ ଉସକାରସ କେରାସ୍, ତାନ ତାକା ବୋନ୍ ଧମକ ଚିଚାଷା ଆଉ ଦେଉ ବନତେଜାଲିଆସ୍, ଶାନ୍ତି ମାନଚା କେରା ।

୪୦ ତାଙ୍ଗେ ପାଛିଲି ଯାଶୁ ଚେଲାଗୁଠିଆରିନ୍ ତେଜାଲିଆସ୍, ନିମ୍ ଏୟେଜେ ଏଲଚାଦାର୍ ? ଆକ୍ତୁଯାକେ ଏୟେ ନିୟେ ବିଶ୍ୱାସ୍ ଆର୍ଗି ମାନା ?”

୪୧ ହୁବୁଲୀର ହେଲେ ବାଗେ ଏଲଚିଆର କେରକାର ଚାର । ହୁବୁଲୀର ନିଜର ମାଝାନ୍ ମେନା ମୁନି ମାନଚାରସ, “ଜଣ ଏକା ପରକାରତା ଆଲାସ୍ ? ଏହିଦି ଭି ଆମ୍ବୁ ଆଉ ତାକା ତାଙ୍ଗେ କଥା ମେନାଲି ।”

### ଯାଶୁ ଅଣ୍ଟା ଆଲାସିନ୍ ଦୁଷ୍ଟାତ୍ତାଚି ମୁକ୍ତି କାମଚାଷ୍



୧ ଯାଶୁ ଆଉ ତାଙ୍ଗେ ଚେଲା ଗୁଠିଆର ହୁଦନ୍ତା ଆରପାଖ୍ରେ ଗରାସିୟ ଗୁଠିଆରେ ଦେଶନ୍ ଆହାନ୍ତିଆର । ୨ ଯାଶୁ ତଜାରେ ବାହାରି ବାରଚାଷା ଅଣ୍ଟା ମାସାଶାନ୍ତି ଉର୍ଦ୍ଧ୍ୱଆସ୍ ତାଙ୍ଗେ ପାଖ୍ ବାରଚାସ । ତାଙ୍ଗେ ମେଦୁନ୍ ଦୁଷ୍ଟାୟା କରଚଦା ରାଚା । ୩ ହୁ ଆଲାସ ମାସାଶାନ୍ ରାଲିଆସ । ତଜା ନେଧାଭି ହିଆ ପଲ୍ଲା ଲିଆର । ଏହିଦି ଭି ସିକିଲିନ୍ ଭି ତଜା ହିଆଁ ପଲ୍ଲିଆର । ୪ କାରଣ ବୋ ମାନାଲି ତଜା ବାଗେ



ସମୟକୁ ହାତକଡ଼ି ଚିତାର ଆଉ ତାଙ୍ଗେ ଗାନେ ହିଆଁଟିଆଲିଆର । ହେଲେ ତାନ୍ ହାତ କଡ଼ି ବୋ ହାତାୟା ଖୁଲାଟିଆଲୀଆସ୍ ଆଉ ସିକିଲିବୋ ଖଣ୍ଡ ଖଣ୍ଡ କାମତାସା ହାତାଟିଆଲାସ ନେଧୀ ହେଲେଉଡି ତାଙ୍ଗା ଧାରାୟା ଇୟା ପଲ୍ଲା ଲିଆର । \*ହୁଲା ମାହାଁ ସଦାବେଲେ ମାଶାଶାଗେ ଆଉ ପାରାତାନ୍ତୁ ରାତାସା ଚିରାରଲିଆସ୍ ଆଉ ତାନ୍ ନିଜେ ନିଜେ ତା ତା ନୁ ଖାଦି କାମଲିଆସ୍ ।

୭ଆଲାସ ଯୀଶୁ ସିନ୍ ଗେଛାନ୍ତି ଏରିଆସା ତାଙ୍ଗେ ପାଖୁଗେ କୁଧୀଆରା କେରାସ ଆଉ ପାଦୁକିଆ ଖାତରା ସା ତାଙ୍ଗେ ଆଗଲି କାଲେ ମୁଣ୍ଡିଆ ମାରତାସ । ୭- «ଯୀଶୁ ହୁଆଲାସିନ୍ ତେଜିଆସ, “ଏ ଦୃଷ୍ଟତ୍ତା, ଇଆଲାସେ ମେଦୁକ୍ତି ଉରୁଖୁୟା ଭୁଜୁକାଲ୍ । ଯୀଶୁ ଏହେଦି ତେଜନାଗେ ହୁଆଲାସ୍ ବାଡେପାଟିନ୍ତୁ ଜିରାରାସା ତେଜିଆସ, “ସବୁକ୍ତିନ୍ କୋହା ପରମେଶ୍ୱରସେ ହାଦୁ ହେ ଯୀଶୁ, ନିନ୍ ଏଙ୍ଗେସ୍ତି ଏୟେ ତାହାଦାର ? ଏନ ନିମାର ବିନତି କାମା ଦାନ୍, ନିନ୍ ଏଙ୍ଗା ଆମାଆଇତା ।”

୯ଯୀଶୁ ତାଙ୍ଗା ମେନ୍ଦୁସ, “ନିୟେ ନାମେ ଏୟେ ?”

ଆଲାସ ତେଜିଆସ, “ଏୟେ ନାମେ ଲିଜନ<sup>୫</sup> ଆଉ ବାହିନୀ ଭୁତୁ ।ହେଲେ ଏମ୍ ବାଗେ ଆତଦାସ ।”

୧୦ହୁ ଦୁଷ୍ଟଆତ୍ତା ଆହୁରୀ ଆହୁରୀ କାଲକୂତ ମାନିଦା ଭିକ ନିତା ହୁସ ହୁବଲାରି ହୁ ପାଦାନ୍ତା ବାହାରିଗେ ତାୟା ମାଲିଟିତାସ୍ ।

୧୧ଇ ପାରତାଗେ ଲାତାନ୍ତୁ ହୁ ସମୟକୁ ଘୁଷୁରି ଗୁଠି କହା ଭିଲଅଣ୍ଟା ମେନାଲିଆର । ୧୨ଦୁଷ୍ଟଆତ୍ତା ଗୁଠି ଯୀଶୁ ସିନ୍ ବିନତି କାମତା, ଏମାନ୍ ଘୁଷୁରି ପାଖୁଗେ ତାୟାତା, ହେଲେ ଏମ୍ ଦୁବଲାରେ ମେଦୁ ଉଲା କରମ୍ କମ୍ । ୧୩ଯୀଶୁ ତାମାନ୍ ଏହେଦି, କାମଗେ ଅନୁମତି ଚିତକାତାର । ହେଲେ ଦୁଷ୍ଟ ଆତ୍ତାଗୁଠି ହୁଆଲାସ୍ ମେଦୁକ୍ତି ଉରୁଖୁ ଦା ଘୁଷୁରି ଗୁଠିଗେ ମେଦୁନ୍ତୁ କରତାକେରା, ହୁ ଘୁଷୁରି ଭିଲିନ୍ତୁ ରାଘା ଦୁଇ ହାଜାର ଘୁଷୁରି ରାତାର, ତାନ୍ ସବୁଯାକ ଘୁଷୁରି ପାରତା ଇତାଗେ ଖୁବ ବେଗେ କୁଧୁଆରାଟିତା ଆଉ ହୁଦ ଉଲାଗେ ଖାତରା ଚିତା । ସବୁ ଘୁଷୁରି ଗୁଠି ଆମ୍ବୁନ୍ତୁ ମୁଲିଆକେରା ।

୧୪ଘୁଷୁରି ପଲନ୍ତା ଜଗୁଆ ଗୁଠିଆର ଭୁଜାର କେରାର ସହରନ୍ତୁ ଇ କାଥା ବିଷୟକୁ ତେଜିଆସ, ଆଲର ଏୟେ ମାଆ, ବୋଲି ଏରାଗେ ବାରତାର । ୧୫ହୁବୁତା ର ଯୀଶୁସେ ପାଖୁଗେ ଆହାଁକ୍ତି ଆରା ଏରିୟାରୟେ ନେଖେ ମେଦୁନ୍ତୁ ବାହିନୀଭୁତୁ<sup>୬</sup> କରକିତା, ହୁ

<sup>୫</sup> ୫:୯ ଲିଜନ ଇବ ବାଗେ ଅଧିକ୍ । ରମିୟ ସେନାବାହିନିନ୍ତୁ ଅଣ୍ଟା ଲିଜନ୍ତୁ ୫୦୦୦ ସୈନ୍ୟ ରାଲିଆର ।

<sup>୬</sup> ୫:୧୫ ବାହିନୀଭୁତୁ ନିଆଁ ଦୁଷ୍ଟାତ୍ତା ।

ଆଲସ୍ ଚିତାପାଟା କୁରିଆସା ଭଲ୍ ସେ ଅକାଦାସ୍ । ତାଢେ ମନବୋ ଭଲ୍ ମାନୁଆ କେରକିଟା । ଇବୋ ଏରୀଆର ହୁବୁଲାର ଏଲଚିଆର କେରାର । ୧୭ହୁସାନ୍ ନିଅ ଆଲୁ ରାଚାର, ହୁବୁଲାର ଯୀଶୁ ସେ ନାଲଖୁ ଏରକାଚର । ହୁବୁଲାର ଅଲଗା ଆଲାରେ ଆଘଲି କାଲେ ଦୁଷ୍ଟଆତ୍ତା<sup>୭</sup> ଭୁତୁବାରଚିକା ଆଲାସିନ୍ । ଆଉ ଦୁଷ୍ଟରୀ ଗୁଠିଗେ ଏନ୍ଦେ ମାଞ୍ଚିକିଟା, ହୁବୁକା ସବୁ ଡେଜିଆସ । ୧୭ତାଜେ ପାଛିଲି ହୁଆଲାର ଯୀଶୁସେ ପାଦା ଆସିଆରା କାଲା ଗେ ବିନତି କାମଚାର ।

୧୮ ଯୀଶୁ ତଜାନୁ ଅକିଆସା କାଲାଗେ ରେଡି ମାଞ୍ଚାର୍ । ନେଖେ ଆଲ୍ଲିଡି ଦୁଷ୍ଟଆତ୍ତା ଲାକିଟା, ତାନ୍ ଯୀଶୁସେ ସାଜେ କାଲାଗେ ଲାଗି ତାଜା ବିଡି କାମଚାଷ୍ । ୧୯ହେଲେ ଯୀଶୁ ତାଜା କାଲାଗେ ଅନୁମତି ମାଞ୍ଚିଚିଟାଷ୍ । ଯୀଶୁ ଡେଜିଆସ୍, ନିମ୍ ନିନ୍ଦେ ଆଜ୍ଞା, ଆଡ୍ଡିୟ ଆଲାରେ ପାଖ୍ରେ କାଲା । ପରଭୁ ନିନ୍ଦେ ଲାଗାନ୍ ଯାହା କାମ୍କାଦାସ୍, ହୁବୁଲାସବୁ କାଆ ହୁବୁଲାରିନ୍ ଡେଜା ।

୨୦ହେଲେ ତାନ୍ ଭୁଜାସ୍ ଆଉ ଦେକାପଲି<sup>୮</sup> ପାଦାନୁ ଆଲାରିନ୍ ଡେଜାଗେ ଲାଗିଆସ୍ ଯେ, ଯୀଶୁ ଏକ୍ସେ ତାଢେ ଲାଗାନ୍ କହାନାଲଖୁ କାମକା ଦାସ୍ । ସବୁ ଆଲାର୍ ଇକଥା ମେଞ୍ଚାରା ତାମ୍କାଚାର୍ କେରାର୍ ।

**ଯୀଶୁ କେଚକା ଚିକା କୁକାଇନ୍ ଜିଆ ଚିଟାସ୍ ଆଉ**

**ଅଣ୍ଟା ଅସୁଷ୍ଟ ମୁକ୍ତାନ୍ ସୁଷ୍ଟ କାମଚାଷ୍**

୨୧ ଯୀଶୁ ତଜାନୁ ଅକିଆସା ହୁଦନ୍ତା ମିଆଁ ପାବୁନ୍ କିରିଆସ୍ କେରାସ୍ । ହେଲେ ହୁଦ ପାଖ୍ରେ ତାଢେ ଚାରିପାଖ୍ ବାଗେ ଆଲୁ ଯାମ୍ବାର୍ କେରାର୍ । ୨୨ ଯୀହୁଦି ସାମାଜ୍ ଆଜ୍ଞାତା ଅଣ୍ଟା ଅଧୁକାରିସ୍ ହୁସାନଗେ ବାଟାଷ୍ । ତାଢେ ନାମେ ଯାଇରସ୍ ରାଚା । ଯାଇରସ୍ ଯୀଶୁସିନ୍ ଏରକା ମାତ୍ରେ ତାଢେ ପାଦୁତାଲି ଖାତ୍ରାସ୍ କେରାସ୍ । ୨୩ତାନ୍ କାକୁଡି କାମଚାଷ୍ ଯୀଶୁ ସିନ୍ ଭିକ୍ଷ ନିଚାଷ୍, ଏଢେ କାଚେ ହାଦୁ ଖୁନା ମିଆଁ । ଦୟା କାମାୟା ନିମ୍ ବାରାୟା ତାଢେମିଆଁ ହେଖାଇୟା, ହେଲେ ତାନ୍ ସୁଷ୍ଟ ମାନକୋ ଆଉ, ଜିଆ ହାଖଦ୍ ।

୨୪ ଯୀଶୁ ଯାଇରସେ ସାଜେ ଉର୍ଖିଆସା କେରାସ୍ । ଅଧା ଆଲାର ଯୀଶୁସେ ପାଛିଲି ପାଛିଲି କେରାସ୍ । ଭଲି ମାଞ୍ଚକା ହେତୁ ଆଲଗ୍ ଆଲ୍ଲିଗେ ଭୁଜା ବାରାଲିଆର୍ ।

୨୫ହୁସାନ୍ ଆଲାରେ ଉଲା ଅଣ୍ଟା ମୁକ୍ତା ରାଚା କେରକା ବାରବରସ୍ ମାଞ୍ଚାଦା ତାଢେ

<sup>୭</sup> ୫:୧୭ ଦୁଷ୍ଟାତ୍ତା ଇବ ଭୁତୁବୁ ଗୁଠାବି ।  
<sup>୮</sup> ୫:୨୦ ଦେକାପଲି ଇବି ଅଣ୍ଟା ଗ୍ରୀକ୍ ଶବ୍ଦ । ଇଦଗେ ଅର୍ଥ ବାଶେଟା ନଗର । ଇ ଅଞ୍ଚଲ୍ ଗାଲିଲୀ ହୁଦନ୍ତା ପୂର୍ବ କାଲେ ରାଚା । ଖାଲି ହୁସାନ୍ ଦାଶେଟା ବାଲେ ବାଲେ ନଗର ରାଚା ।

ରତ୍ନ ଶ୍ରୀବ ମାନାଲିଆ । ୨୭ନିଅଁ ତାଙ୍କୁ ଗୁଠିଆରେ ଏଦା ମୁଞ୍ଚିଆରା ନିରାଶା ମାଆର କେରକାଚାର୍, ତାନ୍ ବାଗେ କଷ୍ଟ ହାଖାଲିଆ । ତାଢେ ସବୁ ପାଇସା ଖର୍ଚା ମାଆକେରା । ହେଲେ ଜିଆନ୍ ସୁଖା ଉନ୍ନତି ମାଲ୍ଲା ଘଟୁ । ହେଲେ ତାଢେ ମେଦୁ ବାଗେ ଖରାପ ରାତା ।

୨୭ହୁ ମୁଞ୍ଚା ଆଲି ଯୀଶୁ ସେ ବିଷୟନ୍ ମେନା ମୁଞ୍ଚିଆ ବାକେ ଆଲାରେ ସାଜେ ତାନଭୀ ବେଦିଆ, ତାନ୍ ପାଛଲି କାଲଡ଼ି ବାରତାଦା ଯୀଶୁ ସେ ପାଖୁ ପାଖୁ ମାଆ ଆଉ ଚିତାବ ଏସରା ଚିତା । ୨୮ତାନ୍ ମନେ ମନେ ତେଜାଲିଆ, ଯଦି ଏନ୍ ଖାଲି ଚିକେ ତାଢେ ଚିତା ଏସରା ଆଜନ୍ ହେଲେ ଏନ୍ ଭଲମାନନ୍ କନ୍ । ୨୯ତାନ୍ ଯୀଶୁ ସେ ଚିତା ଏସରା ଚିତା ଯେତେବେଲେ ତାଢେ ରତ୍ନ ଶ୍ରୀବବନ୍ଦ ମାଆକେରା ଆଉ ତାଢେ ମେଦୁତା ରୋଗୁ ସୁସ୍ଥମାଆକେରା ବୋଲି ତାନ୍ ଭାବତା । ୩୦ହୁ ସମୟନ୍ ଯୀଶୁ ଭାବତାଷ୍ଟ ଯେ ତଢେସଡ଼ିନ୍ ଶକ୍ତି ଉରଖୁଆକେରା, ତାନ୍ ଇଜାସ୍ କେରାସ୍ ଆଉ ପାଛଲିଗେ କିରିଆସା ଏରିଆସ ଆଉ, ତାନ୍ ଇଜାସ୍ କେରାସ୍ ଆଉ ପାଛଲିଗେ କିରିଆସା ଏରିଆସ ଆଉ ମେଞ୍ଚାସ୍ ଏଢେ ଚିତା ନେରା ଏସରାର୍ ।

୩୧ତେଲାରୁଠିଆର ଯୀଶୁ ସିନ୍ ତେଜିଆର, ଇସାକ୍ତ ନିଅ ଆଲୁ ନିମ୍ନେ ପାଛଲି ଠେଲରା କାନାରା । ହେଲେ ନିମ୍ ମେନେଦାର୍, ଏଜାନେର ଏସ୍ପାର ।

୩୨ହେଲେ ଯୀଶୁ ତାଜା ଏକା ଆଲାସ ଏସରାସ୍ ସବୁତାରା ଏରିଆସ୍ । ୩୩ହୁ ମୁଞ୍ଚା ଆଲି ଆଖାକେରାୟେ ତାନ୍ ଭଲ ମାଆ କେରକିତି, ହେଲେ ତାନ୍ ଆଘଲି ଗେ ବାରତାଦା ଯୀଶୁସେ ପାଦୁ କିୟା ଖାତରାକେରା, ତାନ୍ ଏଲତାକାତି ଆସରିଲିଆ । ତାନ୍ ଯୀଶୁ ସିନ୍ ସବୁକାଥା ତେଜିଆ ।

୩୪ଯୀଶୁ ତାଜା ତେଜିଆସ,

“ଏ ମୁଞ୍ଚା, ନିଢେ ବିଶ୍ୱାସ ନିଜା ସୁସ୍ଥ କାମଚିକିତି । ଶାନ୍ତିନ୍ କାଲ୍ ଆଉ ନିଢେ ରୋଗୁଡ଼ି ମୁଞ୍ଚିମାନୁ ।”

୩୫ଯୀଶୁ ହୁସାନ୍ ଇସବୁ ତେଜନା ସମୟନ୍ ଯିହୁଦୀ ସାମାଜତା ଅଧିକାରୀ ଯାଇରସସେ ଆଳପାନ୍ତି ନିଅ ଆଲୁ ବାରଚରା ତାଜା ତେଜିଆସ, ନିମ୍ନେ ଝିଅ କେଚାକେରାଦି, ଆକୁନ୍ ନୀମ୍ ଗୁରୁସାନ୍ ଆଉ ଏଢେଗେ ଆଇତାଦାର ।

୩୬ହେଲେ ହୁବଲାରେ କାଥା ମେନା ମୁଞ୍ଚିଆସା ଯିହୁଦୀ ସମାଜ ଆଳପାନ୍ତା ଅଧିକାରୀ ସିନ୍ ତେଜିଆସ, ଆମା ଏଲତା ଖାଲି ବିଶ୍ୱାସ କାମା ।

୩୭ତାଢେ ପାଛଲି ତାନ୍ ସବୁରିନ୍ ଆମ୍ବିଆସା ଖାଲି ପିତର, ଯାକୁବ ଆଉ ତାଢେ ଯୋହନ ସିନ୍ ଅତାଷ । ୩୮ହୁବଲାର ଯିହୁଦି ସାମାଜ ଆଜ୍ଞାତା ଅଧିକାରୀ ସେ ଆଲ୍ଲାଗେ କେରାସ୍ । ତାନ୍ ହୁସାନ୍ ଆଲାରିନ୍ ବାଗେପାଟିନ୍ ଅଲ୍ଲାନାର ଏରୀଆସ, ହୁସାନ୍ ବାଗେ

ହୁଲୀ ମାନାଲିଆର । ୩୯ ଯୀଶୁ ଆଳପା ଉଲ୍ଲା କରତାଷା ଆଲାରିନ୍ ତେଜିଆସ, ନିମ୍ ଏନ୍ଦେଗେ ସବୁର ହୁଲି କାମାଦାର ଆଉ ଅଲ୍ଲୀଅଲ୍ଲି କାମାଦାର ? ଇ' ଆଲସ୍ ମାଲ୍ଲା ଖୁଉସ୍, ତାନ୍ ଖାଲି ତୁତକା ଦାସ୍ । ୪୦ ଇ କାଆ ମେଞ୍ଜାର ସବୁ ଆଲର ଯୀଶୁ ସୀନ୍ ଆଲଖୁଆର ଚିତାର ।

ହେଲେ ତାନ୍ ସବୁରୀନ୍ ଆଲପାଗେ ବାହାରି ତାୟାର ତାର । ଖାଲି କୁକାୟ ମା, ବୁଆ ଆଉ ତାଘେ ଗାନେ ବାର୍କାଟିକା ଚେଲାଗୁଠିଆର ସାଙ୍ଗେ ଅଗାର କୁକାୟ ଏକା ବାଖରାନୁ ରାତା, ହୁବାଖରାଗେ କେରାର ।

୪୧ ତାଘେ ପାଛଲି ଯୀଶୁ କୁକାୟଗେ ହେଖାଧାରତାସା ତାଙ୍ଗାନ୍ ତେଜିଆସ, "ଚଲିଆ, କୁମ୍" ହେଲେ ଏ ଝିଅ ଏନ୍ ନିଜା ତେଜାଦାନ୍ ଉସକାରୁ । ୪୨ କୁକାୟା ଚାଣ୍ଡେକରି ଉସକାରଦା ଇଜନା ଆଉ ଏକାଗେ ଆରାମ୍ କାମତାସ, କୁକାୟଗେ ବାରବରଷ ମାନାଲିଆ, ତାଘେ ମା-ବୁଆ ଆଉ ଚେଲାଗୁଠିଆର ବାଗେ ଚକିତ୍ ମାଞ୍ଜାକେରାର । ୪୩ ଯୀଶୁ ଇକାଆ ଆଲାରିନ୍ ମାଲ୍ଲି ତେଜାଗେ କୁକାୟଗେ ବୁଆ-ମା'ରିନ୍ ଶିକ୍ତ ଭାବନୁ ନିରଦେଶ ଚିତାଷ୍ । ତାଘେ ପାଛଲି କୁକାୟଗେ ବୁଆ-ମା'ରିନ୍ ତେଜିଆସ୍ କୁକାୟଗେ ଏନ୍ଦେ ହେଲେ ମହା ଅନାଗେ ଚିଆ ।

### ଯୀଶୁ ନିଜର ଜନମ୍ ସହରଗେ କେରାସ

୨ ୧ ଯୀଶୁ ହୁ ଜାଗାବୋ ବିଥାରସା ନିଜର ଜନମ୍ ସହରଗେ କେରାସ୍ । ତାଘେଗାନେ ଚେଲା ଗୁଠିଆର ତାଘେଗାନେ କେରାର । ୨ ବିଶ୍ରାମ ଉଲ୍ଲା ଯୀଶୁ ଯିହୁଦୀୟ ସାମାଜଗେ ଆତପାନୁ ଶିକ୍ଷା ଚିତାଷା । ବାଗେ ଆଲୁ ତାଘେ ଶିକ୍ଷା ମେନତାର ଚକିତ ମାନତାରକେରାର । ହୁବୁଲାର ତେଜିଆର, ଇଆଲସ ଇବଳା ସବୁ ଶିକ୍ଷା ଏକାସକ୍ତିନ୍ ହାକ୍ଷିୟାସ ? ଆଲାସେ ଏହେଦି ଭଲ ବିଚାର କାମନା ଶକ୍ତି ନେର ଚିତାର ? ଚକିତ ମାନକା ନାଲଖୁ କାମାଗେ ଇଶ ଏକାକ୍ଷିନ୍ ଶକ୍ତି ହାକ୍ଷିଆସ୍ । ୩ ଇସ ଏନ୍ଦେ ହୁ ବଡେଇ ମାଲ୍ଲିଆସ୍ ? ଇସ ଏନ୍ଦେ ହୁ ମରିୟମଗେ ତାଙ୍ଗାଦା, ଆଉ ଯାକୁବ, ଯୋସି, ଯିହୁଦା ଆଉ ଶିମୋନ ସେ ଭଲ ମଲ୍ଲି ଆସକ୍ ? ତାଘେ ବହୁନୀ ଗୁଠିଆର ଏନ୍ଦେ ହୁ ଇସାନ୍ ଏନ୍ଦେ ସାଙ୍ଗେ ମାଲ୍ଲା ରାକେ ? ହେଲେ ଯୀଶୁ ସୀନ୍ ସ୍ୱୀକାର କାମାଗେ ଇଆଲାର ବାଧା ହାଖୁଆର ।

୪ ହେଲେ ଯୀଶୁ ଆଲାରିନ ତେଜିଆସ, ଅଲଗା ଆଲାର ଅଣ୍ଟା ପୁରୁଖାପାଟିସୀନ୍ ସମ୍ମାନ ଚିନାର । ହେଲେ ତାଘେ ନିଜର ସହରତା ଆଲାର, ତାଘେ ସମ୍ପକୀୟ ଗୁଠିଆର ଆଉ ତାଘେ ନିଜର ପରିବାରତା ଆଲାର ତାଙ୍ଗାନ ସମ୍ମାନ ମାଲ୍ଲି କାମନାର । ୫ ହେଲେ

ହୁସାନ୍ ଯୀଶୁ ଏହେ ଭି ଚକିତ ନାଲାଖୁ କାମା ପଲିଆସ୍ । ଖାଲି ନିଅ ରୁଗି ଗୁଠିଆରେ ଲେଖା ଇଆସତାନ୍ ହୁବୁଲା ରିନ୍ ଭଲ୍ କାମ ଚାଷ । ୧୭ଇଆଲାରି ଏହେ ଭି ବିଶ୍ୱାସ ମାଲିରାନାର ଯୁଗୁର ଯୀଶୁ ବାଗେ ଚକିତ ମାଞ୍ଚାସ୍ କେରାସ । ତାହେ ପାଛଲି ଯୀଶୁ ହୁ ଅଞ୍ଜଳତା ଅଲଗା ପାଦାଗେ କେରାସା ହୁଜାଗାନୁ ଶିକ୍ଷା ଚିରାସ ।

### ଯୀଶୁ ତାହେ ପ୍ରେରିତ ଗୁଠିଆରିନ୍ ନାଲଖୁ ବନ୍ଦକାମାଗେ ତାୟାର୍

୧୮ଯୀଶୁ ବାରତା ଚେଲାରିନ୍ ଅଖାନୁ ମେହିଆର । ତାନ୍ ହୁବଲାରିନ୍ ଦୁଇ ଲୋକ କାମାୟା ବାହାରୀଗେ ତାୟାର୍ । ତାନ୍ ହୁବଲାରୀନ୍ ଦୁଷ୍ଟ ଆତ୍ମାଗୁଠି ମିଆଁ କ୍ଷମତା ଚିଆ ଆଜର୍ । 'ତାନ୍ ଚେଲାଗୁଠିଆରିନ୍ ଡେଜିଆସ୍, ନିମ୍ ପାବୁନ୍ କାଲା ବାକେ ସତା ଅଖା ଛଳା ଆଉ ଏହେ ଭି ଆମକେ ହୁଆ । ରୁଚି, ଝୁଲା କା' ପକେଚନ୍ ଏହେ ହେଲେ ପାଇସା ଆମକେ ହୁଆ । ୧୯ନିମ୍ ଚଟି ଆତା ଆଜର୍ । ହେଲେ ଖାଲି ଆକ୍ରାତିକା ଚିହ୍ନାପାଟା ଛଳା ଏହେ ଭି ବାଗେ ଚିହ୍ନାପାଟା ଆମକେ ହୁଆ । ୧୦ଏକା ଆଜ୍ଞାନୁ କରଚକୁନ୍ ହୁ ସହର ଆମ୍ବନା ଯାକେ ହୁ ଆଜ୍ଞାନୁ ରାକେ । ୧୧ଯଦି ଏକା ସହରନ୍ ହୁବଲାର୍ ନିମାନ୍ ମେହେନାର ଆଉ ହୁବଲାର ନିମେ କାଆ ମାଲି ମେନ୍ନାର, ହେଲେ ହୁ ସହର୍ବ ଆମ୍ବାୟା କାଲା । ମେହେନା ବାକେ ନିମେ ପାଦୁଡି ଧୁଲି ହେତାଚିଆ । ହୁବ ହୁବଲାର୍ ତେତା ହାଖକର୍ ।

୧୨ଚେଲାଗୁଠିଆର୍ ହୁ ଜାଗାଡି ଭୁଜାକେରାର୍ । ହୁବଲାର୍ ଡିଙ୍ଗାର ଚିକାର୍ ଯେ ଆଲାର୍ ଅନୁଭବ କାମ୍ବାର୍ । ହୁଦୟବନ ପରିବର୍ତ୍ତନ୍ କାମ୍ବାର୍ । ୧୩ତାମ୍ ଆଲାର୍ ମେଦୁଡି ଯାୟା ଭୁଡୁଗୁଠିନ୍ ଖେତାଚାର୍ ତାମ୍ ନିଅଁ ରୁଗିରିନ୍ ଇସୁନ୍ ଚିକାରା ସୁକ୍ଷ କାମତାଚାଷ୍ ।

### ହେରଦ ଭାବାଲିଆସ୍ ଯୀଶୁ ମାନାଦାସ୍ ବାପ୍ତିଜିକ ଯୋହନ

୧୪ରାଜା ହେରଦ ଯୀଶୁ ସେ ବିଷୟନ୍ ମେଞ୍ଚାସ୍ । ହେଲେ ଆକ୍ସୁନ୍ ଯୀଶୁ ସେ ନାମେ ଚାରିପାଖେ ଡାବଚାକେରକିଚା, ନିଆଁ ଆଲାର ଡେଜାଲିଆର, "ଯୀଶୁ ମାନାଦାସ୍ ବାପ୍ତିଜିକ ଯୋହନ । ତାନ୍ କେଚକାଡିନ୍ ଉସକାରକାଚାସ । ହୁ ଯୁରୁରୁ ଚକିତ ନାଲାଖୁ କାମା ଆଜାଦାସ ।"

୧୫ଅଲଗା ଗୁଠିଆର ଡେଜାଲିଆର, "ତାନ ମାନ୍ ଦାସ ଏଲିୟା ।"

ଆଉ ନିଅ ଡେଜାଲିଆର, "ଯୀଶୁ ମାନାଦାସ୍ ପୁରଖାପାଟି, ଆଘଲିକାକ୍ତା ପୁରଖାପାଟିରି ଲେଖା ତାନ୍ ଭି ଅଖା ପୁରଖାପାଟି ।"

୧୬ହେରୋଦ ଯୀଶୁ ସେ ଇ ସବୁ କଥା ମେଞ୍ଚାସ୍ । ତାନ୍ ଡେଜିଆସ, "ଏନ୍ ଯୋହନ ସେ କୁଜୁ ମୁର୍ଜନା ପିଚନ୍ । ଆକ୍ସୁନ୍ ଯୋହନ କେଚାଷା ଆଉଥରେ ଉଜିଆସ୍ ।"

### ବାପ୍ତିଜକ ଯୋହନ ଏସ୍କେ କେତାସ୍

୧୭ନିଜେ ହେରୋଦ ଯୋହନ ସୀନ୍ ବନ୍ଦି କାମାଗେ ତାଘେ ସଇନ ଗୁଠିଆରିନ୍ ତେଜିଆସ୍ । ଯୋହନ ସିନ୍ ଜେହେଲେ ଖନାନ୍ ଇକାଚାର । ହେରୋଦ ଆଉ ତାଘେ ମୁକ୍ତା ହେରୋଦିଆସି ଖୁସି କାମାଗେ ଇବ ତାନ୍ ତେଜିତା । ପହିଲନ୍ ହେରୋଦିଆ ହେରୋଦାସେ ଭାଇ ଫିଲିପ୍ ସେ ମୁକ୍ତା ରାଚା । ପାଛଲି ହେରୋଦ ତାଙ୍ଗା ବେନଜିରାସ୍ । ୧୮ଯୋହନ ହେରଦସିନ୍ ତେଜାଚାଷ, ନିସେ ଭାଇସେ ମୁକ୍ତାନ୍ ବେନଜରାନ୍ ଠିକ ମାଲି । ୧୯ହେଲେ ହେରୋଦିଆ ଯୋହନ ସିନ୍ ଶତ୍ରୁ ଭାବଚାଷା ଏରାଲିଆସ । ତାନ୍ ଯୋହନ ସିନ୍ ପିଟାଗେ ଚାହାଲିଆସ୍ ହେଲେ ତାନ୍ ଇଦଗେ ଲାଗି ହେରୋଦ ସିନ୍ ପୁଲକା ପଲିଆସ୍ । ୨୦ହେରୋଦ ଯୋହନ ସିନ୍ ପିଟାଗେ ଏଲଚାଲିଆସ୍ ତାନ ଆଙ୍କାଚାଷ ଯେ ସବୁ ଆଲାର ଯୋହନ ସିନ୍ ଅଣ୍ଟା ଭଲ୍ ଆଉ ପବିତ୍ର ଆଲୁସ୍ ଭାବଲିଆର, ହେଲେ ହେରଦ ଯୋହନ୍ ସିନ୍ ରକ୍ଷା କାମାଲିଆସ । ଯୋହନ ସେ ଉପଦେଶ ମେନାଗେ ବାଗେ ଭଲ ଦାଖୁଲିଆସ୍ । ତଥାବି ଯୋହନ ସେ ଉପଦେଶ ହେରୋଦ ସିନ୍ ସବୁବାକେ ରାଗୁ କାମାଲିଆସ ।

୨୧ନିଅ ଉଲା କେରକା ପାଛଲି ହେରୋଦସେ ଜନମ୍ ଉଲ୍ଲାନୁ ଯୋହନ ସିନ୍ ପିଟାଗେ ଲାଗିନ୍ ହେରୋଦିଆ ସିନ୍ ଅଣ୍ଟା ସୁଯୋଗ ହାଖୁଆସ । ତାଘେ ବାଲା ଅଧିକାର ସେନାପତି ଗୁଠିଆର ଆଉ ଗାଲିଲିକ୍ତା କହା ଆଲାରିନ୍ ହେରଦ ମାହାଁ ସମୟନ୍ ଭୁଜି ଚିତାସ୍ । ୨୨ହେରୋଦିଆସେ କୁକାୟା ଉଲାଗେ ବାରଚଦା ନାତା ତାଘେ ନାଟୁନ୍ ପାହାଯାକର ଆଉ ହେରଦ ବାଗେ ଖୁସି ମାଞ୍ଚାର । “ହେରୋଦ କୁକାୟାନ୍ ତେଜିଆସ ନିଘେ ଯାହା ଦରକାର ନିନ୍ ଏଙ୍ଗା ନିଉ । ଏନ୍ ନିଙ୍ଗା ହୁବ ଚିଅନ୍ ।”

୨୩ହେରେଦ ଶପଥ କାମନା ଲେଖା ତେଜିଆସ, ନିନ୍ ଯାହା ନିଅୟ ଏନ୍ ନିଙ୍ଗା ଚିଅନ୍ । ଏହେଦି ଭି ଏଘେ ରାଜି ଅଧାଭାଗୁ ଚିଅନଲାରନ୍ ।

୨୪କୁକାୟା ତାଘେ ମା'ଗେ ପାଖୁଗେ କେରାଦା ମେଞ୍ଚା, “ରାଜା ହେରଦ ସିନ୍ ଏନ୍ ଏଘେ ନିଅନ୍ ?”, ତାଘେ ମା' ତେଜିଆ, “ବାପ୍ତିଜକ ଯୋହନସେ କୁକୁନିୟୁ ।”

୨୫କୁକାୟା ଚାଣ୍ଡେ ରାଜାସେ ପାଖୁଗେ କେରା । ତାନ୍ ରାଜା ସିନ୍ ତେଜିଆ, “ଏଙ୍ଗା ବାପ୍ତିଜକ ଯୋହନସେ କେଚକା କୁକୁ ଅଣ୍ଟା ଆଲିନ୍ ଇୟାୟା ଏଙ୍ଗା ଚିଆ ।”

୨୬ରାଜା ହେରୋଦସେ ବାଗେ ଦୁଖଃ କାମଚାଷ ହେଲେ ତାନ୍ କୁକାୟାଗେ ଇଛାନୁ ଦାନ୍ ଚିଅନ୍ ବଲି ତେଜା ମୁନଜିକାଚାଷ୍ ଶପଥ କାମକାଚାଷ । ହୁସାନ୍ ହେରୋଦ ସେ ପାହିଗୁଠିଆରଭି ତାଘେ ଶପଥ ବିଷୟନ୍ ମେଞ୍ଚାକାଚାର । ହେଲେ ଯାହା ନିକିଚା, ତାହା ହେରଦ ଚିଆଗେ ମାନା କାମା ପଲିଆସ, ମନ ଭି ମାଲିକାମଚାଷ ।

୨୭ହେଲେ ରାଜା ଯୋହନସେ କୁକୁ ଅନ୍ଧାରାଗେ ଆଦେସ୍ ଚିତ୍ତାସ ଚାଣ୍ଡେ ଅଣ୍ଟା ସଇନସିନ୍ ତାୟାର, ତାନ୍ ଯେ ଜେହେଲେ ଖାନାନ୍ ଯୋହନସେ କୁକୁ ମୁରକିଆସା ଚିତାସ । ୨୮ଯୋହନସେ ହୁ କୁକୁ ତାନ୍ ଅଣ୍ଟା ଆଲିନ୍ ଅତାସା ହୁ କୁକାୟଗେ ଚିତାସ । ହୁ କୁକାୟ କୁକୁ ଆଚାଦା ତାଢେ ମାଗେ ଚିତାଦ । ୨୯ଲ ସବୁ ଘାତଣା ଯୋହନସେ ଚେଲାଗୁଠିଆର ମେଞ୍ଚାର, ତାମ୍ ବାରତରା ଯୋହନସେ କେଚକା ମେଦୁନ୍ ମାସାଣାଗେ ଅଚାରା ମାଣ୍ଡିଆର ।

### ଯିଶୁ ପାଞ୍ଚହାଜାରତି ବାଗେ ଆଲାରିନ୍ ଆଡିଆସ୍

୩୦ଏକା ପ୍ରେରିତ ଗୁଠିଆର ଯୀଶୁ ତାୟାକାଚାସ, ହୁବୁଲାର ଫେରିବାରତା । ହୁବୁଲାର ଯୀଶୁ ସେ ଚାରିପାଖ୍ ଅଣ୍ଟାନ୍ ମାଞ୍ଚାର ତାମ୍ ଯାହା କାମକାଚାର । ଆଉ ଆଲାରିନ୍ ଯାହାସବୁ ଶିକ୍ଷା ଚିଚକାଚାର, ହୁସବୁ ତାଙ୍ଗା ତେଜିଆସ । ୩୧ଯୀଶୁ ଆଉ ତାଢେ ଚେଲାଗୁଠିଆର ବାଗେ ଭିଲ ଉଲା ରାଚାର । ହୁସାନବାଗେ ଆଲରାଚାର ହେଲେ ଯୀଶୁ ଆଉ ତାଢେ ଚେଲାଗୁଠିଆର ହୁସାନ୍ ଅନାଗେ ଭି ଚିକେ ସମୟ ମାହିଁ ହାଖଲିଆର, ଯୀଶୁ ଚେଲାଗୁଠିଆରିନ୍ ତେଜିଆସ, “ନିମ୍ ସବୁର ଏଢେ ଗାନେ ଅଣ୍ଟା ଆଲୁ ମାହିଁ ରାଚକା ଯାଗାଗେ କର୍ ଆଉ ହୁସାନ୍ ନାମ୍ ଚିକେ ସାଞ୍ଜରତ ।”

୩୨ହେଲେ ତାମ୍ ଅଣ୍ଟା ଡଙ୍ଗାନ୍ ଅକିଆରା ଅଣ୍ଟା ନେଧୁମାହିଁ ରାଚକା ଜାଗାଗେ କେରାର । ୩୩ହେଲେ ବାଗେ ଆଲୁ ତାମାନ୍ ଏକ୍ଳା କାନାବ ଏରିଆର ଆଉ ଚିହ୍ନାଚା ଚାର । ହେଲେସବୁ ନଗରତି ଆଲାର ହାକୁ ପାବୁ ଚିତାରା ଯୀଶୁ କେରକାଚିକା ଜାଗାନ୍ ଆହାଡିଆର, ଯୀଶୁ ଆହାଡିନା ଆଘଲିତି, ତାମ୍ ହୁସାନଗେ ଆହାଡିଆର କେରାର । ୩୪ଯୀଶୁ ଏକାବାକେ ହୁସାନ୍ ଆହାଡିଆସ, ତାନ୍ ଏରିଆସ ଯେ ବାଗେ ଆଲୁ ଅକିଆରା ଆତନାର ଯୀଶୁ ତାଢେ ଲାଗି ଦୁଖୁଃ ଅନୁଭବ କାମଚାର । ହେଲେ ତାମ୍ ଚରିଆ ମାହିଁ ରାଚକା ମେଣ୍ଡି ଲେଖା ରାଚାର । ଯୀଶୁ ତାମାନ୍ ବାଗେ ଉପଦେଶ ଚିତାସ ।

୩୫ହୁ ବାକେ ଉଲ୍ଲା ଉଲ୍ଲାକାଲିଆ । ହେଲେ ଚେଲାଗୁଠିଆର ଯୀଶୁସେ ପାଖୁଗେ ବାରତସା ତେଜିଆସ, “ଇବ ଅଣ୍ଟା ଆଲୁ ମାହିଁ ରାଚକା ଜାଗା ଉଲ୍ଲା ଭୁଙ୍ଗାକାଲି । ୩୬ହେଲେ ଆଲାରିନ୍ ଆଖ-ପାଖ ପଲ୍ଲି ପାଦା ଅଣ୍ଟା ରାଚା ହୁସାନ୍ ଗେ ତାୟା ତାଙ୍ଗେ ପାଛଲି ହୁସାନ୍ ଗେ ତାମା ଅନ୍ତାଗେ, ହେଲେ ଅଧା ମାଣ୍ଡି ଅନ୍ଧରରା ଅନର ।”

୩୭ହେଲେ ଯୀଶୁ ତାମାନ୍ ତେଜିଆସ, “ନିମ୍ ତାମାଗେ ଅନାଗେ ଚିଆ ।” ଚେଲାଗୁଠିଆର ମେଞ୍ଚାର, “ଏମ୍ ଏଢେ ରୁଚି ହେନ୍ଦମା ଅନ୍ଦମ୍ ଆଉ ଅନାଗେ, ମହାଁଗେ ଚିଆ ?” ରୁଚି ହେନ୍ଦାଗେ ଲାଗି ଏମା ସବୁରିନ୍ ମାସେ ନାଲଖୁ କାମାଗେଖାତ୍ର ।

୩୮ ଯୀଶୁ ଚେଲାଗୁଠିଆରିନ୍ ମେଞ୍ଚାର, “କାଲାୟା ଏରା ନିମ୍ନେ ପାଖୁନ୍ ନିୟତା ରୁଟି ଆତଲି?” ଚେଲାଗୁଠିଆର ହିସାବ କାମା ମୁଞ୍ଜିଆରା ଯୀଶୁ ସିନ୍ ତେଜିଆର, “ଏମ୍ନେ ପାଖୁନ୍ ପାଞ୍ଚେଟା ରୁଟି ଆଉ ଜୁଲେ ଇଞ୍ଜି ଆତଲି।”

୩୯ ଯୀଶୁ ଆଦେଶ ଚିତାଷ, “ଆଲାରିନ୍ ପାଲିଆନ୍ ଦଳ ଦଳ କାମା ଅଭାତା।”

୪୦ ଆଲାରି ଅଣ୍ଟା ଦଳନ୍ ପଚାଶ ପଚାଶ ଆଉ ଶହେ ଶହେ ମଞ୍ଚାରା ଅକିଆର।

୪୧ ତା’ ପରେ ଯୀଶୁ ପାଞ୍ଚେଟା ରୁଟି ଆଉ ଜୁଲେ ଇଞ୍ଜିନ୍ ଚେକଟାଷା ସ୍ୱର୍ଗ ତାରା ମୁହିଁ କାମଟାଷା ପରମେଶ୍ୱରସିନ୍ ଧନ୍ୟବାଦ୍ ଚିତାଷ। ତାନ୍ ରୁଟି ଗୁଠିନ୍ ହାଟିଆସା ଖଣ୍ଡ ଖଣ୍ଡ କାମଟାଷା ଚେଲା ଗୁଠିଆରିନ୍ ହାଟାଗେ ଚିତାଷ। ତାଦେ ପାଛଲି ଇଞ୍ଜିନ୍ ଭି ଖଣ୍ଡ ଖଣ୍ଡ କାମଟାଷ ଆଉ ଆଲାରେ ମାଝାନ୍ ହୁହାଦି ହାଟିଆର୍ ଚାର।

୪୨ ସବୁର ପେଟପୁରା ଅଣ୍ଟାରା ମଞ୍ଚାରା ଖୁସିମାଞ୍ଚାର ୪୩ ସବୁର ଅନା ମହାଁ ମୁଞ୍ଜିନା ପାଛଲି ଚେଲାଗୁଠିଆର ବଳକାଟିକା ରୁଟି ଆଉ ଇଞ୍ଜି ଗୁଠି ବାରଟା ଗହଣୀନ୍ ପୁଲକାମଟାର। ୪୪ ନେର୍ ନେର୍ ରୁଟି ମକାଚାର ତାମ୍ନେ ମାଝାନ୍ ଖାଲି ଆଣପରେ ସଂଖ୍ୟା ପାଞ୍ଚ ହଜାର ରାଟା।

### ଯୀଶୁ ଆନ୍ତୁନ୍ ଏକିଆସ୍

୪୫ ତାଦେ ପାଛଲି ଯୀଶୁ ଚେଲାଗୁଠିଆରିନ୍ ଡଙ୍ଗା ଉଲାଗେ କାଲାଗେ ତେଜିଆର। ଯୀଶୁ ଚେଲାଗୁଠିଆରିନ୍ ହୁଦନ୍ତା ଆରଖାଣ୍ଡିନ୍ ରାଚକା ବେଥୁସାଇଦା ଗେ ଆଘ କାଲାଗେ ତେଜିଆସ ଆଉ ତାନ୍ ନିଜେ ପାଛଲି କନ୍ ବୋଲି ତେଜିଆସ। ହୁଡାନ୍ତା ରାଚକା ଆଲାରିନ୍ ଆଳପା କାଲାଗେ ତେଜିଆସ ଆଉ ରାଚାସ।

୪୬ ଯୀଶୁ ଆଲାରିନ୍ ଖେଦା ମୁଞ୍ଜିକାଟିନ୍ ପ୍ରାର୍ଥନା କାମାଗେ ପାର୍ତା ମିଆଁଗେ କେରାସ। ୪୭ ମାହା ମାନାଗେ ପରେ ଭି ଡଙ୍ଗାବ ହୁଦ ମାଝାନ୍ ରାଚା ଆଉ ଯୀଶୁ ହାଜୁନ୍ ଅଥାସା ରାଚାଷ। ୪୮ ଯୀଶୁ ଏରୀଆସ ଯେ ଚେଲାଗୁଠିଆର ଡଙ୍ଗାନ୍ ଆହୁଲା ମାରାଗେ ବାଗେ ଅସୁରିଧା ମାନାଲି। ହେଲେ ହୁ ବାକେ ତାକା ତାମ୍ନେ କାନା ବାଟେ ମାରାଲିଆ। ପାଲରିଡି ଯେ ତିନଟା ତିନ୍ ଛଅଟା ଗେ ଯୀଶୁ ହୁଦନ୍ ଏକା ଏକା ଚେଲାଗୁଠିଆରେ ପାଖୁଗେ ବାରଟାର। ତାନ୍ ଚେଲାଗୁଠିଆରେ ପାଖୁଡି ଆଘଗେ କାଲିଆର। ୪୯ ହୁବାକେ ତାଦେ ଚେଲାଗୁଠିଆର ତାଙ୍ଗା ଅନ୍ତୁନ୍ ଏକନା ଏରିଆରା ତାଙ୍ଗା ଭୁଡୁ ବୋଲି ଭାବଟାର, ତାମ୍ ପାଟିକାମାଗେ ଲାଗିଆର। ୫୦ ସବୁ ଚେଲାଗୁଠିଆର ଜେଡି ତାଙ୍ଗାନ୍ ଏରିଆର ଏଲଟିଆର କେରାର। ଯୀଶୁ ସାଜେ ସାଜେ ତାମାନ୍ ତେଜିଆସ, “ସାହସ ଧାରା ଇବ ଏନ୍, ଆମା ଏଲଟା।” ୫୧ ତାଦେ ପାଛଲି ଚେଲାଗୁଠିଆର ସାଜେ ଡଙ୍ଗାନ୍ ଅକିଆର।



ତାଙ୍କା ବନ୍ଦ ମାଞ୍ଚାକେରା ଇନ୍ଦୁ ତାମ୍ ଚକିତ ମାଞ୍ଚାକେରାର । \*୨ ତାମ୍ ରୁଚି ବିଷୟନ୍ତୁ ଚକିତ୍ ନାଲଖୁବ ବୁଝୁରା ପଲ୍ଲୀଲିଆର । ତାମ୍ରେ ବୁଧି ଜଳ ମାଞ୍ଚାକେରକିତା ।

### ଯୀଶୁ ବାଗେ ଆଲାରିନ୍ ସୁସ୍ଥ କାମତାଷ୍

\*୩ ଯୀଶୁ ଆଉ ତାଙ୍ଗେ ଚେଲାଗୁଠିଆର ହୁଦ୍ ଖାଣ୍ଡି ଗିନ୍ନେସରତନ୍ତୁ ଆହାଁତିଆର । ତାମ୍ ତଜାନ୍ ହୁସାନ ହିଁଚାର୍ ଚାର୍ । \*୪ ତଜାନ୍ତି ଏତିଆରା ବାହାରିଗେ ବାରନାଗେ ଆଲାାର ଯୀଶୁସିନ୍ ଏରିଆରା ଚିହ୍ନଟା ଚାର । \*୫ ତାଙ୍ଗେ ପାଛଳି ତାମ୍ ଯୀଶୁ ବାରକାଟିକା ଖବର ଆଲାରେ ତିଆଗେ ହୁ ଅଞ୍ଚଳତା ସବୁଜାଗାଗେ କୁଧୀଆରା କେରାର । ଯୀଶୁ ଏକା ଜାଗାରେ କେରାର, ହୁସାନ୍ ଖବର ଡାବଟାକେରା ଆଉ ହୁସାନ ଆଲାାର, ରୁଗି ଗୁଠିଆରିନ୍ ଖଣ୍ଡନ୍ତୁ ଧାରା ଧାରା ବାରଚାର୍ । \*୬ ଯୀଶୁ ହୁ ଅଞ୍ଚଳତା ନଗର, ପାଦା ଆଉ ପୁରପଲ୍ଲି ଏକାତାରା କେରକ୍, ଆଲାର ରୁଗି ଗୁଠିଆରିନ୍ ହୁସତା ହାଟେ ବାଜାରାନ୍ତୁ ଜନାର ଚିନାର ଆଉ ତାଜା ବିନିତି କାମାଲିଆର, ତାମ୍ ତାଙ୍ଗେ ଚିହ୍ନଟି ତାମାନ୍ ଏସରା ତିଆଗେ ସୁଯୋଗ ତିଆ, ନେର ତାଜା ଏସରା ଆଜିଆର ତାମ୍ ସବୁର ସୁସ୍ଥ ମାଞ୍ଚାର କେରାର୍ ।

### ପରମେଶ୍ୱରସେ ବ୍ୟବସ୍ଥା ଆଉ ଆଲାର୍ କାମ୍‌କାଟିକା ନିୟମ୍

୭ ଖାଲି ଫାରୁଶୀ ଆଉ ଧର୍ମଶାସ୍ତ୍ରୀ ରି ଯୀରୁଶାଲମ୍ ତି ବାରଚାରା ଯୀଶୁସେ ଚାରିପାଖନ୍ତୁ ୠଳିଆରାର୍ କେରାରି । \*୨ ହୁବ୍‌ଲାର୍ ଯୀଶୁସେ ନିଅକେତେ ଚେଲାଗୁଠିଆରିନ୍ ଅପବିତ୍ର ହେଖାନ୍ତୁ ଆଉ ମାଞ୍ଚିକାଟିକା ପଞ୍ଚତିନ୍ତୁ ହେଖା ମାଲହି ନରିଆରା ଅନାଲିଆର ବାକେ ଏରିଆର । \*୩ ଫାରୁଶୀ ଆଉ ସବୁ ଯିହୁଦି ଗୁଠିଆର ମାଞ୍ଚିକାଟିକା ପଞ୍ଚତିନ୍ତୁ ହେଖା ମାଲହି ନରିଆର ହେଲେ ମାଲହି ଅନାଲିଆର । ତାମ୍ ତାଙ୍ଗେ ମହାନ୍ ବାଡେଆଲାରେ ଯୋଗୁ ଚାଲରକା ପରମ୍ପରା ମାନାଗେ ଲାଗି ଇବୋ କାମାଲେଆର । \*୪ ଏହେଦି ଭି ହାଟେନ୍ତା ଆଦକା ଚିକା ଆସିଆଡା ଜିନିଷବ ମାଞ୍ଚାକାଟିକା ପାଞ୍ଚତିନ୍ତୁ ମାଲିନରିଆର ହେଲେ ମାଲିନରନାରା ଗିନା, କାଟୁ, ତାମ୍ବା ଜିନିଷ ଆଉ ଅଲଗା ଅଲଗା ମାଜନା ନଶନା ଲେଖା ଭି ପରମ୍ପରା ତାମ୍ ପାଳନ କାମାଲିଆର ।

\*ହେଲେ ଫାରୁଶୀ ଆଉ ଧାର୍ମେଗୁରୁଗୁଠିଆର ଯୀଶୁ ସିନ୍ ମେଞ୍ଚାର, “ନିମ୍ରେ ଚେଲାଗୁଠିଆର ପୂର୍ବାପୁରୁଷତା ପରମ୍ପରା ଯାକ ଏଦେଗେ ମାଲହି ମାନାଗେ ? ତାମ୍ ଅପବିତ୍ର ହେଖାନ୍ତୁ ଅନାନାର, ତାମ୍ ଏହେଦି ଏଦେଗେ କାମାନାର ?”

\*ଯୀଶୁ ତେଜିଆସ୍, “ନିମ୍ ହେଲେ କପଟି ଗୁଠିଆରେ ସମ୍ବନ୍ଧନ୍ତୁ ଯୀଶାଇୟ ପୂର୍ଣ୍ଣା ପାଟିଶ୍ ଯାହା ତେଜାଦାସ ତାହା ଯଥାର୍ଥ ଯୀଶାଇୟ ଲେକାଚାଷ,

'ଇ' ଆଲାର ଖାଲି ମୁହିଁକୁ ଏଠେ ସାମନା କାମନାର  
ହେଲେ ତାମ୍ଭେ ମନବୋ ଏଠେସ୍ତ୍ର ବାଗେ ଗେଛା ।

୭ ତାମ୍ଭେ ଉପାସନା ଏଠେ ଲାଗିନ୍ କାମ୍‌ମାହିତି,

ହେଲେ ହୁବୁତାର ଆଲାରିନ୍ ତାମ୍ଭେ ଉତ୍ତର ବୋନ ଆଲାର କାମନା ନିୟମ୍  
ବୋ ମାନଗେ ଲାଗିନ୍ ଉପଦେଶ ତିନାର ।

ଯିଶାଜୟ ୨୯:୧୩

୮ ନିମଗୁଠିଆର ପରମେଶ୍ୱରସେ ଆଦେଶ ଆମ୍ବକା ଚିକାର । ଆକୁ ନିମଗୁଠିଆର ଆଲାର  
କାମ୍‌କାଚିକା ପରମ୍ପରା ବୋ ଧାରାୟା ଇୟାଦାର ।

୯ ଯୀଶୁ ଆଉ ତାମାନ୍ ତେଜିଆସ, "ନିଜର ପରମ୍ପରା ମାନାଗେ ଲାଗିନ୍ ନିମଗୁଠିଆର  
ପରମେଶ୍ୱରସେ ଆଦେଶବୋ ମାହିକକାର ଆଉ ନିଜୋର୍ ବୁଦ୍ଧିନ୍ ତାଲରନ୍ ବୋଲି  
ଭାବାଦାର । ୧୦ ମୋଶା ତେଜାତାଷ, ନିମ୍ ନିମ୍ରେ ବୁଆମାରିନ୍ ସମ୍ମାନ୍ କାମା ତାନ୍  
ଭି ତେଜାତାଷ୍ ଏକା ଆଲାସ ନିଜର ବୁଆ ମା'ରିନ୍ ଖରାପ୍ କାଥା ତେଜାଦାସ ତାଜା  
ପିତନାଚିନା କାଥା । ୧୧ ହେଲେ ନିମ୍ ଗୁଠିଆର ଉପଦେଶତିଆଦାର ଯେ ଅଷ୍ଟା ଆଲୁ  
ତାଜେ ବୁଆମାରିନ୍ ତେଜା ଆଜାସ ଏଠେ ଏକା ଜିନିଷନ୍ ନିମ୍ରେ ଲାଭ ମାଞ୍ଚିକା  
ରଦେନ, ହୁ ଜିନିଷସ ଏନ୍ ନିମ୍ରେ ଲାଗାନ୍ ବେଭାର କାମା ପଲନ୍, ହେଲେ ହୁଗୋ  
ଏନ୍ ପରମେଶ୍ୱର ସେ ସରପନ ଅନ । ୧୨ ଏହେଦି ଲେଖା ହୁଆଲାସିନ୍ ତାଜେବୁଆ  
ମା'ରିନ୍ ଏହେରି କାମାଗେ ନିମଗୁଠିଆର ଅନୁମତି ମାହିତିଆଗେ । ୧୩ ନିଜର ନିୟମ୍  
ବୋ ମାନାଗେ ଲାଗିନ୍ ବାଗେ ମହତ୍‌ପୂର୍ଣ୍ଣ ବୋଲି ମନେ କାମାଦାର୍ ନିମଗୁଠିଆର  
ଆଲାରିନ୍ ମାନାଗେଲାଗିନ୍ ହୁବ ଉପଦେଶ ତିଆଦାର । ନିମ୍ ଗୁଠିଆର ପରମେଶ୍ୱରସେ  
ଆଦେଶ ବୋ ମାନାଗେ ଲାଗିନ୍ ମହତ୍‌ପୂର୍ଣ୍ଣ ମାଲି ବୋଲି ଉପଦେଶ ତିଆୟା ହୁବୋ  
ଠେଲାତାଦାର ଏହେଦି ଲେଖା ନିୟ ନାଲଖୁ ନିମଗୁଠିଆର କାମଦାର ।"

୧୪ ଯୀଶୁ ଆଲାରିନ୍ ଆଉଥରେ ପାଖ୍‌ଗେ ମେହିଆସ । ତାଜା ତେଜିଆସ ସବୁଆଲାର  
ଏଠେ କାଥାମେନା ଆଉ ବୁଝୁରା । ୧୫ "ଏହେଦି ଲେଖା ନିଅ ଜିନିଷ ଆତଲି ଯାହା  
ବାହାରିତା ଆଲାସି ଉଲା କରିଦା ତାଜା ଅଶୁଚି କାମତ ହେଲେ ଏକା ଜିନିଷ ଆଲାସେ  
ଉଲତି ଉରଖ୍ କାଜ ହୁବୋ ହୁଁ ତାଜା ଅଶୁଚି କାମା ଆଜା ।"

୧୬ ୧୭ ତାଠେ ପାଛଲି ଯୀଶୁ ଆଲାରି ବିଥରାସା ଆଜ୍ଞା କେରାସ । ତେଲା ଗୁଠିଆର  
ତାଜା ଇକାଥାଶୀତା କାଥା ବିଷୟନ୍ ମେଞ୍ଚାର । ୧୮ ଯୀଶୁ ତେଜିଆସ, "ନିମ୍ ଗୁଠିଆରଭି

୭:୭ ନିଅଁ ଗ୍ରୀକ୍ ମୂଲି ଭଷାନ୍ ପଦ ୧୬ ଯୋଗ କାମାଖାତ୍‌ରିକିତି । " ନିମଗୁଠିଆର୍, ନେର୍  
ମେରାଦାର୍, ମେନା ।"

ଅଲଗା ଆଲାରିନ୍ ଲାଗି ଏହେ ବୁଝୁଲା ପାଲ୍ଲୀଦାର ?” ନିମଗୁଠିଆର ଏହେ ବୁଝୁରା ପାଲ୍ଲୀଦାର ଯେ ଆଲାସେ ଉଲତା ବାହାରିଛି ଏହେରି ଜିନିଷ କେରା ହେଲେ ହୁବ ହୁଆଲାସିନ୍ ଖରାପ କାମାପଲ୍ଲି । ୧୯ହେଲେ ଅନ୍ନାମହନାବୋ ତାଜେ ହୃଦୟରେ ମାଲ୍ଲିକାଇ ଆଉ କୁଲୁଉଲା କାଇ ଆଉ ପିକୁ ଲେଖା ବାହାରିକାଇ । ଇବ ତେଜିଆସ ଯୀଶୁ ସବୁମହନା ଅନ୍ନା ଜିନିଷବ ଶୁଚିଦି ବୋଲି ପରମାଣା କାଞ୍ଚାଚାଷ ।

୨୦ତାନ୍ ଆଉଥରେ ତେଜିଆସ, “ଆଲାରେ ଉଲାଡିଯାହା ବାହାରି ଉଖ୍, ତାହା ତାଜା ଅଶୁଚି କାମିତି । ୨୧ଆଲାଶେ ଉଲା, ତାଘେ ମୋନନ୍, ଇବ ଖରାପ୍ ଜିନିଷ ଜନମ କାମି, ମନ୍ ବିଚାର ମେଦୁଡ଼ା ପାପ,ହାତନା ପିଚନା ।

୨୨ବେଶ୍ୟା, ଲାତସା, ଆଉ ଲୋଭ, ଦୁଷ୍ଟତା ମନ୍ଦନାଲଖୁ କାମା ଗେ, ତେଜି, ହାଁକାର ତୁଗୁଲି, ଆଉ ମୁର୍ଖତା । ୨୩ଇବଲା ସବୁ ଜିନିଷ ଖରାପ ଆଲାଣ୍ଡି ବାହାରି ଗେ ଉରଖ୍ ଇବଲା ସବୁ ଆଲାରିନ୍ ଅଶୁଚି କାମିତି ।”

### ଯୀଶୁ ଅଣ୍ଟା ଅଣ ଯୀହୁଦୀ ମୁକାନ୍ ସାହାଯ୍ୟ କାମଚାଷ

୨୪ଯୀଶୁ ହୁଜାଗା ବିଅରାଶା ସରଗେ ଆଖ ପାଖ ଅଞ୍ଚଳ୍ ଗେ କେରାଶ୍ ହୁଶାନ୍ ଯୀଶୁ ଅଣ୍ଟା ଆଳ୍ ପାଉଲା କେରାଶ୍ । ତାନ୍ ମାଲ୍ଲୀ ଚାହୁଁଶ ଯେ ଏକା ଆଲାରଭି ତାଜେ ବାଟିକା ଖବର ବୋ ଆହନାର । ହେଲେ ତାନ୍ ହୁଶାନ୍ ନୁହୁରା ପଲ୍ଲିଆସ । ୨୫ଅଣ୍ଟା ମୁକ୍ତା ଆଲି ଯୀଶୁ ସେ ବାରତିକା କାଥା ମେଞ୍ଚା ହାଖ୍ଆ । ତାଜେ କୁକାୟଗେ ମେଦୁନ୍ ଦୁଷ୍ଟଆତ୍ତା କରତାଦା ରାତା ହେଲେ ତାନ୍ ତାଘେ ଯୀଶୁ ସେ ପାଖ୍ରେ ବାଜାଦା ତାଘେ ପାଦୁ ତାଲି ଖାତରା କେରା । ୨୬ହୁ ସୁକ୍ତା ଆଲି ଗ୍ରୀକତା ରାତା ତାନ୍ ସୁର ଘୈନୀକିୟୀନ୍ ଜନମ୍ ମାଞ୍ଚାକିତା ତାନ୍ ତାଜେ କୁକାୟଗେ ଉଲତୀ ଭୁତୁବନ୍ ଅଥରା ତିଆଗେ ଯୀଶୁ ସିନ୍ ପ୍ରାର୍ଥନା କାମଚା ।

୨୭ଯୀଶୁ ତାମା ତେଜିଆସ, “ପହିଲନ୍ ନିମେ ହାଦୁରେ କୁଲୁ ଉଲ୍ଲା କାମାଗେ ତିଆ, ହେଲେ ଆହୁରେ ରୁଚି ହୁଆୟା ଆଲ୍ଲୀଗୁଠିଗେ ଆଘଲିକାଳେ ହେବଳନା ଚିନା ଠିକ ମାଲ୍ଲି ।”

୨୮ହୁ ମୁକ୍ତା ଉତ୍ତର ତିତା, ହେ “ପରଭୁ ହୁବ ସତୁ, ହେଲେ ହାଦୁ ବଚର୍ ଅନ୍ନା ମହନା ସମୟନ୍ ତାଲି ଖାତାରକାଟିକା ମାଣ୍ଡି ଟକେ ଟକେ ଚେବୁଲ୍ ତାନି ଆଲ୍ଲୀ ଗୁଠି ଭି ଅଣ୍ଡିକୀ ରାଇ ।”

୨୯ତାଘେ ପାଛଲି ଯୀଶୁ ହୁ ମୁକ୍ତାନ୍ ତେଜିଆସ, “ଇବ ଠିକ୍ ଉତ୍ତର । ଆକୁନ୍ ନିମ୍ ଆଲ୍ଲୀ କାଲାଆଜର । ଦୁଷ୍ଟତା ନିମେ କୁକାୟନ୍ ଆମ୍ବିଆଦା କେରାଦି ।”

୩୦ ହୁମୁକ୍ଷା ଆଲି ଆଲ୍ଲା କେରାଦା ଏରିଆଜେ ତାଜେ କୁକାୟ ଖତୁନୁ ତୁତୁକିଟି ।

### ଯୀଶୁ ଅଣ୍ଟା ମୁକ ବଧୂର ଆଲାସିନ୍ ସୁସ୍ତକାମଚାଷ୍ଟ

୩୧ ତାଦେ ପାଛଲି ଯୀଶୁ ସରଗେ ଆଖ ପାଖ ଅଞ୍ଚଲି ବିପ୍ରାଣା ଦେବାପଲ୍ଲି ପାଦାନୁ ସିଦନ୍ ମାଞ୍ଚାସା ଗାଲୀଲି ହୁଦ ପାଖ୍‌ଗେ ବାରଚାଷ୍ଟ । ୩୨ ହୁସାନ୍ ନିୟଆଲ୍ଲା ଯୀଶୁସେ ପାଖ୍‌ଗେ ଅଣ୍ଟା ଆଲାସିନ୍ ଅନ୍ଦାରାର ହୁଆଲସ ମୁକ ଆଉବଧୂର ରାଚାଷ୍ଟ ଆଲାର ଯୀଶୁସିନ୍ ଅନୁରୋଧ କାମଚାର ଯେ ତାମ୍ ତାଦେ ହେଖା ଆଲାସେ ମିୟାଁ ଭଲ କାମାଚା ।

୩୩ ଯୀଶୁ ହୁଆଲାସିନ୍ ଆଲ୍ଲା ଭିଲତି ଚିକେ ଗେଛା ଗେ ଅଚାଷ୍ଟ କେରାସ୍ ହେଲେ ତାନ୍ ହୁଆଲାସେ ହେବଦାନୁ ଆଜାଟି ମାଂଖ୍ୟାସା ଇଆଷ୍ଟ । ତାଦେ ପାଛଲି ତାନ୍ ତୁଫାଲ ଚିଚାଷ୍ଟ ଆଉ ଆଲାସେ ତାଆବ ଏସରାସ । ୩୪ ଯୀଶୁ ଆଉ ଥରେ ସରଗତାରା ଏରିଆସା ଦୀର୍ଦ୍ଦନିଶ୍ୱାସ ଅଚାଷ୍ଟ । ତାନ ଆଲାଶି ତେଜିଆସ; ୩୫ 'ଇପଥ' ତାଦେ ଅର୍ଥ ଖୁଲୁରୁକାଲ୍ । ଚାଣ୍ଡେକେରି ତାଦେ ହେବଦା ଖୁଲୁରା କେରା । ତାଆଡା ଗୁଛି ଖୁଲୁରାକେରା ତାନ୍ ଭଲ୍ ଭାବନ୍ ତାଜା ତେଜିଆସ ।

୩୬ ଯୀଶୁ ତାମାନ୍ ଆଜ୍ଞାଚିଚାଷ୍ଟ ଯେ ଇ ବିଷୟନ୍ ନେକା ଭି ଏୟେରି ଆମକେ ତେଜା । ଯୀଶୁ ସଦାବେଲେ ଆଲାରିନ୍ ଆଜ୍ଞା ଚିଆଲିଆସ ଯେ ହୁବୁତାର ଅଲଗାରାନ୍ ଏକା ତାୟେ ବିଷୟନ୍ ଏୟରି ମାହିଁ ତେଜାମାର । ହେଲେ ଇଦଗେ ପରିଶାମ୍ ବୋ ଆଲାର ତାଦେ ବିଷୟନ୍ ବାଗେ ବାଗେ ପ୍ରଚାର କାମାଲିଆର । ୩୭ ଆଲାଗୁଠିଆର ସତୁନ୍ ଚକିତ ମାନାକାଲିୟାର । ତାନ୍ ତେଜା ଲିୟାର୍, ଯୀଶୁ ସବୁ ମୁକଆଲାରିନ୍ ସୁସ୍ତକାମା ଦାସ, ଏହେଦି ଭି ବଧୂର ଆଲାସେ ମେନାଗେ ଶକ୍ତି ଆଉ ମୁକ ଆଲାସେ ତେଜା ଗେ ଶକ୍ତି ଚିଆଦାସ ।

### ଯୀଶୁ ଚାରହଜାର ତି ବାଗେଆଲାରେ ଅନାଗେ ଚିଚାଷ୍ଟ

୧ ଆଉଥରେ ଯୀଶୁ ସେ ସାଜେ ବାଗେଆଲ୍ଲା ରାଚାର । ତାୟେ ଏୟେ ଭି ମହାଁଗେ ମାଲ୍ଲାରୁ । ହେଲେ ଯୀଶୁ ଚେଲାଗୁଠିଆରି ପାଖ୍‌ଗେ ମେହ୍ୟାଶା ତେଜିଆସ । ୨ "ଇଆଲାରେ ଲାଗିନ୍ ଏଜା ବାଡେ ଦୁଖ୍‌ଃ ଲାଗାଲୀ । ହୁବୁତାର୍ ତିନ୍ ଦିନ୍ ମାଞ୍ଚାବି ଏୟେ ସାଜେ ଆଡନାର୍ ହେଲେ ଆକୁନ୍ ମହାଅନାଗେ ଏୟେରି ମାଲ୍ଲା । ୩ ଏୟେରି ମାହିଁ ଚିବକ୍‌ନା ହୁବଲାରିନ୍ ଯଦି ତାୟାକାଚିକାଡ୍ ହେଲେ ତାମ୍ ମୁହାଁ ମାନୋରା ପାବୁକୁ ଖାତରୋକର୍ । ନିଅ ଆଲାବାଗେ ଗେଛାଡି ବାଟିକାନାର୍ ।"

୪ଯୀଶୁ ସେ ଚେଲାଗୁଠିଆର ତେଜିଆର, “ଏମ୍ ଇଞ୍ଜନହିନ୍ ଅଞ୍ଚଳନ୍ତୁ ଇବ୍‌ଲାରିନ୍ ଅନ୍ତାମହତାଗେ ବାଗେ ମାଣ୍ଡିଆଡ଼ା ଏକାନ୍ତି ହାଖସ?”

୫ଯୀଶୁ ତାମାନ୍ ମେଞ୍ଚାର, “ନିମ୍ନେ ପାଖୁନ୍ତୁ ନିଅଟା ରୁଟି ଆତଲି?” ତାମ୍ ଉତ୍ତର ଚିଚାର, “ଏମ୍ନେ ପାଖୁ ସାତେଟା ଆତଲି।”

୬ତାଘେ ପାଛଲି ଯୀଶୁ ଆଲାରିନ୍ ଅକାଗେ ତେଜିଆସା ହୁ ସାତେଟା ରୁଟି ଲାଗି ଧନ୍ୟବାଦ ହୁଦଗେଲାଗି ପରମେଶ୍ୱରସେ ଚିକାସା ରୁଟି ଗୁଠି ଖଣ୍ଡ ଖଣ୍ଡ କାମାୟା ଆଲାରେ ହାଟା ଚିଆଗେ ଚେଲା ଗୁଠିଆରି ତେଜିଆସ ତାମ୍ କାମଚାର। ୭ଚେଲାଗୁଠିଆରେ ପାଖୁନ୍ତୁ ଚିକେ କେତେ କାଟି ଇଞ୍ଜ ରାଚା। ଯୀଶୁ ଇଞ୍ଜ ଲାଗି ଧନ୍ୟବାଦ ଚିକାସା ଚେଲା ଗୁଠିଆରିନ୍ ହୁବ ହାଟା ଚିଆଗେ ତେଜିଆସ।

୮ସବୁ ଆଲାର ଅଣ୍ଡାର ମଖାରା ଶାନ୍ତି ମାଞ୍ଚକା ପାଛଲିତାମ୍ ବଲକାଟିକା କାଟି କାଟି ତକ ସାତେଟା ଗହଣିନ୍ତୁ ପୁଲକାମଚାର। ୯ହୁସାନ୍ ଖାଲି ଚାର ହଜାର ଆଣପର ମଖରା ଅଣ୍ଡାରା ତାମ୍ ମକ୍ସା ପାଛଲି ଯୀଶୁ ତାମାନ୍ ବିଦାୟ ଚିଚାଷ। ୧୦ତାଘେ ପାଛଲି ଚେଲାଗୁଠିଆର ସାଙ୍ଗେ ତଜାନ୍ତୁ ଅକିଆସା (ଦଲମୁନ୍ତୁଆ) ଅଞ୍ଚଳଗେ ଗେରାସ। ୧୧ଫାରୁଶୀ ଗୁଠିଆର ଯୀଶୁ ସେ ପରିକ୍ଷା କାମାଗେ ଚାହାଚର।

### ଫାରୁଶୀ ଯୀଶୁ ସୀନ୍ ପରିକ୍ଷା କାମଚାର

୧୧ଫାରୁଶୀ ଗୁଠିଆର ଯୀଶୁସେ ପାଖୁଗେ ବାରଚାର ଯୀଶୁ ସିନ୍ ପରିକ୍ଷା କାମାଗେ ପ୍ରଶ୍ନ ମେଞ୍ଚାର। ହୁବୁଡ଼ା ଯୀଶୁ ସେ ପରିକ୍ଷା କାମାଗେ ଚାହାଲିଆର। ହେଲେ ତାମ୍ ଯୀଶୁ ସିନ୍ ହୁସ୍ ପରମେଶ୍ୱର ସେ ପାଖୁଗେ ବାର୍ତ୍ତିକା ଦାସ ବୋଲି ସତୁ କାମାଗେ ଲାଗିନ୍ ଚକିଡ଼ ନାଲଖୁ କାମାଗେ ଲାଗିନ୍ ତେଜିଆସ। ୧୨ଯୀଶୁ ଦୀର୍ଘ ନିଶ୍ୱାସ ଉଚ୍ଚଶା ଦୁଃଖ କାମଚାସ ତେଜିଆସ ନିମ୍ନ ଯଦି ପରମାଣ କାମାଗେ ଲାଗିନ୍ ଆଶ୍ଚାର୍ଯ୍ୟ ନାଲଖୁ ଏରାଗେ ଲାଗି ଚାହାଦାର? ଏନ୍ ନିମା ସତୁ ତେଜା ଦାନ୍, ନିମା ଗୁଠିଆରିନ୍ ହୁହାଦି ଏହେ ଭି ପରମାଣ ଚିଆ ମାହି ଖାତରି। ୧୩ତାଙ୍ଗେ ପଛଲି ଯୀଶୁ ଫାରୁଶୀ ଗୁଠିଆରିନ୍ ବିଥ୍ରାସା ଆଉ ଅରେ ତଜା ଉଲା ଅକିଆସା କେରାସା ତାମ୍ ତଜାନ୍ତୁ ଅକିଆସା ହୁଦନ୍ତା ଆରପାଖୁଗେ କେରାସା।

### ଯୀଶୁଦି ନେତା ଗୁଠିଆରେନ୍ ବିରୁଦ୍ଧନ୍ତୁ ଯୀଶୁସେ ଚେତାବନୀ

୧୪ତାମ୍ ମହାଗେ ବାଗେ ଅନ୍ଧାରାଗେ ଲାଗି ମଦ୍ରାଚାର୍ ଯୀଶୁ ସେ ଚେଲାଗୁଠିଆରେ

ପାଖୁନ୍ନୁ ଖାଣ୍ଡେଖାଲି ମାତ୍ର ରୁଟି ରାଜା। ୧୫ଯୀଶୁ ତାମାନ୍ ତେତାବନୀ ଚିକାସ୍ ତେଜାଗେ ଚିଜିଆସ ସାବଧାନ୍, ଫାରୁଶୀ ଆଉ ହେରଦ ସେ, ଖମୀରତି<sup>10</sup> ଗେଛାନୁରା।

୧୬ତେଲାଗୁଠିଆର୍ ଇଦଗେ ଅର୍ଥ ବିଷୟନ୍ନୁ ଆଲୋଚନା କାମ୍ତରା ତାମ୍ ତେଜିଆର,  
“ଏସେ ପାଖୁନ୍ନୁ ରୁଟି ମାଲ୍ଲାଦି ବୋଲି ଯୀଶୁ ଇକାଆ ତେଜିଆସା।”

୧୭ତାମ୍ ଏସେ କାଆ ବାରତା ମାନାନାର ହୁବ ଯୀଶୁ ଆଖାସ୍ କେରାସ୍, ହେଲେ ତାନ ତାମାନ୍ ତେଜିଆସ “ରୁଟି ମାଲ୍ଲାଦି ବୋଲି ନିମ୍ ଏସେଗେ ଚର୍କ ବିତକ୍ ମାନାଦାର ? ଆକୁ ଯାକେ ନିମ୍ ଗୁଠିଆର ଏରା ପଲ୍ଲାଦାର୍ କା ବୁଝୁରା ପଲ୍ଲାଦାର୍ ? ୧୮ନିସେ ଗୁଠିଆରା ଏସେ ବୁଝି ଏପସାରା କେରକିଟି ? ନିସେ ଗୁଠିଆରେ ହାନୁ ଆତଲି ହେଲେ ଭି ନିମ୍ ଏରାର ପଲ୍ଲାଦାର ? ନିସେ ଗୁଠିଆରେ ହାନୁ ଆତଲି ହେଲେ ନିମ୍ ଏରା ପଲ୍ଲାଦାର ନିମ୍ ଗୁଠିଆରେ ହେବଦା ଆତଲି, ତଥାପି ନିମ୍ ଗୁଠିଆର ମେନା ପଲ୍ଲାଦାର ? ଏସେ ପାଖୁନ୍ନୁ ଯେତେବେଳେ ମହାଗେ ଯଥେଷ୍ଟ ରୁଟି ମାଲ୍ଲାରୁ ହୁ ବାକେ ଏସେ କାମ୍ପାଟିକାନ୍ ନିସେ ଗୁଠିଆରେ ଏସେ କାମ୍ପାଟିକାନ୍ ନିସେ ଗୁଠିଆରେ ଏସେ ହୁବ୍ ମନେ ମାଲ୍ଲାଦୀ।” ୧୯ଏନ୍ ଯେତେବେଳେ ପାଞ୍ଚ ହାଜାର ଆଲାରେ ଲାଗି ପାଞ୍ଚେଟା ରୁଟି ଖଣ୍ଡ ଖଣ୍ଡ କାମାୟା ନିମା ଚିବ୍ କା ଚିକାନ୍, ମନେ କାମା ତ’ ନିମ୍ ଗୁଠିଆରେ ନିଅଟାତାଲାନ୍ନୁ ବଲକାଟିକା, ରୁଟି ଯକ ନିଅଟା ତାଲାନ୍ନୁ ବଲକାଟିକା ଭରକାଟିକାର ?

ତାମ୍ ତେଜିଆର, “ବାରତା ତାଲାନ୍ନୁ।”

୨୦“ଆଉ ଏନ୍ ଯେତେବେଳେ ଚାର ହାଜାର ଆଲାରେ ଲାଗି ରଟି କିଟିକାନା ଚିଟକାଟିକାନ୍, ମନେ କାମାତ, ନିମ୍ ଗୁଠିଆର୍ ନିଅଟା ତାଲାନ୍ନୁ ଭରତି କାମ୍ତକାଟିକାର୍ ?

ତାମ୍ ତେଜିଆର ସାତେଟା ତାଲାନ୍ନୁ।”

୨୧ତାଘେ ପାଛଲି ଯୀଶୁ ତାମାନ୍ ତେଜିଆସ, “ଏନ୍ ଯାହା କାମ୍ପାଟିକାନ୍, ହୁବୁଲ୍ଲା ସବୁନିମ୍ ଗୁଠିଆର ମନେଇକାଦାର୍ । ହେଲେ ଆକୁନ୍ନୁ ଯାକେ ଏସେ ଭି ବୁଝୁରା ପଲ୍ଲାଦାର୍ ?”

**ବେଥୁ ସାଇବାତା ଯୀଶୁ ଅଣ୍ଡା ଅନ୍ଧସିନ୍ ହାନୁ ଦାନ କାମ୍ପାଟାଷ୍ଟ ।**

୨୨ତାଘେ ପାଛଲି ତାମ ବେଥସାଇବା ଭୁଜାର କେରାର୍, ହୁସାନ୍ ନିଅଁ ଆଲାର ଯୀଶୁ ସେ ପାଖୁଗେ ଅଣ୍ଡା କାଶାସିନ୍ ଅନ୍ଧରାର, ତାମ୍ ଯୀଶୁ ସିନ୍ ପ୍ରାଥନା କାମତାର୍, ଯେ ଇକାଶା ସିନ୍ ଖାଲି ଏସରାତା । ୨୩ଯୀଶୁ କାଶା ଆଲାସେ ହେଖା ଧାରତାସ ତାଜା

<sup>10</sup> ୮:୧୫ ଖମୀର ଇସାନ୍ ଖମୀର ଶବ୍ଦ ପ୍ରୟୋଗ କାମ୍ପା ପ୍ରଭାବତା ପ୍ରତିକ ରୂପନ୍ନୁ ବ୍ୟବହାର କାମା ଖାତରକିଟି ।

ପାଦାଗେ ବାହାରି ଅଟାସ୍ କେରାସ । ତାନ୍ କାଶାସେ ହାନ୍ନୁନ୍ ତୁଫାଲ ଚିତାସ, ତାଘେ ମିଆଁ ହେଖା ଇୟାସା ତାଜା ମେଞ୍ଚାସ, “ନିମ୍ ଏଘେ ଏରା ଆଜାଦାର ?”

୨୪ହୁ ଆଲାସ ମିୟାଗେ ଏରିଆସା ତେଜିଆସ, “ଏନ୍ ଆଲାରିନ୍ ଏରା ଆଜାଦାନ୍ । ତାମ୍ ଚାରିପାଖୁନ୍ ଏକନା ମାନ୍ନୁ ଲେଖା ଏଥୁରା ଦାନ୍ ।”

୨୫ଯୀଶୁ ଆଉ ଥରେ କାଶା ସେ ହାନ୍ନୁନ୍ ହେଖା ଇୟାସା । ତାଘେ ହାନ୍ନୁ ଭଲ୍ ମାଞ୍ଚା କେର କିତା ଆଉତାନ୍ ସବୁକିଛି ଭଲ ଭାବୁନ୍ ଏରା ଆଜାଲିଆସ । ୨୬ଯୀଶୁ ତାଜା ଆଜ୍ଞା ତାୟାଚାସ୍ ଆଉ ତେଜିଆସ, “ପାଳା ଉଲାଗେ ଆକ୍ସୁନ୍ ନିମ୍ ମୁଟେ ଆମକେ କାଲା ।”

### ପିତର ତେଜାଦାସ୍ ଯେ ଯୀଶୁ ମାନାଦାସ୍ ଖ୍ରୀଷ୍ଟ

୨୭ତାଘେ ପାଛଲି ଯୀଶୁ ଆଉ ତାଘେ ଚେଲାଗୁଠିଆର କାଈସରିଆ ଫିଲିପୀ ଅଞ୍ଚଳତା ପାଦାଗୁଠିଗେ କେରାର୍, ପାବୁନ୍ ତାନ୍ ତାଘେ ଚେଲାଗୁଠିଆରିନ୍ ମେଞ୍ଚାର, “ଏନ୍ ନେର ବୋଲି ଆଲାର ମେନାନାର ?”

୨୮ତାମ୍ ତେଜିଆର, “ନିଅ ଆଲୁ ତେଜାନାର, ନିମ୍ ବାପ୍ତିଜକ ଯୋହନ; ଆଉ ଆଲାର ତେଜାନାର ନିମ୍ ଏଲିୟା; ଆଉ ନିଅ ଆଲାର ତେଜାନାର ପୁରୁଖା ପାଟିଗୁଠିଆରତି ନିମ୍ ଅଣ୍ଟା ।”

୨୯ଯୀଶୁ ତାମାନ୍ ମେଞ୍ଚାସ୍, “ଏନ ନେର ବୋଲି ନିମ୍ ଏଘେ ତେଜାଦାର ?”

ପିତର ଉତ୍ତର ଚିତାସ୍, “ନିମ୍ ଖ୍ରୀଷ୍ଟ ।”

୩୦ତାଘେ ପାଛଲି ଯୀଶୁ ତାମାନ୍ ଚେତାବନି ଚିତାର ତେଜିଆର, “ଏନ୍ ଖ୍ରୀଷ୍ଟ ବୋଲି ନିମ୍ ଗୁଠିଆର ନେକା ଭି ଏଘେ ଭି ଆମାତେଜା ।”

### ନିଜର ଖୁନା ବିଷୟନ୍ ଯୀଶୁ ସେ ଆଘଲିତା କାଥା

୩୧ତାଘେ ପାଛଲି ତାନ୍ ତାମାନ୍ ଶିକ୍ଷା ଚିଆଗେ ଆରମ୍ କାମଚାର, “ଆଲୁହାଦୁସ୍ ବାଗେ ଜାତନା ମାନସ୍ ବୋଲି ତେଜିଆସ ପାଚା ଆଉ ଯିହୁଦୀ ନେତା ଗୁଠିଆର, କହା ଯାଜକ ଆଉ ଧରମେ ଗୁରୁ ଗୁଠିଆର ତାଜାନ୍ ସୀକାର ମାଲ୍ଲୀ କାମ୍ବାର ନିଶ୍ଚିତ ରୁପନ୍ ତାଜାନ୍ ପିଚାଟିଆ ଖାତର ଆଉ କେତକା ତିନ୍ ଦିନ୍ ଉଲ୍ଲାନୁ ଆଉଥରେ ତାନ୍ କେରକାତିନ୍ ଉସକାରସ୍ ।” ୩୨ଯାହାସବୁ ଘଟକାଟିକା ହୁସବୁ କାଥା ଯୀଶୁ ତାମାନ୍ ତେଜିଆସ, ତାନ୍ ଏଘେ ଭି ମାଲା ନୁଲୁସା ଇୟୁସ ।

ପିତର ଯୀଶୁ ସିନ୍ ଅଣ୍ଟା ପାଖୁଗେ ଅଲଗା ଅଟାସ ଇବଳା ସବୁ ତେଜା ଗେ ଲାଗିନ୍

ତାଜା ସାମାଧାନ କାମଚାଷ । ୩୩ ଯାଶୁ ପାଛଲିତାର କରିଆସ ଚେଲାଗୁଠିଆରି ଏରିଆସା ଆଉ ପିତର ସିନ୍ ସାମାଧାନ କାମଚାଷ ତେଜିଆସ, “ଶୟତାନ୍ ଏଢେସତିନ୍ ଦୁରମାନୁ । ନିମ୍ ପରମେଶ୍ଵରସେ ବିଚାର ଲେଖା ବିଚାର ମାହିଁ କାମାଗେ । ଆଲୁଗୁଠିଆର ଏହେଦି ବିଚାର କାମାନାର, ନିମ୍ ହୁହାଦି ଭାବଦାର ।”

୩୪ତାଢେ ପାଛଲି ଯାଶୁ ସବୁ ଆଲାରିନ୍ ପାଖୁଗେ ମେଇ ହାଁସା । ତାଢେ ଗାନେ ଚେଲା ଗୁଠିଆର ଭି ହୁସାନ୍ ରାଆଚାର । ଯାଶୁ ତାମାନ୍ ତେଜିଆସ, “ଏକା ଆଲାସ ତିନ୍ ଏଢେ ପାଛଲି ପାଛଲି କାଲାଗେ ଚାହାଁଦାସ, ଯାହା କିଛି ତାନ୍ ଚାହାଁଦାସ, ହୁବଳା ସବୁ ଆମ୍ବୋସା, ନିଜର କୃଷବନ୍ କୁମୋସା ଏଜେ ପାଛଲି ପାଛଲି ବାରନାସ । ୩୫ହେଲେ ଏକା ଆଲାସ ନିଜର ଜିଆବନ୍ ବଞ୍ଚାବାଗେ ଚାହୁଁସ, ତାନ୍ ହୁବୋ ହାରବୋସ । ଏକା ଆଲାସ ଏଢେ ଲାଗି ଆଉ ସୁଭେ ସମାଚାର ଲାଗି ନିଜର ଜିଆବ ବିଛର୍ଚସା, ତାନ୍ ତାଢେ ଜିଆବନ୍ ସବୁଦିନ୍ ଲାଗି ରକ୍ଷା ହାକ୍ଷସ । ୩୬ଯଦି ଏକା ଆଲାସ ସବୁ ପୃଥୀବିନ୍ ଲାଭକାମଦାସ ହେଲେ ନିଜର ଜିଆବ ହାରା ବାଗେ ଓକଦାସ, ହେଲେ ହୁନ୍ ଏକ ଲାଭ ଆତଲି ? ୩୭ହେଲେ, ଏକା ଆଲାସ ଯେତେ ପଏସା ଚିଚକୁନ୍ ଭି ତାଢେ ବାଦଲା ନିଜର ଜିଆ ଆଉଥରେ ମାଲିହି ହାଖଦାସ ? ୩୮ଇ ଜୁଗୁଡ଼ା ଆଲାର ଆକୁନ୍ ତା ପାପୋ ଆଉ (ବ୍ୟଭିଚାର) ଖାରାପ ସମୟନ୍ ରାନା । ଯଦି ଏକା ଆଲାର ଏଢେ ନାମେନୁ ଆଉ ଏଢେ ଉପଦେଶ ଲାଗି ଲାଜେ କାମଦାସ ହେଲେ ଆଲୁ ହାଦୁସ ଯେତେବେଲେ ସ୍ଵର୍ଗଦୂତ ଗୁଠିଆର ଗାନେ ନିଜର ବୁଆସେ ମହିମା ଗାନେ ବାରସ୍ ହୁ ବାକେ ତାନ୍ ଲାଜେ କାମସ୍ ।”

୯ ତାଢେ ପାଛଲି ଯାଶୁ ତେଜିଆସ, “ଏନ୍ ନିମା ସତୁ ତେଜାଦାନ୍, ଇସାନ୍ ନେର ଇଜକାନାର, ନିମେ ଗୁଠିଆରେ ମାଝାନ୍ତି ନିଆଁଲଗ୍ ନିଜର କାନା ଆପାଲିକ୍ତି ପରମେଶ୍ଵରସେ ରାଜି ଇସାନ୍ ଗେ ବାରନା ଏରର୍ । ପରମେଶ୍ଵରସେ ରାଜି ତାଢେ କ୍ଷମତାହୁଅଦା ବାର ।”

### ଯାଶୁ ସେ ସାଜେ ମୋଶା ଆଉ ଏଲିୟ

୨ ଛଅ ଦିନ୍ ଗେ ପାଛଲି, ଯାଶୁ ପିତର, ଯାକୁବ ଆଉ ଯୋହନ ସିନ୍ ନିଜର ସାଜେ ଅଚାସ ଅଖା ମେଛା ପାରତା ମିୟାଗେ କେରାର । ହୁଁସାନ୍ ଖାଲି ହୁ ଆଲାର ରାଚାର । ହୁ ସାନ୍ ଚେଲା ଗୁଠିଆର ଯାଶୁ ସିନ୍ ଏରନା ସମୟନ୍ ଯାଶୁ ସେ ଲେଖା ବାଦାଲାର କେରାର । ୩୧ଯାଶୁ ସେ ଚିତ୍ତା ଧବଲା ଚକ ଚକ ମାଆ କେରାର । ହୁବ ଏନେ କିରି ବିଲି ଯେ ଆଉ ଧବଲା ରାଚାୟେ ପୃଥୀବିତ୍ତା ଏକା ଆଲାସ ଭି ଏହେଦି ଧବଲା କାମା



ପଲ୍ଲସ । ୪ଏଲିୟ ଆଉ ମୋଶା<sup>11</sup> ଯୀଶୁ ସେ ସାଙ୍ଗେ ବାହାରି ବାରତା । ତାମ୍ ଯୀଶୁ ସାଙ୍ଗେ କାଥାବାର୍ତ୍ତା ମାନାଲିୟା ।

୫ପିତର ଯିଶୁ ସିନ୍ ତେଜିଆସ, “ଗୁରୁ ବାଗେ ଭଲମାଆ ଏମ୍ ଇସାନ୍ ଆତଦାସ । ଏମ୍ ଇସାନ୍ ମୁଣ୍ଡା ତମ୍ କାମତା ଇୟମ୍ ଅଣ୍ଡା ନିୟେ ଲାଗାନ୍; ଅଣ୍ଡା, ମଶାସେ ଲାଗି ଆଉ ଅଣ୍ଡା ଏଲିୟ ସେ ଲାଗି ।” ୬ପିତର ଆହା ପଲାଲିୟାସ ଯେ ଏହେ ତେଜା ଗାଗେ ଖାତର । ହେଲେ ତାନ୍ ଆଉ ଦୁଇ ଲଗ ତେଲା ବାଗେ ଏଲ୍ଟିଆର୍ କେରାର ।

୭ତାଘେ ପାଛଲି ତାଣ୍ଡେ ବାଦଲି ଭାସରାଦା ବାର୍ତା ଆଉ ସବୁରିନ୍ କୁଲିଆତା । ବାଦଲି ଭଲତି ଏହେଦି କାଥା ମେନଦ୍ରା ଯେ, “ଏ ଏଘେ ହାଦୁ, ଏନ୍ ତାଙ୍ଗାନ୍ ଭଲ ଆଖାଦାନ୍ । ନିମ୍ ଗୁଠିଆର୍ ତାଘେ କଥା ମାନା !”

୮ହେଲେ ହୁ ସମୟନ୍ ପିତର ଯାକ୍ତୁବ ଆଉ ଯୋହନ ଚାରି ପାଖ୍ କେରାର ଏରିଆ, ହେଲେ ହୁସାନ୍ ତାନ ତାଘେ ଗାନେ ଯୀଶୁସେ ଛତାଆଉ ନେକାଭି ମାଲହିଏରିଆରା ।

୯ଯୀଶୁ ଆଉ ତାଘେ ତେଲାଗୁଠିଆର ପାରତା ମିତି ତାଲିଗେ ଏତିଆରା ବାରତାର । ଯୀଶୁ ତେଲା ଗୁଠିଆରେ ଆଦେଶ ଚିତାସ । ଯେ ତାମ୍ ପାରତା ମିୟାଁ ଯାହାସବୁ ଏରିଆର ହୁବ ନେଖେ ଆଘଲି କାଲେ ଆମକେ ତେଜା ଆଉ ଆଲୁହାଦୁସ କେଚକାତି ମାହିଁ ଉସକାର ନା ଯାକେ ଚାକା ରାକୋ । ତାଙ୍ଗେ ପାଛଲି ତାମ୍ ଆଲାର ଆଘଲି କାଲେ ତେଜା ଆଙ୍ଗାର ।

୧୦ହେଲେ ତେଲା ଗୁଠିଆର ଯୀଶୁସେ କାଥା ମେଆର୍ ଆଉ ତାମ୍ ଜାହା ଏର୍କାଚାର ହୁବ ନେଖେ ଆଘଲି କାଡ଼େ ମାଲିତେଜିଆର । ହେଲେ ତାନ୍ କଥାବାର୍ତ୍ତା ମାନାଲିଆର କେଚକାଦି ଉସକାରସ ଯେ ହୁଦୁଗେ ଅର୍ଥ ଏହେ ?

୧୧ତାମ୍ ଯୀଶୁ ସିନ୍ ମେନଚାର ଯେ, “ଧାମ୍ ଗୁରୁ ଗୁଠିଆର ଏହେଗେ ତେଜା ନାରାୟେ ଏଲିୟ ନିଶ୍ଚିତ ଭାବନ୍ ଅଘଲି ବାରସ୍ ?”

୧୨ଯୀଶୁ ତାମାନ୍ ତେଜିଆସ, “ହଁ ତାମ୍ ଠିକ ତେଜାନାର । ସବୁ ବିଷୟ ଭଲସେ କାମାଗେ ଏଲିୟ ହଁ ଆଗଲି ବାରାସ । ହେଲେ ଆଲୁ ହାଦୁସେ ସମନ୍ଦ୍ର ଶାସ୍ତ୍ରନ୍ ଏହେଗେ ଲେଖା ଆତଲି ଯେ ତାନ ତାଗେ ଯାତନାଭୁଗ କାମସ ଆଉ ଆଲାର ତାଘେ ଗାନେ ମାହିଁମାନଚକା କଥାବାର୍ତ୍ତା ମାନର । ୧୩ଏନ୍ ନିମାନ୍ ତେଜା ଦାନ ଯେ ଏଲିୟ ଆକ୍ତୁନ୍ ବାରା ମୁଞ୍ଜକା ଦାସି, ଆଉ ଆଲାର ଯାହା ଚାହାନାର ତାଘେ ଗାନେ ଏହେଦି

<sup>11</sup> ୯:୪ ଏଲିୟ ଆଉ ମୋଶା ପୁରାତନ୍ ନିୟମତା ଦୁଇଲକ କହା ନେତା ।

ଖରାପ ବ୍ୟବହାର କାମନାର । ତାହେଁ ଗାନେ ଏହେଁଦି ବ୍ୟବହାର କାମର ବଳି ଶାସ୍ତ୍ରକୁ ଲେଖା ଆତଲଗି ।”

### ଯୀଶୁ ଅଣ୍ଟା ଅସୁସ୍ଥ ଲୁକସିନ୍ ସୁସ୍ଥ କାମ୍ତାର

୧୪ତାହେଁ ପାଇଲି ଯୀଶୁ ପିତର, ଯାକୁବ୍ ଆଉ ଯୋହନ ଅଲଗା ତେଲ ଗୁଠିଆରେ ପାଖୁଗେ କେରାର । ତାମ୍ ଏରିଆରା ଯେ ବାଗେ ଆଲୁ ତାମାନ୍ ଘେରା କାମ୍କାନାର । ତାହେଁ ଗାନେ ଧାର୍ମେ ଗୁରୁ ଗୁଠିଆର ଯୁକ୍ତିତର୍କ କାମନାର ।

୧୫ଯେତେବେଲେ ଆଲାର ଯୀଶୁ ସୀମ୍ ଏରିଆରା, ତାମ୍ ଆଶ୍ଚର୍ଯ୍ୟ ମାନ୍ତାର କେରାର । ତାମ୍ ତାଜାନ୍ ମେହାଁ ଆନ୍ତାଗେ ତାଜେ ପାଖୁଗେ କୁଧୁଆରାର କେରାର ।

୧୬ଯୀଶୁ ମେହାସ୍, “ନିମ୍ ଗୁଠିଆର ଧାର୍ମେ ଗୁରୁ ଗୁଠିଆର ଗାନେ ଏକା ବିଷୟ ଯୁକ୍ତିତର୍କ, କାମାଲିଆର ?”

୧୭ଭିଲ୍ ଉଲ୍ତି ଆଣ୍ଟା ଆଲୁ ତେଜିଆସ, “ହେ ଗୁରୁ ଏନ ଏଜାଦାସିନ୍ ନିହେ ପାଖୁଗେ ଆନ୍ତୁକାଟିକାନ୍, ତାହେଁ ମେଦୁନୁ ଦୁଷ୍ଟଆତ୍ମା କରତାକେରାଦା ତାଜା କାଥା ତେଜାଗେ ମାଲ୍ଲି ତିଆଗେ । ୧୮ଦୁଷ୍ଟ ଆତ୍ମା ଏନ୍ଏଜାଦାସିନ୍ ହଇରାଣ କାମାଲି । ତାନ୍ ହଇରାଣ କାମନା ବାକେ ଏଜାଦା ସିନ୍ ତାଲି କାଚଳା ତିଆଲୀ । ଏଜାଦାସେ ମୁହିଁକି ତୁଫାଲୋ ଉରଖାଲି ଆଉ ପାଲୁବନ୍ ପାରମା ତିଆଲି ଆଉ ହାୟା କାଲି, ଏନ୍ ନିହେ ତେଲା କୁଠିଆରିନ୍ ହୁ ଦୁଷ୍ଟ ଆତ୍ମାବନ୍ ବାହାରି ଅଥରା ତିଆଗେ ଅନୁରୋଧ କାମ୍କାଟିକାନ୍ ହେଲେ ତାମ୍ ତାଜାନ୍ ବାହାରି ଅଥରା ପଲିଆର ।”

୧୯ଯୀଶୁ ଉତ୍ତର ତିତାସ୍, “ନିମ୍ ଗୁଠିଆର ଏକେଗେ ବିଶ୍ୱାସ କାମାଗେ ମାଲ୍ଲା ? ନିଆଁ କାଲ୍ ଏନ୍ ନିହେ ସାଜେ ରନ୍ ? ନିଅଁ କାଲ୍ ଏନ୍ ନିହେ ଗୁଠିଆରେ ସବୁ ସାହାବେଦନ ? ହୁ କୁଞ୍ଜସି ଏହେଁ ପାଖୁଗେ ଅନ୍ଦରା ।”

୨୦ହେଲେ ତେଲାଗୁଠିଆର କୁଞ୍ଜସିନ୍ ଯୀଶୁସେ ପାଖୁଗେ ଅନ୍ଦରା । ଦୁଷ୍ଟଆତ୍ମା ଯୀଶୁସିନ୍ ଏରିଆ ବାକେ କୁଞ୍ଜସିନ୍ ହଇରାଣ କାମ୍ତା । ହେଲେ ହୁ କୁଞ୍ଜସ୍ ତାଲି ଖାତ୍ରାସା ଗରୁଗଲରାସ୍ କେରାସ୍ । ତାହେଁ ମୁହିଁକି ତୁଫାଲ ବଚେ ଉର୍ଖିଆ ।

୨୧ଯୀଶୁ କୁଞ୍ଜସେ ବୁଆସିନ୍ ମେହାସ୍, “ନିଅଁ ଉଲ୍ଲା ମାହାଦି କୁଞ୍ଜସେ ଏହେଁଦି ମାନାଲୀ ?” ତାମ୍ବାସ୍ ତେଜିଆସ୍, “କୁଞ୍ଜସ୍ ଉଲ୍ଲାକି ଏହେଁଦି ମାନାଦାସ୍ ।” ୨୨ଦୁଷ୍ଟଆତ୍ମା ତାଜା ପିତାଗେ, ନିଅଁ ବାକେ ବାକେ ଆମ୍ନୁ ଆଉ ନିଆଁ ବାକେ ତୁତୁ ଉଲ୍ଲାଗେ ଖେବ୍ଲା ଚାଲି । ନିମ୍ ଯଦି ତାହେଁ ଲାଗାନ୍ କିଛି କାମାଆଜାର, ହେଲେ ଏହେଁ ଲାଗି ଦୟାମାନ ଆଉ ଏମା ସାହାୟ୍ୟ ମାନ ।

୨୩ ଯୀଶୁ ତେଜିଆସ, “ନିମ୍ ତେଜାର୍, ନିମ୍ ଯଦି ଆଜର୍ ହେଲେ ସାହାର୍ଯ୍ୟ ମାନ । ବିଶ୍ୱାସୀ ଆଲାରେ ସବୁକିଛି ସମ୍ଭବ ।”

୨୪ କୁଙ୍କସେ ତାମ୍ବାସ୍ କହା ପାଟିନ୍ତୁ ତେଜିଆସ୍, “ଏନ୍ ବିଶ୍ୱାସ କାମାଦାନ୍, ଏଜା ବାଗେ ବିଶ୍ୱାସ କାମାଗେ ସାହାର୍ଯ୍ୟ କାମା ।”

୨୫ ଯୀଶୁ ଏରିଆସ୍ ଯେ ଇ ଘଟଣା ଏରାଗେ ଲାଗି ଅଲାର୍ ତାଘେ ପାଖ୍ରେ ମାଳାବାରାନାର୍ । ହେଲେ ତାନ୍ ଅଶୁଚି ଆତ୍ମାନ୍ ଧମକ ଚିତାଷା ତେଜିଆସ୍, “ହେ ଦୁଷ୍ଟାଆତ୍ମା ନିନ୍ କୁକସୀନ୍ କାଲା ଆଉ ଭାଇରା କାମିଚିକିଦିନ୍ । ଏନ୍ ନିଜା ଆଦେଶ ଚିଆଦାନ୍, କୁଙ୍କସେ ମେଦୁକ୍ତି ଉର୍ଖୁକାଲ୍ । ଇସେ ମେଦୁନ୍ତୁ ଆଉ ଏକ୍ଲାଭି ଆମକେରା ।”

୨୬ ଅଶୁଚି ଆତ୍ମା ନୁଞ୍ଜନାନ୍ତୁ ପାଟିକାମ୍ତା । କୁଙ୍କସିନ୍ ଧରେ ତାଳି ହେବିଲିଆତା । ଆଉ ଧରେ କୁଙ୍କସିନ୍ ତାଳି କାରିଆତା ଅଶୁଚି ଆତ୍ମା ତାଘେ ମେଦୁକ୍ତି ବାହାରି ଉରଖୁଆ ବାରତା । ଇ’ କୁଙ୍କସ୍ ଖ୍ମନାକାମା ଲେଖା ଏଥ୍ରେଲିଆସ୍ । ନିଅଁ ଆଲାର୍ ତେଜିଆର୍, “ତାନ୍ କେତାସ୍ କେରକାଦାସି ।” ୨୭ ହେଲେ ଯୀଶୁ କୁଙ୍କସେ ହେଖା ଧାରତାଷା ଚଦିଆସା ଇଲ୍ ତିଆସ୍ । ହୁ କୁଙ୍କସ୍ ଇଜାସ୍ ।

୨୮ ତାଘେ ପାଛଲି ଯୀଶୁ ଆଜ୍ଞାଭଲା କେରାସ୍ । ଖାଲୀ ତାଘେ ଚେଲା ଗୁଠିଆର୍ ତାଘେ ସାଜେ ହୁସାନ୍ ରାତାର । ତାମ୍ ତାମାନ୍ ମେଞ୍ଚାର୍, “ଏନ୍ ଦୁଷ୍ଟାଆତ୍ମାନ୍ ଏଦେଗେ ବାହାର୍ କାମା ପଲ୍ଲକାମ୍ ?” ୨୯ ଇବ ମେଞ୍ଚାସା ଯୀଶୁ ତାମାନ୍ ତେଜିଆସ୍, “ଇ’ ପର୍କାର୍ ଅଶୁଚିଆତ୍ମାନ୍ ଖାଲି ପ୍ରାର୍ଥନା ମଧ୍ୟନ୍ତୁ ବାହାରିକାମା ଖାତର୍ ।”

### ନିଜର ଖ୍ମନା ସମନ୍ତନ୍ତୁ ଯୀଶୁସେ କାଥା

୩୦ ତାଘେ ପାଛଲି ଯୀଶୁ ଆଉ ତାଜେ ଚେଲାଗୁଠିଆର୍ ହୁଜାଗା ଆସିଆରା ଭୁଜାର୍ କେରାସ୍ । ତାମ୍ ଗାଲିଲୀ ଚିତାରା କାଲିଆର୍ । ତାମ୍ ଏକାସାନ୍ ଅତନାର୍ ହୁବ ଆଲାର୍ ମାଲ୍ଲି ଆହାନାର ବୋଲି ଯୀଶୁ ମାଲ୍ଲା ଚାହୁଁସା । ୩୧ ହେଲେ ତାନ୍ ନିଜର୍ ଚେଲାଗୁଠିଆରିନ୍ ଅଥାରି ଅଲ୍ଗା ଉପଦେଶ ଚିଆଗେ ଚାହାଁଲିଆସ୍ । ତାନ୍ ତାମାନ୍ ତେଜିଆସ୍, “ଆଲୁ ହାଦୁସିନ୍ ଆଲାରଗେ ହେଖାନ୍ତୁ ସରର୍ପିରା ଚିଅର । ତାମ୍ ତାଜାନ୍ ପିଚର୍ । ହେଲେ କେରକାଭଲା ତିନିଦିନ୍ ପାଛଲି ତାନ୍ତୁ ଆଉଧରେ କେଚକାତିନ୍ ଉସ୍କାରସ୍ ।” ୩୨ ଯୀଶୁସେ ଇକଥା ତେଜିନା ଅଥ ଚେଲାଗୁଠିଆର୍ ବୁଝୁରା ପଲ୍ଲିଆର୍ । ତାମ୍ ତାଘେ ଇଦ୍ ଗେ ଅର୍ଥ ମେନାଗେ ଲାଗିନ୍ ଏଲ୍ଚିଆର୍ ।

### ଯୀଶୁ ତେଜଦାସ୍ ସବୁଠିନ୍ କହା ନେରୁ

୩୩ ଯୀଶୁ ଆଉ ତାଙ୍ଗେ ଚେଲାଗୁଠିଆର୍ କଫନାଦୁସରେ ବାରତାର । ତାମ୍ ଅଣ୍ଟା ଆନ୍ତା ଉଲାଗେ କେରାର୍ । ତାଙ୍ଗେ ପାଛଲି ଯୀଶୁ ଚେଲାଗୁଠିଆରିନ୍ ମେଞ୍ଚାର୍, “ଇନା ପାରୁନ୍ ବାରନାବାକେ ଏକା ବିଷୟଲାଗି ନିମ୍ ଯୁକ୍ତି ଡର୍କ କାମାଲକାର ?” ୩୪ ହେଲେ ଚେଲାଗୁଠିଆର୍ ତୁପତାପ ରାତାର । ହେଲେ ତାମ୍‌ଗୁଠିଆର୍ ଯୁକ୍ତିଡର୍କ ମାନାଲିଆର୍ ଯେ ତାମ୍ରେ ଉଲଟି ନେର କହା ?

୩୫ ଯୀଶୁ ଅକ୍ତିଆସା ଆଉ ବାରଜଣ୍ ପ୍ରେରିତରିନ୍ ପାଖୁରେ ମେହିୟାର୍ । ଯୀଶୁ ତେଜିଆସ୍, “ଯଦି ନେର ସବୁରକ୍ତି କହା ମାନାଗେ ତାହାନ୍‌ର ହେଲେ ତାନ୍ ଅଲଗା ସବୁରକ୍ତି ଆଉ ତାଙ୍ଗେ ନିଜର ଅପେକ୍ଷା କହା ଭାବନାସ୍, ଆଉ ସବୁରେ ସେବା କାମ୍ ।”

୩୬ ତାଙ୍ଗେ ପାଛଲି ଯୀଶୁ ଅଣ୍ଟା କାଟି କୁଙ୍କସିନ୍ ଅତାଷା ତାମ୍ରେ ଆଘଲିକାଲେ ଲଲଟିଆର୍ । ହୁ କୁଙ୍କସିନ୍ କଲୁରେ ଅତାଷା ତେଜିଆସ୍ । ୩୭ “ଏଙ୍ଗେ ନାମେନ୍ତୁ ଏକା ଆଲାସ୍ ଅଣ୍ଟା କୁଙ୍କସିନ୍ ଏହେଦି ଗ୍ରହଣ କାମ୍‌ଦାସ୍, ତାନ୍ ଏଙ୍ଗା ଗ୍ରହଣ କାମ୍‌ଦାସ୍ । ଏକା ଆଲାସ୍ ଏଙ୍ଗା ଗ୍ରହଣ କାମ୍‌ଦାସ୍, ଆଉ ମାଲ୍ । ହେଲେ ତାନ୍ ଏଙ୍ଗେ ପ୍ରେରଣ୍ କର୍ତ୍ତାସିନ୍ ଭି ଗ୍ରହଣ କାମ୍‌ଦାସ୍ ।”

### ନାମାନ୍ ବିରଥ ମାଲ୍ କାମନା ଆଲୁ ନାମ୍ରେ ନିଜର ଆଲୁ

୩୮ ଯୋହନ ଯୀଶୁସାନ୍ ତେଜିଆସ୍, “ହେ ଗୁରୁ ନିମ୍ରେ ନାମେ ହୁଆୟା ଆଲାରେ ମେଦୁକ୍ତି ଦୁଷ୍ଟାଆତ୍ମା ବାହାରକାମନା ଅଣ୍ଟା ଆଲାସା ଏମ୍ ଏର୍କାମ୍ । ଏମ୍ ତାଙ୍ଗା ମାନା କାମ୍‌କାମ୍, ହେଲେ ତାନ୍ ନାମ୍ରେ ଆଲାସ୍ ମାଲିଆସ୍ ।”

୩୯ ହେଲେ ଯୀଶୁ ତେଜିଆସ୍, “ତାଙ୍ଗା ମାନା ଆମା କାମା ହେଲେ ଏକାଆଲାସ୍ ଏଙ୍ଗେ ନାମେନ୍ତୁ ଶକ୍ତିତା ନାଲଖୁ କାମା ଆଙ୍ଗାଦାସ୍, ତାନ୍ ଏଙ୍ଗେ ନାମେନ୍ତୁ ଆଉ ଖରାପ୍ କାଥା ତେଜା ପଲ୍‌ସ୍ ।” ୪୦ ଏକା ଆଲାସ୍ ନାମ୍ରେ ବିରୋଧ ମାଲ୍‌କାମାଗେ, ତାନ୍ ନାମ୍ରେ ପାଖୁରେ ଆଲାସ୍ । ୪୧ ଏନ୍ ନିମା ସତୁ ତେଜା ଦାନ୍, ନିମ୍‌ଗୁଠିଆର୍ ଖ୍ରୀଷ୍ଟସେ ଆଲୁ ବୋଲି ଯଦି ନେରୁ ଅଣ୍ଟା ଗିନା ଆଣ୍ଟୁ ହାପାଗେ ଚିତାଷ୍ ହେଲେ ତାଙ୍ଗା ଇଦରେ ଲାଗି ନିଶ୍ଚୟ ପୁରସ୍କାର ହାଖର୍ ।

### ଯୀଶୁ ପାପୋଗେ କାରଣ ବିଷୟନ୍ତୁ ସତର୍କ କାମ୍‌ତାଷ୍ ।

୪୨ ଯଦି ଇଆଲାସ୍ ଛିଟେ ଆବୋଧ କୁଙ୍କରେ ମାଝାନ୍ତୁ ଏଙ୍ଗାନେରୁ ବିଶ୍ୱାସ କାମାନାର ହେଲେ ଆଉ ଅଣ୍ଟା ଆଲୁ ହୁ କୁଙ୍କନ୍ ପାପ ନାଲଖୁନ୍ତୁ ମୋହ କାମ୍‌ଦାସ୍ । ହେଲେ ହୁ

ଆଲାସେ ଇବ ବାଗେ ଖାରାପମାନ । ହୁ ଆଲାସେ ହୁଣ୍ଡୁ ଚକିଚାଚା ଚାଙ୍ଗାୟା ତାଙ୍ଗା  
ସମୁଦ୍ରକୁ ହେବଲ୍ଲନା ଚିନା ତାଙ୍ଗାଲଗି ଭଲ୍ଲମାନୁ ।

୪୩ଯଦି ନିମ୍ନେ ହେଖା ନିମା ପାପ କାମତି, ହେଲେ ତାଙ୍ଗା ମୁରୁକା ଚା । କାରଣ  
ଜୁଲେ ଦେଖା ରାନା ଅନନ୍ତ କାଲ୍ ଲାୟା ବେଦନା ନର୍କତା ତୁତୁ ଭଲା ନିମାନ୍ ଖେବୁନା  
ଚିନା ଅପେକ୍ଷା ହେଲେ ନିମ୍ ପଙ୍ଗୁ ମାନାୟା ଅନନ୍ତ ଜିଆ ଲାଭକାମ୍ନା ଭଲମାନ । ୪୪<sup>12</sup>  
୪୫ଯଦି ନିମ୍ନେ ପାଦୁ ନିମା ପାପ କାମତି, ହେଲେ ତାଙ୍ଗା ମୁରୁକାଚା । ଜୁଲେ ପାଦୁ ରାନା  
ଆଉ ନର୍କନ୍ତୁ ନିମା ଖେବୁଲ୍ଲନା ଚିନା ଅପେକ୍ଷା, ହୁଟା ମାମାୟା ଅନନ୍ତ ଜିଆ ଲାଭ କାମନା  
ଭଲ୍ଲମାନ । ୪୬<sup>13</sup> ୪୭ଯଦି ନିମ୍ନେ ହାନ୍ତୁ ନିମା ପାପ କାମତି, ହେଲେ ତାଙ୍ଗା ଚାଳାଚା  
ଜୁଲେ ହାନ୍ତୁ ରାୟା ନର୍କନ୍ତୁ ଖେବୁଲ୍ଲନା ଚିନା ଅପେକ୍ଷା ହେଲେ ଅଣ୍ଟା ହାନ୍ତୁତି ଅନନ୍ତ  
ଜିଆ ଲାଭ କାମ୍ନା ଭଲ୍ । ୪୮ଆଲାରିନ୍ ମହାଗେ ପକୁଗୁଠି ଏକ୍ଲାଭି ମାହିଞ୍ଜକା ନର୍କତା  
ତୁତୁ ଏକ୍ଲାଭି ମାହିଁ ଲିଭରି ।

୪୯“ତୁତୁନୁ ସବୁ ଆଲାରିନ୍ ଦଣ୍ଡ ତିଆଖାତର୍ ।”

୫୦“ବେକୁ ଭଲ ଜିନିଷ, ହେଲେ ବେକୁ ଯଦି ତାଘେ ଲୁଣିଆ ଗୁଣ୍ଡବ ହାରାବାଗେ ଅଙ୍କି,  
ତାଙ୍ଗା ଆଉ ଅରେ ଏମକେ ଲୁଣିଆ କାମର୍ ? ହେଲେ ନିମ୍ ଭଲ୍ ଗୁଣ୍ଡୁ ପରିପୂର୍ଣ୍ଣ ମାନା  
ସବୁର୍ ମେସ୍ରାୟା ଶାନ୍ତିନୁରା ।”

### ବେଞ୍ଜା-ହଚରନା ସମ୍ପର୍କନ୍ତୁ ଯୀଶୁ ସେ ଶିକ୍ଷା

୧୦

୧ ତା'ପରେ ଯୀଶୁ ହୁ ଯାଗା ବିଧିରାଚାଷ୍ । ତାନ୍ ଯିହୁଦା ଅଳତା ଯର୍ଦ୍ଦନ  
ନଦୀମିତା ପାଖ୍ରେ କେରାସ୍ । ହେଲେ ବାଗେ ଆଲ ହୁ ଜାଗାନୁ ଜାମା

ମାଆରୁ କେରାର୍ । ସବୁ ସମୟତା ଲେଖା ଯୀଶୁ ଆଲାରିନ୍ ଶିକ୍ଷା ଚିତାଷ୍ ।

୨ ନିଅଁ ଫାରୁସି ଗୁଠିଆର୍ ଯୀଶୁ ସେ ପାଖ୍ରେ କେରାର୍ । ତାମ୍ ଯୀଶୁସିନ୍ ଭୁଲ୍  
ଧାରାଗେ କେରାର୍ । ତାମ୍ ଯୀଶୁସିନ୍ ପରିକ୍ଷା କାମାଗେ ଲାଗି ତାଙ୍ଗାନ୍ ମେଆର୍, “  
ଅଣ୍ଟା ଆଲସେ ତାଘେ ମୁକ୍ତାନ୍ ଛାଲ୍ପତର୍ ଚିକା ଆଇନ୍ ତା ନାଲ୍ଖୁ ମାନକା ?”

୩ ଯୀଶୁ ତେଜିଆସ୍, “ମୋଶା ନିମାନ୍ ଏହେ ଆଦେଶ୍ ଚିରକାବାସ୍ ?”

<sup>12</sup> ୯:୪୪ ପଦସଂଖ୍ୟା ୪୪ ମାର୍ଚ୍ଚସେ ନିଅଁ ଗ୍ରିକ୍ ଚିଠିନୁ ଯୋକା ଖାତରିକିଚି । ଇ ପଦବ ପଦ ସଂଖ୍ୟା  
୪୮ ସାଙ୍ଗରେ ସମାନ ।

<sup>13</sup> ୯:୪୬ ପଦସଂଖ୍ୟା ୪୬ ମାର୍ଚ୍ଚସେ ନିଅଁ ଗ୍ରିକ୍ ଚିଠିନୁ ଯୋକା ଖାତରିକିଚି । ଇ ପଦବ ପଦ ସଂଖ୍ୟା  
୪୮ ସାଙ୍ଗରେ ସମାନ ।

୪ତମ୍ ତେଜିଆର୍, “ଅଣ୍ଡା ଆଣ୍ଡପସ୍ ଛାଳପତର ଲାଗି ପରମାଣ୍ଡପତର ଲେଖତସ୍ ତା’ପରେ ନିଜର ମୁକ୍ତାନ୍ ଆମ୍ବାଆଜସ୍ ବୋଲି ମୋଶା ତେଜାତାସ୍ ।”

୫ଯୀଶୁ ତାମାନ୍ ତେଜିଆସ୍, “ମୋଶା ନିମ୍ନେ ଲାଗାନ୍ ଇ ଆଦେଶ୍ ଲେଖ କାତାଷ୍, ହେଲେ ନିମ୍ ପରମେଶ୍ୱରସେ ଆଦେଶ୍ ବୋ ମାନାଗେ ମାନା କାମତାକାର୍ । ୬ହେଲେ ପରମେଶ୍ୱର ଏକାବାକେ ଜଗତ୍‌ବ ସୃଷ୍ଟି କାମତାଷ୍, ତାନ୍ ଆଲାରିନ୍ ଆଣ୍ଡପା ଆଉ ମୁକ୍ତା କାମତାଷା ସୃଷ୍ଟି କାମତାଷା । ୭ହେଲେ ଅଣ୍ଡା ଆଣ୍ଡପସ୍ ନିଜର ବୁଆ-ମା’ରିନ୍ ଆମ୍ବସା ନିଜର ମୁକ୍ତାଗେ ମେସ୍ତସ୍ । ୮ଆଉ ତାମ୍ ଅଣ୍ଡାମାନକର୍ । ହେଲେ ତାମ୍ ଦୁଇଲକ୍ ମାଲିଆର୍ ବଂର ଅଣ୍ଡାମାନକର୍ । ୯ପରମେଶ୍ୱର ଯଦି ଇ ଦୁଇଲୋକ ଆଲାରିନ୍ ଅଣ୍ଡାନ୍ କାମକାନାର୍, ତାମାନ୍ ଏକା ଆଲାସ୍ ଭି ଅଲଗା କାମନା ଠିକ୍ ମାଲି ।”

୧୦ତାଦେ ପାଛଲି ଯୀଶୁ ଆଉ ଚେଲାଗୁଠିଆର୍ ଆଜ୍ଞାଗେ କିର୍ନାବାକେ ଚେଲାଗୁଠିଆର୍ ଯୀଶୁସିନ୍ ଆଉଥରେ ଛାଳପତର ବିଷୟନ୍ ମେସ୍ତା ।

୧୧ଯୀଶୁ ତେଜାଆସ୍, “ଏକା ଆମ୍‌ପଶ୍ ନିଜର ମୁକ୍ତାନ୍ ଛାଳପତର ଚିନ୍ତାୟା ଅଲ୍‌ଗା ମୁକ୍ତାଅଣ୍ଡା ବେଞ୍ଜରାଦାସ୍ । ହୁ ଆଣ୍ଡପଶ୍ ତାଦେ ମୁକ୍ତା ପ୍ରତି ପାପକାମ୍ବା ଯୋଗୁ ଦୁସି ମାନ୍ଦାସ୍ । ତାନ୍ ବ୍ୟଭିତାର ପାପଲାଗି ଦୁସି ମାନ୍ଦାସ୍ । ୧୨ଆଉ ଯଦି ଅଣ୍ଡା ମୁକ୍ତା ନିଜର ମେତାସିନ୍ ଛାଳପତର ଚିଦା ଅଲ୍‌ଗା ଅଣ୍ଡା ମେତାସିନ୍ ବେଞ୍ଜରି ହେଲେ ତାନ୍‌ଭି ବ୍ୟଭିତାର ପାପନ୍ ଦୁସିମାନି ।

### ହାଦାରିନ୍ ଯୀଶୁ ଗ୍ରହଣ କାମତାଷ

୧୩ଆଉ ଆଲାର୍ ଯୀଶୁସେ ପାଖ୍‌ଗେ ତାମ୍ନେ ଛଟେ ଛଟେ ହାଦାରିନ୍ ଅନ୍ଦରାର୍ ଏହେଦି ଯୀଶୁ ହାଦାରାନ୍ ଏସ୍‌ରସା ଆଶିବାଦ କାମସ୍ । ହେଲେ ଯୀଶୁସେ ଚେଲାଗୁଠିଆର୍ ଆଲାରିନ୍ ବାରଣ କାମତାର ଯେ ତାମ୍ ତାମ୍ନେ ହାଦୁବଚରିନ୍ ଯୀଶୁସେ ପାଖ୍‌ଗେ ମାଲି ଅନ୍ଦରାର୍ । ୧୪ଇବ ଏରିଆସା ଯୀଶୁ ବାଗେ ରାଗିଆରା କେରାର୍ । ଯୀଶୁ ଚେଲାଗୁଠିଆରିନ୍ ତେଜିଆସ୍, “କାଟେ କାଟେ ହାଦାର୍ ଏଦେ ପାଖ୍‌ଗେ ବାରନାର୍ । ତାମାନ୍ ମାନା ଆମା କାମା ହେଲେ ପରମେଶ୍ୱରସେ ରାଜି ଇ ହାଦାରେ ଲେଖା ସରଳ ଆଲାଗେ ଲାଗିନ୍ । ୧୫ଏନ୍ ନିମାନ୍ ସତ୍ତୁ ତେଜାଦାନ୍ ଅଣ୍ଡା କାଟି ହାଦୁସ୍ ସରଳ୍ ମନ୍ନୁ ସବୁ ବିଷୟ ଗ୍ରହଣ କାମ୍ବା ଲେଖା ନିମ୍ ଗୁଠିଆର୍ ପରମେଶ୍ୱରସେ ରାଜି ଗ୍ରହଣ କାମନା ଉଚିତ ମାଲି ହେଲେ ନିମ୍ ହୁସାନ୍ ଏକ୍ଲୁଭି ପବେଶ କାମା ପଲାର ।” ୧୬ତାଦେ ପାଛଲି ଯୀଶୁ ହାଦାରିନ୍ କଲୁଗେ ଚେକ୍‌ତାଷ୍ ଅତାଷ୍ । ତାନ୍ ତାଦେ ମିଆଁ ଦେଖା ଇନ୍ଦାସା ଆଶିବାଦ କାମତାଷ ।

ଯୀଶୁସିନ୍ ଅନୁଶରଣ କାମନା ଅଣ୍ଟା ଧନୀ ଆଲାସେ ଅସ୍ତ୍ରୀକାର୍

୧୭ ଯୀଶୁ କାନା ସମୟନ୍ ଅଣ୍ଟା ଆଲାସ୍ କୁଧୁଆରା କୁଧୁଆରା ବାରତାଷ୍, ଆଉ ଯୀଶୁସେ ଆଇଲିକାଳେ ଆଣ୍ଟୁ ମାରାତାଷ୍ଟା ଖାତ୍ରାସ୍ । ତାନ୍ ମେଞ୍ଚାସ୍, “ହେ ଭଲ ଗୁରୁ ଅନନ୍ତ ଜୀଆତା ଅଧୁକାରୀ ମାନାଗେ ଏନ୍ ଏନ୍ଦେକାମନ୍ ?”

୧୮ ଯୀଶୁ ଉତ୍ତର ଚିତାଷ୍, “ନିମ୍ ଏଜା ଏନ୍ଦେଗେ ଭଲ୍ ବୋଲି ତେଜୀଦାର୍ ?” ଖାଲି ପରମେଶ୍ୱରସେ ଛଳା ନେଧୁଡି ଭଲ୍ ମାଲ୍ଲାରି । ୧୯ ହେଲେ ନିମ୍ରେ ପ୍ରଶ୍ନତା ଉତ୍ତର ଚିଆଦାନ୍ । ନିମ୍ ଆଦେଶ୍ ଗୁଠି ଆକାଦାର୍, ଆମାପିଟା, ବ୍ୟଭିଚାର ଆମାକାମା, ଆମାଭାନ୍ତା, ମିଛନ୍ ସାକ୍ଷୀ ଆମାଚିଆ, ଆମାଠାକା ନିଜର ବୁଆମାରିନ୍ ଆଦର କାମା ।”

୨୦ ହୁ ଆଲାସ୍ ତେଜୀଆସ୍ ଯୀଶୁ, “ଗୁରୁ, ଏନ୍ ଇବ୍ଲାସବୁ କାଚିଡି ମାଳାୟା ବାରାଦାନ୍ ।”

୨୧ ଯୀଶୁ ତାଜା ଏରିଆସ୍ ଆଉ ସ୍ନେହ କାମ୍ତାଷ୍ । ତାନ୍ ତାଜା ତେଜୀଆସ୍, “ନିମ୍ରେ ଆକ୍ସନ୍ତି ଅଣ୍ଟାକାମାଗେ ଅଭାବ ଆତଲ୍ । ନିମ୍ କାଲା ଯାହାକିଛି ନିମ୍ରେ ପାଖୁନ୍ ଆତଲି ହୁବ ସବୁ ବିସାୟା ଗରିବଗୁଠିଆରେ ହାତାତା । ସ୍ୱର୍ଗନ୍ ନିଜାଧନ ହାଖର । ତଦେ ପାଛଲି ବାରା ଏଦେ ଅନୁଶରଣ କାମା ।”

୨୨ ଯୀଶୁସେ କାଥା ମେଞ୍ଚାସା ଆଲାସେ ମନବୋ ଦୁଃଖ୍ ମାଞ୍ଚାକେରା । ତାନ୍ ମନ୍ ଦୁଃଖନ୍ କିରିଆସ୍ ବାଟାଷ୍ । ତାନ୍ ବାଗେ ଧନୀରାତାଷ୍ ଆଉ ଧନ ତାଦେ ପାଖୁନ୍ ଇୟାଗେ ଚାହାଲିଆସ୍ ।

୨୩ ଯୀଶୁ ଚାରି ପାଖୁତାରା ଏରିଆସା ତେଲାଗୁଠିଆରିନ୍ ତେଜୀଆସ୍, “ଧନୀ ଆଲାସ୍ ପରମେଶ୍ୱରସେ ରାଜିନ୍ କରାଗେ ବାଗେ କଷ୍ଟକର ବିଷୟ ।”

୨୪ ଯୀଶୁସେ କାଥା ମେଞ୍ଚାରା ତେଲାଗୁଠିଆର୍ ଆଶ୍ଚର୍ଯ୍ୟ ଆଉ ଚକିତ୍ ମାଞ୍ଚାର କେରାର୍, ହେଲେ ତାମାନ୍ ଆଉଥରେ ତେଜୀଆସ୍, “ହେ ଏଦେ ହାଦୁଗୁଠିଆର, ପରମେଶ୍ୱର ରାଜିନ୍ କରାଗେ ପ୍ରକୃତନ୍ ନିଅ କଠିନ୍ । ୨୫ ଅଣ୍ଟା ଧନୀ ଆଲାସ୍ ପରମେଶ୍ୱରସେ ରାଜିନ୍ କର୍ନା ଅପେକ୍ଷା, ଅଣ୍ଟା ଓଟ ଅଣ୍ଟା ଛୁଞ୍ଚୀନ୍ ତୁର୍ଦାଗେ ସହଜ ?”

୨୬ ତାମ୍ ଆହାରୀ ଚକିତ୍ ମାଞ୍ଚାର୍ କେରାର୍ । ତାମ୍ ନିଜର୍ ନିଜର୍ ଭଲା ତେଜୀତେଜି ମାଞ୍ଚାର୍ ହେଲେ ନେର୍ ଉଦ୍ଧାର ହାଖର୍କାର୍ ।

୨୭ ଯୀଶୁ ତାମାନ୍ ଏରୀଆସା ତେଜୀଆସ୍, “ଇବ ଆଲାଗେ ଲାଗି ଅସମ୍ଭବ । ହେଲେ ପରମେଶ୍ୱରସେ ଲାଗିମାଲ୍ । ପରମେଶ୍ୱର ସବୁକିଛି କାମା ଆଜର୍ ।”

୨୮ ପିତର ଯୀଶୁସିନ୍ ତେଜୀଆସ୍, “ନିମାନ୍ ଅନୁଶରଣ କାମାଗେ ଏମ୍ ସବୁକିଛି ଆମ୍ବକାମ୍ ଚିକାମ୍ ।”

୨୯ ଯୀଶୁ ତେଜିଆସ୍, “ଏନ୍ ନିମା ସତୁ ତେଜାଦାନ୍, ନେର ଏଢେ ଲାଗାନ୍ ସୁସମାଚାର ଲାଗି ଆଜ୍ଞାପାଲ1, ଭାଇ-ଭଉଣୀ1, ହାଦୁ ବଚ, ବୁଆ-ମା’ ଆଉ ହାଲୁଗୁଠି ଆମ୍ବା ଆଜ୍ଞାଦାସ୍ । ୩୦ ତାନ୍ ନିଶ୍ଚୟ ନିଜର୍ ହୁ ବିଧିକାଟିକା ବସ୍ତୁଟି ଶହେଗୁଣ୍ ବାଗ୍ରେ ଇହକାଳନ୍ ହାଖାଆଜର୍ । ତାନ୍ ବାଗେ ଆଜ୍ଞାପାଲି, ଭାଇ-ଭଉଣୀ1, ମା, ହାଦୁ ବଚ ଆଉ ହାଲୁଗୁଠି ହାଖ ଆଉ ନିର୍ଯ୍ୟାତନା ସାଜେ ତାନ୍ ଇ ସବୁ ଜିନିଷ ହାଖ କିନ୍ତୁ ଆଘାଲି କାଳନ୍ ତାନ୍ ଅନନ୍ତ ଜିଆ ଲାଭକାମ । ୩୧ ଅକ୍ତୁନ୍ ଏକା ଆଲାର୍ ପହିଲା ଜାଗାନ୍ ଆତନାର, ତାମ୍ ଭବିଷ୍ୟତନ୍ ଶେଷ୍ ଜାଗାଗେ ଭୁଜର୍ କର, ଆଉ ଆକ୍ତୁନ୍ ନେର ଶେଷ୍ ଜାଗାନ୍ ଆତନାର୍, ତାମ୍ ଭବିଷ୍ୟତନ୍ ପହିଲି ଯାଗାଗେ ଭୁଜର୍ କର ।”

### ଯୀଶୁ ତାଢେ ଖୁନା ବିଷୟନ୍ ଆଉଥରେ ତେଜାଦାସ୍

୩୨ ଯୀଶୁ ଆଉ ତାଢେ ସାଜେ ଆଲାର୍ ଯିରୁଶାଲମ୍ ଚାଲିଆର୍ । ଯୀଶୁ ତାମ୍ ଆଘି ଆଘି କାଲିଆସ୍ । ତାଢେ ତେଲାଗୁଠିଆର୍ ଚକିର୍ ମାଞ୍ଚାର କେରାର୍ । ହେଲେ ତାଜା ଅନୁଶରଣ କାମକା ଆଲାର ଆଉ ବାରନା ଆଲାର୍ ଏଲ୍ ଚିଆର୍ କେରାର୍ । ଯୀଶୁ ତାଢେ ବାରଜଣ ପ୍ରେରିତରାନ୍ ଅଲଗା ମେହିୟାସା ଯିରୁଶାଲମ୍ ଯାହା ଘଟକିଟା, ହୁ ବିଷୟନ୍ ତେଜାଗେ ଲାଗିଆସ୍ । ୩୩ ଯୀଶୁ ତେଜିଆସ୍, “ମେନା, ଏମ୍ ଯିରୁଶାଲମ୍ କାଦାମ୍ । ଆଲୁହାଦୁସିନ୍ କହା ଯାଜକ ଆଉ ଧାର୍ମେ ଗୁରୁଗୁଠିଆର୍ ହେଖାନ୍ ତିଆ ଖାତର୍ ଆଉ ତାମ୍ ତାଜା ଖୁନା ଦଣ୍ଡିଆଗେ ଲାଗିନ୍ ଅଣୟିହୁଦି ଗୁଠିଆରିନ୍ ସର୍ପରା ଚିଅର୍ । ୩୪ ତାମ୍ ତାଜା ଉପାସ୍ କାମର୍ ଆଉ ତାଢେ ମିଆଁ ତୁଫାଲ୍ ହେବଲର୍ । ତାଜାନ୍ କୋରତାନ୍ ତେମର୍ ଆଉ ଶେଷ୍ ପିଚର୍ଟର୍ । ହେଲେ ଖୁନାଭଲତି ମୁଖା ଉଲ୍ଲାନୁ ତାନ୍ ଆଉଥରେ ଉସୁକାରସ୍ ।”

### ଯାକ୍ତୁବ ଆଉ ଯୋହନସେ ଅନୁଗ୍ରହତା ଅନୁରୋଧ

୩୫ ଜେବଦାଗେ ତାଜାଦାସ୍ ଯାକ୍ତୁବ ଆଉ ଯୋହନ ଯୀଶୁସେ ପାଖୁଗେ ବାରତାଷା ତେଜିଆସ୍, “ହେ ଗୁରୁ ନିମ୍ ଏମ୍ ଲାଗାନ୍ କିଛି କାମା ବୋଲି ଏମ୍ ଚାହାଁ ଦାମ୍ ।”

୩୬ ଯୀଶୁ ମେଞ୍ଚାସ୍, “ନିମ୍ ଏଢେ ସ୍ତ୍ରିନ୍ ଏଢେ ହାଖାଗେ ଚାହାଁଦାର୍ ?”

୩୭ ତାମ୍ ତେଜିଆର୍, “ନିମ୍ ରାଜିନ୍ ନିମ୍ ମହିମା ହାଖ ନାବାକେ ଏମ୍ ତିନ୍ ଅର୍ତ୍ତୁ ନିମ୍ ତେବା କାଳତି ଆଉ ଅରତୁ ନିମ୍ ବାମ୍ ତାରତି ଅଙ୍କାଗେ ଏମା ଅଧିକାର ତିଆ ।”

୩୮ ଯୀଶୁ ତେଜିଆସ୍, “ନିମ୍ ଏଢେ ନିଆଁଦାର୍, ହୁବ ନିମ୍ ଆହା ପଲ୍ଲାଦାର୍ । ଏନ୍ ଏକା ଯାତନା ସାହକ, ନିମ୍ ଭି ଏଢେ ହୁ ହାଦି ଯାତନା ସାହାଆଜର୍ ? ଏମ୍ ଯେତି ବାସ୍ତିଜିତ ମାଞ୍ଚକାନ୍, ନିମ୍ ଏଢେ ବାସ୍ତିଜିତ ମାନା ଆଜର୍ ?”



୩୯ତାମ୍ ତାଜା ତେଜିଆର୍, “ହଁ ଏମ୍ ଆଜମ୍ । ତାଘେ ପାଛଲି ଯାଶୁ ତାମାନ୍ ତେଜିଆର୍, ଏନ୍ ଏକା ଯାତନା ସାହସ, ନିମ୍ ହୁବ ସାହର୍ । ଏନ୍ ନେଖେସ୍ତି ବାପ୍ତିସ୍ତା ମାନ୍ ନିମ୍ନୀ ତାଘେସ୍ତି ବାପ୍ତିସ୍ତା ହୁଅର୍ । ୪୦ହେଲେ ଏଘେ ଡେବା କା ତିନା ନେର ଅକ୍ବର, ହୁବ ତାକାଗେ ଅଧିକାର ଏଘେ ମାଲ୍ଲି, ନେଖେ ଲାଗାନ୍ ଇବ କାମା ଖାତରିକିଛି । ଖାଲି ତାମ୍ ହୁସାନ୍ ଅକ୍ବ ଆଜର୍ ।”

୪୧ଅଲଗା ଦଶ ଲୋକ ପ୍ରେରିତ ଗୁଠିଆର୍ ଇବ ମେଞ୍ଚାର୍ । ତାମ୍ ଯାକୁବ ଆଉ ଯୋହନସେ ମିଆଁ ରାଗୁ ମାଞ୍ଚାର କେରାର ।

୪୨ଯାଶୁ ସବୁ ପ୍ରେରିତ ଗୁଠିଆରି ଅଣ୍ଟାନ୍ ମେହ୍ନିୟାର । ତାନ୍ ତାମାନ୍ ତେଜିଆର୍, “ଅଣ ଯିହୁଦୀ ଗୁଠିଆରେ ଉଲ୍ଲା ବାଗେ ଆକୁ ଆତନାର୍, ନେକାନ୍ ତାମ୍ ଶାସକ ତେଜନାର । ନିମ୍ ଆହାୟେ, ଇ ଶାସକ ଗୁଠିଆର ଆଲାରେ ମିଆଁ ପ୍ରଭୁ ବୋଲି ଏଦାଗେ ଭଲ ହାଖନାର୍ । ତାଘେ ମହର୍ପୁର୍ଣ୍ଣ ନେତାଗୁଠିଆର୍ ମଧ୍ୟ ଆଲାରେ ମିଆଁ ତାଘେ ଅଧିକାର ସାବ୍ୟସ୍ତ କାମାଗେ ଭଲ୍ ହାଖନାର୍ । ୪୩ହେଲେ ନିମ୍ନେ ମାଝାନ୍ ଏହେଦି କିଛି ମାନ୍ନା ଉଚିର୍ ମାଲ୍ଲି । ଯଦି ନିମ୍ନେ ଉଲ୍ଲତି ନେର କହାମାନାଗେ ଚାହାଁଲି, ହେଲେ ତାନ୍ ସେବକ ଲେଖା ସବୁରେ ସେବା କାମନା । ୪୪ଯଦି ନିମ୍ନେ ଉଲ୍ଲତି ନେର ମହର୍ପୁର୍ଣ୍ଣ ମାନା ଚାହାଁଲି, ହେଲେ ତାନ୍ ନିମ୍ନେ ସବୁରେ ହେନ୍ଦକାତିକା ଚାକର୍ ଲେଖା ସେବା କାମା । ୪୫ହୁ ହାଦି ଆକୁ ହାଦୁସ୍ ଅଲ୍ଗା ଆଲାନ୍ତି ସେବା ହାଖାଗେ ମାଲ୍ଲା ବାରୁର, ବଂରୁ ତାମ୍ ସେବାକାମାଗେ ବାର୍କାଦାସ୍ । ତାନ୍ ବାଗେ ଆଲାରିନ୍ ଉଦ୍ଧାର କାମାନା ଉଦ୍ଧାର କାମାଗେ ଆଉ ନିଜର ଜିଆ ତିଆଗେ ବାରକାଦାସ୍ ।”

### ଯାଶୁ ଅଣ୍ଟା କାଶାସିନ୍ ହାନୁଦାନ୍ ତିଚାଷ୍ଟ

୪୬ତାଘେ ପାଛଲି ତାନ୍ ଯିରିହରେ ବାରତାଷ୍ଟ । ଯାଶୁ ତାଘେ ଚେଲାଆଉ ବାଗେ ଆଲାର୍ ଗାନ୍ନେ ହୁ ସହର୍ ବିଅରାୟା କାନାବାକେ ହୁ ସମୟନ୍ ଟୀମାୟସେ ତାଜଦାସ୍ ବାଟୀମୟ ନାମେନ୍ ଅଣ୍ଟା ଅନ୍ଧ ଭିକାରି ବାବୁପାଝନ୍ ଅକାତାଷ୍ଟ । ତାନ୍ ସବୁବାକେ ଆଲାରିନ୍ ଭିକ ନିଆଲିଆସ୍ । ୪୭ତାନ୍ ମେଞ୍ଚାସ୍ ଯେ ନାଜରୀତ ଯାଶୁ ହୁ ପାବୁ ତିଚାଷ୍ଟା କାଲୀଆସ୍ । ତାନ୍ ପାଟି କାମ୍ତାଷ୍ଟା ତେଜିଆସ୍, “ହେ ଗୁରୁ ଦାଉଦସେ ହାଦୁ ଯାଶୁ: ଏଘେ ମିୟା କୃପା କାମା ।”

୪୮ନିଅ ଆକୁ ତାଜା କାଲେ କାଲେ ରାଗେ ଧମକ୍ ତିଚାର୍ । ହେଲେହୁ ଅନ୍ଧଭିକାରିସ୍ ବାଗେନ୍ତି ବାଗେ ପାଟି କାମ୍ତାଷ୍ଟା ତେଜିଆସ୍, “ହେ ଦାଉଦସେ ହାଦୁ ଯାଶୁ, ଏଘେ ମିଆଁ କୃପାକାମା ।”

୪୯ ଯୀଶୁ ରାଚାସକେରାସ୍ ଆଉ ତେଜିଆସ୍, “ତାଜା ତେଜା ଏଢେ ପାଖୁରେ ବାରସ୍ ।” ଆଲାର୍ ଅନ୍ଧ ଆଲାସିନ୍ ମେହିଁୟାରା ତେଜିଆର୍, “ସାହାସ୍ ଧାରା ଆଉ ଉସ୍କାରା । ଯୀଶୁ ନିଜାନ୍ ମେହାଦାସ୍ ।” ୫୦ ଅନ୍ଧ ଆଲାସ୍ ଚାଣ୍ଡେକରି ତାଢେ ଚାଦରବ ଖେରୁଆସଚାଷ୍ ଆଉ ତେଗ୍‌ଚାଚାଷ୍ । ତାନ୍ ଯୀଶୁସେ ପାଖୁରେ ବାରଚାଷ୍ ।

୫୧ ଯୀଶୁ ଅନ୍ଧ ଆଲାସିନ୍ ମେହାସ୍, “ଏନ୍ ନିଜାଲାରାନ୍ ଏଢେ କାମନ୍ ବୋଲି ନିମ୍ ଚାହାଁଦାର୍ ?” ଅନ୍ଧସ୍ ତେଜିଆସ୍, “ଗୁରୁ ଏନ୍ ଏରାଗେ ଚାହାଁଦାନ୍ ।”

୫୨ ଯୀଶୁ ତେଜିଆସ୍, “କାଲା, ନିମ୍ ଭଲମାଞ୍ଚକାର୍, କାରଣ୍ ନିମ୍ ବିଶ୍ୱାସ୍ କାମ୍‌କାର୍ ।” ତା’ପରେ ଆଲାସ୍ ସବୁକିଛି ଏରା ଆଜିଆସ୍ ଆଉ ଯୀଶୁସେ ଅନୁଶରଣ କାମ୍‌ଚାଷ୍ ।

### ଯୀଶୁ ଅଣ୍ଟା ରାଜା ଲେଖା ଯିରୁଶାଲମନ୍ କରଚାଷ୍

୧୧ ଯୀଶୁ ଆଉ ତାଢେ ଚେଲାଗୁଠିଆର୍ ପାଖୁରେ ମାଞ୍ଚାର । ତାମ୍ ଜିତ-ପାରତା ପାଖୁନ୍ ବେଥପାଗୀ ଆଉ ବେଥନିଆ ସହରନ୍ ଆହାଁତିଆର୍ । ଯୀଶୁ ନିଜର ଚେଲାଗୁଠିଆରେ ଉଲତି ଦୁଇଲୋକ୍‌ରିନ୍ ତେଜା ତାୟାସ୍, <sup>୧</sup>“ଆଧାନ୍ ଏଥାଲି ଯେ ହୁ ପାଦାଗେ କାଲା । ପାଦା ଉଲା କେର୍କା ମାତ୍ରେ ନିମ୍ ଅଣ୍ଟା ଗଧହାଦୁ ହିଟିକା ରାକ୍‌କାଏରର୍ । ହୁ ଗଧମିଆଁ ନେଧୁବି ଆଙ୍କୁ ଯାଗେ ଆର୍ଗାର୍ ଅଣ୍ଟା । ତାଜା ଖୁଲାୟା ଏଢେ’ ପାଖୁରେ ଅନ୍ଧରା । <sup>୨</sup>ଯଦି ନିମାନ୍‌ନେର ତେଜନାର ଗଧ ହାଦୁନ୍ ଏଢେଗେ ଦୁଆଦାର୍ ବୋଲି ମେଞ୍ଚାର ହେଲେ, ହେଲେ ନିମ୍ ତାଜା ତେଜର, ପରଭୁସେ ଇବ ଦରକାର ଆତଲି । ତାଢେ ପାଛଲି ନିମା ଚାଣ୍ଡେ ଫେରାବର୍ ରର୍ ।”

୪ତାମ୍ ଭୁଜାରକେରାର । ତାମ୍ ଅଣ୍ଟା ଚାଲିପାଖୁ ଖୁଲିନ୍ ଅଣ୍ଟା ଗଧହାଦୁ ହିଟିକାଟିକା ଏରିଆର୍ । ତାମ୍ ତାଜାନ୍ ଖୁଲଚାଚାର୍ । ୫ନିଅ ଆଲୁ ହୁସାନ୍ ଇଜକାଚାର୍ । ତାମ୍ ଇବ ଏରିଆରା ମେଞ୍ଚାର, “ନିମ୍ ଇଗଧ ହାଦୁବନ ଏଢେଗେ ଖୁଲାଦାର୍ ?” <sup>୩</sup>ଚେଲାଗୁଠିଆରିନ୍ ଯୀଶୁ ଯାହା ତେଜାଗେ ତେଜାଚାର୍, ଚେଲାଗୁଠିଆର୍ ଆଲାରିନ୍ ହୁ କାଥା ତେଜିଆର୍ । ତା’ପରେ ଗଧ ହାଦୁସାଜେ ତାମାନ୍ ବିଧିରାଜାର୍ ।

<sup>୪</sup>ଚେଲାଗୁଠିଆର୍ ଗଧନ୍ ଯୀଶୁସେ ପାଖୁରେ ଅନ୍ଧରାର୍ ଆଉ ଗଧଗେ ମିଆଁ ନିଜର ଚିତ୍ତା ହେବଲିଆର୍ ଚାର୍ । ଯୀଶୁ ତା’ପରେ ଅଙ୍କିଆସ୍ । <sup>୫</sup>କେତେ ଆଲାର୍ ଯୀଶୁ ସେ ଲାଗି ତାଢେ ଚିତ୍ତା ପାବୁନ୍ ବିଛାବାଚାର । ଅଲଗା ଆଲାର ଡାଳା ହଡ଼ାରା ପାବୁନ୍ ବିଛାବାଚାର୍ । <sup>୬</sup>ନିଅ ଆଲୁ ଯୀଶୁସେ ଆଘଲି ଆଘଲି କାଲିଆର୍ ଆଉ ନେର ନେର ତାଢେ ପାଛଲି ପାଛଲି କାଲିଆର । ସବୁର୍ ପାଟିକାମ୍‌ଚାରା ତେଜିଆର୍,

“ହୋଶାନା, <sup>14</sup>

‘ପ୍ରଭୁସେ ନାମେନୁ ଏକା ଆଲାସ୍ ବାରାଦାସ୍, ତାନ୍ ଧନ୍ୟ ।’

ଗୀତସଂହିତା ୧୧୮:୨୫-୨୬

୧୦ “ଏସେ ପିତା ଦାଉଦସେ ଆଗ୍ନାନ୍ତା ରାଜି ଧନ୍ୟ,  
ସ୍ୱର୍ଗନୁ ରାଜାର୍ ପରମ୍ ପିତା ମାନାନାର ଧନ୍ୟ ।”

୧୧ ଯୀଶୁ ଯିରୁଶାଲମ୍ ବାରତାର ମନ୍ଦିର ଉଲ୍ଲାଗେ କେରାସ୍ । ଯୀଶୁ ମନ୍ଦିରେ ସବୁ  
ବିଷୟଲାଗି ହାନ୍ତୁ ହେବୁଆସ୍ । ହୁବାକେ ବାଗେ ଡେରି ମାଞ୍ଚାକେକିତା । ହେଲେ ଯୀଶୁ  
ବାରଜଣ୍ ପ୍ରେରିତ ଗୁଠିଆଗାନେ ବେଧନିଆଗେ କେରାସ୍ ।

### ଯୀଶୁ ଡେଜିଆସ୍ ଡିମ୍ବିରି ମାନ୍ତୁବ ଖୁଅକେ

୧୨ ହେଲେ ଆଉ ଅଣ୍ଟା ଉଲ୍ଲା ଯେତେବେଳେ ତାମ୍ ବେଧନିଆନ୍ତି ବାହିରି  
ଉରଖାଲିଆର୍, ତାଜା ବାଗେ କିଳା ଲାଗିଆ । ୧୩ ଯୀଶୁ ଆଥାନୁ ପୁଲ୍ମାଞ୍ଚାଦା ଅଣ୍ଟା  
ଡିମ୍ବିରି ମାନ୍ତୁ ଏରିଆର୍ । ମାନ୍ତୁନୁ ନିଅ ଡିମ୍ବିରି ଫାଲୁ ରଦ୍ ବୋଲି ଭାବତାଖ୍ ଡିମ୍ବିରି  
ମାନ୍ତୁଗେ କେରା । ହୁ ମାନ୍ତୁଗେ ଆହାଡିଆର୍ ଏରିଆର୍ ଯେ ଅଣ୍ଟା ଭି ଫାଲୁ ମାଲ୍ଲି  
ହାଖୁଆର୍ ମାନ୍ତୁନୁ ଆଥା ଛଳା ଆଉ ଏସେ ଭି ମାଲ୍ଲାରୁ । ୧୪ ହେଲେ ଯୀଶୁ ମାନ୍ତୁବନ୍  
ଡେଜିଆସ୍, “ଆଲାର୍ ନିସେ ଫାଲୁ ଆଉ ମାଲ୍ଲି ମହନାର ।” ଚେଲାଗୁଠିଆର୍ ଯୀଶୁ  
ସେ ଇକଥା ମେଞ୍ଚାର ।

### ଯୀଶୁ ମନ୍ଦିରଗେ କରତାଖ୍

୧୫ ତାଦେ ପାଛଲି ତାନ୍ ଯିରୁଶାଲମ୍ ଗେ କେରାସ୍ । ଯୀଶୁ ମନ୍ଦିରଗେ କରତକା ମାଡ୍ଡେ  
ହୁସାନ୍ କିଶାବିକା କାମାଲିଆର ଯେ ହୁ ଆଲାରିନ୍ ଅଥରାତାର । ତାନ୍ ଅଲଗା ଅଲଗା  
ପରକାରନ୍ ପାଇସା ବାଦଲାଲିଆର ତାଦେ ମେଜବନ୍ ଭି ତାନ୍ ଉଲଚିଆରତାର ।  
୧୬ ତାନ୍ ଭି ନେକାଭି ମନ୍ଦିରତା ପରିଶରନ୍ କିଛି ହେଲେ ହୁଆକାଲାଗେ ଅନୁମତି

<sup>14</sup> ୧୧:୯ ହୋଶାନା ଅଣ୍ଟା ଏବ୍ରୀୟ ଶବ୍ଦ । ରକ୍ କାମାଗେ ପରମେଶ୍ୱରସିନ୍ ପ୍ରାର୍ଥନା କାମାବାକେ  
ପହିଲନ୍ତୁ ଇ ଶବ୍ଦ ପ୍ରୟୋଗ ମାନାଲିଆ । ହେଲେ ଇଶାନ ପରମେଶ୍ୱରକା ଖ୍ରୀଷ୍ଟ ସୀନ୍ ପ୍ରଶଂସା  
କାମାୟା ଖୁସି ଅଭିବ୍ୟକ୍ତ କାମାଗେ ଲାଗି ଇ ଶବ୍ଦ ପ୍ରୟୋଗ କାମା ଖାତରି କିଟି । ମନ୍ଦିର ଯିହୁଦୀ  
ଗୁଠିଆର ଉପାସନା ଜାଗା ।

ମାହିଚିତାର । ୧୭ତାଘେ ପାଛଲି ତାନ୍ ତାଙ୍ଗାନ୍ ଉପଦେଶ ଚିତାଷା ତେଙ୍ଗାରେ ଲାଗିଆସ୍, “ଶାସ୍ତ୍ରନ୍ ଇକାଥା ଲେଖା ଆଦଲି ଯେ, ‘ଏଘେ’ ଆଜ୍ଞା ସବୁଜାତିତା ଆଲରେ ଲାଗି ପ୍ରାର୍ଥନାଆଜ୍ଞା ତେଙ୍ଗରଲେ । ହେ ନିମ୍ ଗୁଠିଆର ତ ତାଙ୍ଗା ଚରା ଗୁଠିଆରେ ଆଶ୍ରୟ ଛଳିନ୍ ପରିଶତ କାମ୍ପାଚିକଦାର ।”

୧୮ଧାର୍ମେଗୁରୁ, ଆଉ ପାର୍ଧ୍ୟାନଗୁରୁ ଇକାଥା ମେଞ୍ଚାର୍ । ତାମ ଯୀଶୁ ସିନ୍ ପିତାଗେ ଲାଗି ପାବୁ ବେଦାଲିଆର । ହେଲେ ହୁସାନ ଜାମା ମାଞ୍ଚିକା ସବୁଆଲାର ଯୀଶୁସେ ଉପଦେଶ ମେଞ୍ଚାରା ରାଗୁ ମାଞ୍ଚାର କେରାର୍, ଧାର୍ମେଗୁରୁ ଗୁଠିଆର୍ ଯୀଶୁସିନ୍ ଏଲ୍ଚିଆର । ୧୯ମାହାଁ ମାଞ୍ଚାକେରା । ମାହାଁ ମାଞ୍ଚାକେରାୟେ ଆଉ ତାଘେ ଚେଲାଗୁଠିଆର୍ ନଗରତି ବାହାରୀ ଉରଖୁଆର କେରାର୍ ।

### ଯୀଶୁ ବିଶ୍ୱାସ୍ ଶକ୍ତି ଏଦିଆସ୍

୨୦ତାଘେ ଆଘଲି ଉଲା ଯୀଶୁ ତାଘେ ଚେଲାଗୁଠିଆରେ ସାଙ୍ଗେ ହୁ ତିମ୍ବିରି ମାନ୍ନୁ ରାନା ପାବୁନ୍ ବାରତାର୍ । ତାମ୍ ତିମ୍ବିରି ମାନ୍ନୁବନ୍ ଏରିଆରରେୟ ମୂଲିତି ହାୟାଦା କେତା କେରକିତି । ୨୧ହୁବାକେ ପିତର ତିମ୍ବିରି ମାନ୍ନୁବନ ମନେ କାମତାଷ୍ ଆଉ ଯୀଶୁସିନ୍ ତେଙ୍ଗିଆସ୍, “ହେ ଗୁରୁ, ଏରା; କେରକା ଉଲାନିମ୍ ଯୋଉ ତିମ୍ବିରି ମାନ୍ନୁନ୍ ଅଭିଷାପ ଚିର୍କାଚିକାର୍, ହୁ ମାନ୍ନୁ ଇନା ହାୟାଦା କେତାକେରା ।”

୨୨ଯୀଶୁ ଉତ୍ତର ଚିତାଷ୍, “ପରମେଶ୍ୱରସିନ୍ ବିଶ୍ୱାସ୍ କାମା । ୨୩ଏନ୍ ନିମାନ୍ ସତୁ ତେଙ୍ଗାଦାନ୍: ଯଦି ଏକା ଆଲାସ୍ ଇ ପାର୍ଡାନ୍ ତେଙ୍ଗସ୍, ‘ନିନ୍ ଉଫ୍ଲାରୁୟା ସମୁଦ୍ରନ୍ ଖାତରୁକାଲ୍’, ଯଦି ଆଲାସେ ମନ୍ନୁ ଏକା ପ୍ରକାର ସଦେହ ମାହିରାଲ ଆଉତାନ୍ ବିଶ୍ୱାସ୍ କାମସ୍ ଯେ, ତାନ୍ ଯାହା ତେଙ୍ଗାଦାସ୍ ହୁବ ମାନ, ହେଲେ ପରମେଶ୍ୱର ତାଘେ ଲାଗାନ୍ ହୁବ କାମତସ୍ । ୨୪ହେଲେ ଏମ୍ ନିମାନ୍ ତେଙ୍ଗାଦାନ୍ ଯେ, ନିମ୍ଗୁଠିଆର୍ ପ୍ରାର୍ଥନା କାମ୍ପାବାକେ ଯାହା ନିଆଦାର, ବିଶ୍ୱାସ୍ କାମା ଯେ, ହୁବ ନିମା ହାଖରା କେକିତି, ହେଲେ ନିମ୍ ହୁବ ସତେ ହାଖର୍ । ୨୫- ୨୬ନିମ୍ ଗୁଠିଆର୍ ଯେତେବେଳେ ପ୍ରାର୍ଥନା କାମାଗେ ଇଜ୍ଜକାରାକେ, ହୁବାକେ ଯଦି ନିସେ ମନେ ଖାତରିକାଲ ଯେ, ନିମ୍ ଗୁଠିଆର୍ ଯଦି ନେଖେ ମିଆଁ ରାଗୁ କାମକାଦାର୍, ହେଲେ ହୁ ଆଲାସିନ୍ କ୍ଷମା କାମାତା । ତା’ ହେଲେ ସ୍ୱର୍ଗନ୍ ରାତାସ୍ ଯେ ନିସେ ପରମ ପିତା ଭି ନିସେ ପାପସବୁ କ୍ଷମା କାମତସ୍ ।”<sup>15</sup>

<sup>15</sup> ୧୧:୨୬ ନିଅଁ ପାଜା ଗ୍ରୀକ ପ୍ରତିନ୍ ପଦସଂଖ୍ୟା ୨୬ ତା’ ପାଠ ଇହାଦି ଚିଆ ଖାତରି କିଚି । “ହେଲେ ଯଦି ନିମ୍ଗୁଠିଆର ଅନ୍ୟ ସିନ୍ ଖ୍ୟମା ମହିକାମର ହେଲେ ସ୍ୱର୍ଗନ୍ ରାତକାଚିକା ନିସେ ଗୁଠିଆର ପରମପିତା ନିସେ ପାପଗୁଠି ଭି ଖ୍ୟମା ମହିକାମନାର ।”

### ଯୀହୁଦି ନେତାଗୁଠିଆରେ କ୍ଷମତା ଲାଗି ସନ୍ଦେହ

୨୭ ଯୀଶୁ ଆଉ ତାହେଁ ତେଲଗୁଠିଆର ଆଉଥରେ ଯିରୁଶାଲମରେ କେରାଉ । ଯୀଶୁ ମନ୍ଦିର ଉଲା କୁଦାଲିଆର । କହା ଯାଜକ ଧାର୍ମେଗୁରୁ ପୁରୁଖାପାତି ଆଉନେତାଗୁଠିଆର ତାହେଁ ପାଖୁରେ ବାରତାର । ୨୮ ତାମ୍ ଯୀଶୁସିନ୍ ତେଜିଆର, “ଏମାତେଜା” ଏକା ଅଧିକାରନ୍ତୁ ନିମ୍ ଇସବୁ ନାଲଖୁ କାମାଦାର୍ ? ଇସବୁ କାମାଗେ ନିମା ନେର ଅଧିକାର ଚିତାର ?”

୨୯ ଯୀଶୁ ଉତ୍ତର ଚିତାଷ, “ଏନ୍ ନିମାନ୍ ଅଣ୍ଟା ପ୍ରଶ୍ନ ମେନନ୍ । ଏହେଁ ପ୍ରଶ୍ନତା ଉତ୍ତର ଚିତ୍ତକୁ ଏନ୍ ନିମାନ୍ ତେଜନ୍ ଯେ, ଏକା ଅଧିକାରନ୍ତୁ ଏନ୍ ଇସବୁ ନାଲଖୁ କାମାଦାନ । ୩୦ ଏଜା ତେଜା, ଯେତେବେଳେ ଯୋହନ ଆଲାରିନ୍ ବାସ୍ତିସ୍ନ ଚିଆଲିଆର, ହୁବ ପରମେଶ୍ୱରତି ବାରିଚିକାଟିକା ନା ଆଲାର୍ ତିନ୍ ବାକିତା ? ଏହେଁ ପ୍ରଶ୍ନତା ଉତ୍ତର ଚିଆ ।” ୩୧ ଯିହୁଦୀ ନେତାଗୁଠିଆର ଯୀଶୁ ସେ ପ୍ରଶ୍ନ ଲାଗି ଆଲୋଚନା କାମତାର୍ । ତାମ୍ ତେଜା ତେଜି ମାଆର, “ନାମ୍ ଯଦି ତେଜାନ୍ ଯେ, ‘ଯୋହନସେ ବାସ୍ତିସ୍ନ ପରମେଶ୍ୱରତି ବାରକିତା’, ହେଲେ ଯୀଶୁ ତେଜାସ୍, ‘ହେଲେ ନିମ୍ଗୁଠିଆର୍ ଏହେଗେ ଯୋହନସି ବିଶ୍ୱାସ୍ ମାଲ୍ଲି କାମ୍ତିକାର୍ ?’ ୩୨ ହେଲେ ଯଦି ନାମଗୁଠିଆର୍ ତେଜାତ, ‘ଯୋହନସେ ବାସ୍ତିସ୍ନ ଆଲାରତି ବାରକିକାଟି’ ହେଲେ ଆଲାର ନାସେ ମିଆଁ ରାଗୁ ମାନରକର ।” ତାମ୍ ଆଲାରିନ୍ ବାଗେ ଏଲତାଲିଆର । ହେଲେ ସବୁ ଆଲାର୍ ବିଶ୍ୱାସ କାମାଲିଆର ଯେ, ଯୋହନ ପ୍ରକୃତନ୍ତୁ ଅଣ୍ଟା ଭବିଷ୍ୟତ ବଜ୍ଜା ।

୩୩ ହେଲେ ତାମ୍ ଯିଶୁସିନ୍ ଉତ୍ତର ଚିତାର୍, “ଏମ୍ ବାଲ୍ଦାମ୍ ।”

ହେଲେ ଯୀଶୁତାମାନ୍ ତେଜିଆସ୍, “ହେଲେ ଏନ୍ଭି ନିମାନ୍ ମାଲ୍ଲି ତେଜାଦାନ୍ ଯେ, ଏକା ଅଧିକାରନ୍ତୁ ଏନ୍ ଇସବୁ ନାଲଖୁ କାମାଦାନ୍ ।”

### ପରମେଶ୍ୱର ନିଜର ହାଦୁସିନ୍ ଚାୟାସ୍

୧୨ <sup>୧</sup> ଯୀଶୁ ଦୃଷ୍ଟାନ୍ତ ନାଧ୍ୟମନ୍ତୁ ଆଲାରିନ୍ ଶିକ୍ଷା ଚିତାଷ୍; ତାନ୍ ତେଜିଆସ୍, “ଅଣ୍ଟାଆଲୁ ଅଣ୍ଟା ଦ୍ରାକ୍ଷା କ୍ଷେତ୍ ଲାଗାବାତାଷ୍ । ତାହେଁ ଚାରିପାଖୁ ବାଲା ଚିତାଲାଗିଆସ୍ । ଦ୍ରାକ୍ଷାରାସେ ଅନ୍ଦରାଗେ <sup>16</sup> ଲାଗିନ୍ ଅଣ୍ଟା କୁଣ୍ଡ କାମ୍ତାଷ୍ । ହୁବ ଜଗିଆ ଆକ୍ଷା ଅଣ୍ଟା କାମ୍ତାଷ୍ । ତାନ୍ ନିଅ ଚାଷିଗୁଠିଆରିନ୍ ହୁ ବାରତାବ ଭାଗୁନ୍ତୁ ବିଚାର୍, ତାହେଁ ପାଛଲି ତାନ୍ କୁଦାଗେ ଲାଗି ହୁ ଯାଗା ଆମ୍ବିଆସା ଭୁଜାର୍ କେରାଉ ।

<sup>16</sup> ୧୨:୧ ଦ୍ରାଖ୍ୟାରାସେ ଅନ୍ଦରାଗେ ମୁଲି ଶବ୍ଦ ଔନ-ପ୍ରେସ । ଇବ ଚାତାନ୍ତୁ ଆରକାଟିକା ଅଣ୍ଟା ଜାଗା, ହୁସାନ ଦ୍ରାଖ୍ୟାବନ୍ ଠେସାୟା ତାହେଁ ରାସେ ସଂଗ୍ରହ କାମ୍ପାର ।

୨“ପାଇଁ ଯେତେବେଳେ ହାସ୍ତା ଫାଳୁ ଚହନାଗେ ସମୟ ମାଞ୍ଚାକେରା । ହୁବାକେ ତାନ୍ ତାଘେଅଣ୍ଟା ଚାକରସିନ୍ ତାଘେ ନିଜର ଭାଗୁବନ ଅନ୍ୟାଗେ କୃଷି ଆଲାରେ ପାଖୁରେ ତାୟାର । ୩ହେଲେ କୃଷକ ଗୁଠିଆର୍ ଚାକରସିନ୍ ଧାର୍ତାର ତେମ୍ବଟାର ଆଉ ତାଙ୍ଗା ଏନ୍ଦେରି ମାଲ୍ଲିଚିତାର୍ ଆଉ ତାଙ୍ଗା ଖେଦାରଚାର । ୪ତାଘେ ପାଇଁ ଆଲାସେ ଆଉ ଅଣ୍ଟା ଚାକର୍ ସିନ୍ ତାୟାସ୍ । ତାମ୍ ଇ ଚାକରସେ କୁକୁନ୍ ତେମ୍ବଟାର୍ ଆଉ ହୁଲଚାର୍ । ୫ତାଘେ ପାଇଁ ଆଉ ଅଣ୍ଟା ଚାକରସିନ୍ ତାୟାସ୍ । କୃଷକଗୁଠିଆର ଇ ଚାକରସିନ୍ ଜିଆନ୍ତି ପିଟାର୍ଗାର । ହୁ ଆଲାସ୍ ଆଉ ବାଗେ ଚାକରସିନ୍ ପଠାବାଚାର୍, ହେଲେ କୃଷକଗୁଠିଆର ତେମ୍ବଟାର୍ ନିଅ ଆଲାରିନ ଜିଆନ୍ତି ପିଟାଚାର ।

୬ଆଲାସେ ପାଖୁନ୍ କୃଷକଗୁଠିଆରେ ପାଖୁରେ ତାୟାଗେ ଆଉ ଅଣ୍ଟାଖାଲି ବାକି ରାଚାସ୍ । ହୁବ ମାନାଦାସ୍ ତାଘେ ତାଙ୍ଗାଦାସ୍ । ହୁ ଆଲାସ୍ ତାଘେ ତାଙ୍ଗାସିନ୍ ବାଗେ ଭଲ୍ ହାଖାଲିଆସ୍ । ହେଲେ ତାନ୍ କୃଷକଗୁଠିଆରେ ପାଖୁରେ ତାୟାସେ ତାନ୍ ଖାଲି ସ୍ତ୍ରିର କାମଚାସ୍ । ହେଲେ କୃଷକଗୁଠିଆରେ ପାଖୁରେ ତାୟାଗେ ଲାଗି ହାଦୁସ୍ ଖାଲି ଶେଷ୍ ଆଲୁ ରାଚାସ୍ । ତାନ୍ ତେଙ୍ଗିଆସ୍ କୃଷକଗୁଠିଆର ଏଘେ ହାଦୁସିନ୍ ସମ୍ମାନ ଚିଅର୍ ।’

୭ହେଲେ କୃଷକଗୁଠିଆର୍ ତେଙ୍ଗା ତେଙ୍ଗି ମାଞ୍ଚା, ଇ’ ଆଲାସ୍ ବଗ୍ତାମାଲିକସେ ତାଙ୍ଗାଦାସ୍ । ବଗିଚାନ୍ତା ତାନ୍ ଉତ୍ତରାଅଧିକାରି । ନାମ୍ ଯଦି ତାଙ୍ଗା ପିଟଚର୍ ବଗିଚାବ ନାସେ ମାନକ’ । ‘ହେଲେ କୃଷକ ଗୁଠିଆର୍ ମାଲିକସେ ହାଦୁସିନ୍ ଅଚାରା । ଜିଆନ୍ତି ପିଟାଚାର, ଦ୍ରାସ୍ତା ଖେତନ୍ତା ବାହାରିଗେ ଖେବଳିଆର୍ଚାର୍ ।

୮ହେଲେ ଦ୍ରାସ୍ତା ଖେତନ୍ତା ମାଲିକ୍ ଏନ୍ଦେକାମସ୍ ? ତାନ୍ ବାରଚାଷା କୃଷକଗୁଠିଆରିନ୍ ପିଟଚସ୍ । ଆଉ ଦ୍ରାସ୍ତାଖେର୍ ବନ୍ ଅଲଗା କୃଷକସେ ଚିଅସ୍ ଲାଗସ୍ । ୧୦ନିମ୍ ଗୁଠିଆର୍ ଏନ୍ଦେ ଶାସ୍ତ୍ର ମାଲ୍ଲି ପାହୁର୍ ?

“ଏକା ଚାଚାବନ୍ କାରିଗର୍ଗୁଠିଆର୍ ଇବ ଦରକାର ମାଲ୍ଲିମାନି ବୋଲିଭାବ୍ଚାର, ହୁ ଚାଚା

‘ହେଲେ କଣ୍ଡୁଚା ପାର ଧାନ୍ ଚାଚା ମାଞ୍ଚାକେରା ।’<sup>17</sup>

୧୧ ପ୍ରଭୁ ତାନ୍ କାମ୍ଚାସ୍,

ହେଲେ ଇବ ନାସେ ଲାଗାନ୍ ଆଶ୍ଚର୍ଯ୍ୟ ବିଷୟ ।

ଗୀତସଂହିତା ୧୧୮:୨୨-୨୩

<sup>17</sup> ୧୨:୧୦ କୋଣତା କହା ମୁଲିଚାଚା କୋଠା ଆଲ୍ପାତା ପହିଲ ଆଉ ସବୁସତ୍ତିନ୍ ମହର୍ଦ୍ଦପୁର୍ଣ୍ଣ ଚାଚା ।

୧୨ ଇ ଯୀହୁଦି ନେତାଗୁଠିଆର ଯୀଶୁ ଦୃଷ୍ଟାନ୍ତ ମେଞ୍ଚାର୍ । ଇବ ତାଘେ ଉଦେଶ ନୁ ରାତା ବୋଲି ତାମ୍ ଆଖାର୍ କେରାର୍ । ହେଲେ ଯୀଶୁସିନ୍ ବନ୍ଦି କାମାଗେ ଲାଗିନ୍ ତାମ୍ ଉପଦାୟ ବେଦାଗେ ଅକିଆର । ହେଲେ ତାମ୍ ଆଲାରିନ୍ ଏଲତାଲିଆର୍ । ହେଲେ ତାମ୍ ଯୀଶୁସିନ୍ ବିଥରାଭା ଭଙ୍ଗାର କେରାର୍ ।

### ଯୀଶୁସିନ୍ ଫାସୁନୁ ହେବଲାଗେ ଯିହୁଦୀ ନେତାଗୁଠିଆରେ ଚକ୍ରାନ୍ତ

୧୩ ପାଛଲି ଯିହୁଦୀ ନେତାଗୁଠିଆର ନିଅଁ ଫାରୁସି ଆଉ ହେରଦିୟଗୁଠିଆର ଯୀଶୁସେ ପାଖୁଗେ ତାୟାର୍ । ତାମ୍ ଯୀଶୁସେ ଭୁଲ୍ ଧାରାୟା ଯୀଶୁସିନ୍ ଫାସୁନୁ ହେବଲାଗେ ଚାହାଲିଆର୍ । ୧୪ ଫାରୁସି ଆଉ ହେରଦିୟଗୁଠିଆର ଯୀଶୁସେ ପାଖୁଗେ କେରାଭା ତେଜିଆର୍, “ଗୁରୁ, ଏମ୍ ଆଙ୍କାଦାମି ଯେ, ନିମ୍ ବାଗେ ଭଲଆଲୁର୍ । ଅଲଗା ଆଲାର୍ ନିସେ ନାମେନୁ ଏସେ ଭାବାନାର, ହୁବିଷୟନୁ ଚିନ୍ତା ଆମାକାମା । ସବୁ ଆଲାର୍ ନିସେ ଲାଗିନ୍ ସାମାନ୍ । ନିମ୍ ପରମେଶ୍ୱର ଚାହାଁକାଟିକା ଜିଆନୁ ପାବୁ ବିଷୟନୁ ଠିକ୍ ଉପଦେଶ୍ ଚିଆଦାର୍ । ଏମା ତେଜା, କାଲସର ସିନ୍ କର ଚିଆଗେ ଉଚିତ୍ କା ମାଲି ?”

୧୫ ଯୀଶୁ ତାସେ ଚାଲବାଜି ବୁଝୁରାସ୍ କେରାସ । ତାନ୍ ତାଜାନ୍ ମେଞ୍ଚାସ୍, “ନିମ୍ ଗୁଠିଆର ଏଜା ଭଲ୍ କାଥା ତେଜାୟା ଏଜା ଏସେଗେ ଫାସୁନୁ ହେବଲାଗେ ଚାହାଁଦାର ? ଏଘେଁ ପାଖୁଗେ ରୁପା ପାଇସା ଟଙ୍କେ ଅନ୍ଦରା, ଏନ୍ ତାଜା ଏରନ୍ ।

୧୬ ତାମ୍ ରୁପା ପଇସା ଟଙ୍କେ ଅନ୍ଦରାର୍ । ଯୀଶୁ ତାମାନ୍ ମେଞ୍ଚାର୍, “ପଇସାମିଆଁ ନେଖେ ଫଟୁ ଆତଲି ? ତାଘେ ମିଆଁ ନେଖେ ନାମେ ଲେଖା ଆତଲି ?” ତାମ୍ ତେଜିଆର୍, ଇବ କାଲସରସ୍ ଫଟୁ ଆଉ କାଲସରସସେ ନାମେ ।”

୧୭ ତାଘେ ପାଛଲି ଯୀଶୁ ତାମାନ୍ ତେଜିଆସ୍, “ଯାହା କାଲସରସେ ତାହା କାଲସରସେ ତାଜା ଚିଆ ଆଉ ଯାହା ପରମେଶ୍ୱରସେ, ତାହା ପରମେଶ୍ୱରସେ ଚିଆ ।” ଇବ ମେଞ୍ଚାରା ସବୁର ଚକିତ୍ ମାଞ୍ଚାର କେରାର୍ ।

### ଯୀଶୁସିନ୍ ଫାସୁନୁ ହେବଲାଗେ ନିଅଁ ସାଧୁକିୟ ଗୁଠିଆରେ ଚକ୍ରାନ୍ତ

୧୮ ତାଘେ ପାଛଲି ନିଅଁ ମାଞ୍ଜୁକି ତାଘେ ପାଖୁଗେ ବାରଗାର୍ । ସାଧୁକିୟଗୁଠିଆର ଦାବୀ କାମ୍ପାର୍ ଯେ, ଆଲାର୍ ଖୁଆମୁଞ୍ଜକୁନ୍ ଆଉ ମାଞ୍ଜି ଉସ୍କାରାନର୍ । ୧୯ ତାମ୍ ତେଜିଆର୍, “ଗୁରୁ, ମୋଶା ଏସେ ଲାଗାନ୍ ଲେଖାକାଟିକାନାର୍ ଯେ, ଯଦି ଏକା ବେଞ୍ଜର୍କାଟିକା ଆଲୁସସେ ହାଦୁବର୍ ମାଞ୍ଜି ରାଚକାରର୍ ତାନ୍ ଖୁଦାସ୍କାଦାସ୍, ହେଲେ ତାନ୍ ତାଘେ ଭାଇସି ହୁମୁଞ୍ଜା ବେଞ୍ଜର୍ନା ଉଚିତ୍ । ହେଲେ କେର୍କା ଭାଇସେ ଲାଗି ବଂଶ କହାମାନା

ଆଜ୍ଞା । ୨୦ ଅରେ ସାତ୍ ଭାଇ ରାଚାର୍ । ସବୁକ୍ରି କହାଭାଇସ୍ ବେଞ୍ଜରାସ୍ । ହେଲେ ହାଦୁବର୍ ମାଲ୍ଲା ମାନୁର ତାନ୍ କେଚାଶ୍ କେରାସ୍ । ୨୧ ହେଲେ ମାଝିଲାଭାଇସ୍ ହୁମୁଙ୍କାନ୍ ବେଞ୍ଜରାସ୍ । ତାନ୍ ଭି ହାଦୁବର୍ ମାଲ୍ଲାମାନୁସ୍ କେଚାଶ୍ କେରାସ୍ । ଆଉ ଅଣ୍ଟା ଭାଇସ୍ ଭି ହୁହାଦି ମାଞ୍ଚାସ୍ । ୨୨ ମାତ ଲୋକ ଭାଇ ହୁମୁଙ୍କାନ୍ ଅର୍ତ୍ତୁ ପରେ ଅରତୁ ବେଞ୍ଜାରାର୍ ଆଉ ଶେଷନ୍ କେଚାକେରାର୍ । ତାମ୍ବେଗୁଠିଆରେ ନେଖେ ହେଲେ ହାଦୁବଚ ମାଲ୍ଲାରୁର୍ । ଶେଷନ୍ ହୁ ମୁଙ୍କା କେଚାକେରା । ୨୩ ହେଲେ ସାତେଟା ଭାଇଯାକର୍ ତାଜା ବେଞ୍ଜରକା ଚାର୍ । ହେଲେ ଉସକାରନା ସମୟନ୍, ହୁମୁକା ନେଖେ ମୁଙ୍କା ମାନ ?”

୨୪ ଯୀଶୁ ତେଜିଆସ୍, “ସବୁଶାସ୍ତ୍ର ଏନ୍ଦେତେଜି, ପରମେଶ୍ଵରସେ ଶକ୍ତି ବିଷୟନ୍ ହୁବ ନିମ୍ ମାଲ୍ଲା ଆହୁର୍ କା ? ହୁଦଗେ ଲାଗିନ୍ ନିମ୍ ଭ୍ରାନ୍ତ ମାନ୍ଦାର୍ । ୨୫ ଆଲାର୍ ଯେତେବେଳେ କେନ୍ଦୁତି ଉସକାରର ହୁବାକେ ଏକା ବେଞ୍ଜାଭି ମାଲ୍ଲିମାନି ତାମ୍ ନେକାଭି ନେର୍ ମାଲ୍ଲି ବେଞ୍ଜର୍ ନାର୍, ଆଉ ସବୁର୍ ସ୍ଵର୍ଗତା ହୁତଲେଖାମାନର୍ କର । ୨୬ ଉସକାର୍ନା ଆଲାରେ ବିଷୟନ୍ ନିମ୍ଗୁଠିଆର୍ ଏନ୍ଦେ ମୋଶାସେ ବହିନ୍ ଲୋକାଟିକା କାଥାବନ୍ ମାଲ୍ଲା ପାତୁର ? ହୁନ୍ ପରମେଶ୍ଵର ମୋଶାସିନ୍ ତେଜାନାର ଏନ୍ ଅବ୍ରାମସେ ପରମେଶ୍ଵର, ଇସ୍ରାକସେ ପରମେଶ୍ଵର, ଯାକୁବସେ ପରମେଶ୍ଵର । ୨୭ ଯଦି ପରମେଶ୍ଵର ତେଜାଦାସ୍ ଯେ, ତାନ୍ ତାମ୍ବେ ପରମେଶ୍ଵର, ହେଲେ ପ୍ରକୃତନ୍ ଇଆଲାର ମାଲ୍ଲାଖୁଉର । କାରଣ ତାନ୍ କେଚକା ଆଲାର୍ଗେ ପରମେଶ୍ଵର ମାଲ୍ଲାଆସ୍ ବଂର ଉଜ୍ଜକା ଆଲାରେ ପରମେଶ୍ଵର, ହେ ସାଧୁକି ଗୁଠିଆର୍ ନିମ୍ ବାଗେ ଭ୍ରମନ୍ ଖାତରକାଦାର ।

### ଏକା ଆଦେଶବୋ ବାଗେ ମହତ୍ପୁର୍ଣ୍ଣ

୨୮ ଅଣ୍ଟା ଧାର୍ମେ ଶାସ୍ତ୍ରୀ ଯୀଶୁସେ ପାଖ୍ରେ ବାରତାଷ୍ । ସାଧୁକି ଆଉ ଫାରୁସିଗୁଠିଆରେ ସାଙ୍ଗେ ଯୁକ୍ତିତର୍କ କାମ୍ପାବ ମେଞ୍ଚାର । ତାନ୍ ଏରିଆସ୍ ଯେ, ଯୀଶୁ ତାମ୍ବେ ପ୍ରଶ୍ନତା ଭଲ ଉଉର ଚିଚକାଦାସି । ହେଲେ ତାନ୍ ଯୀଶୁସିନ୍ ମେଞ୍ଚାସ୍, “ଏକା ଆଦେଶବ ବାଗେ ମହତ୍ପୁର୍ଣ୍ଣ ?”

୨୯ ଯୀଶୁ ଉଉର ଚିଚାଷ୍, “ସବୁକ୍ରି ମହତ୍ପୁର୍ଣ୍ଣ ଆଦେଶବ ଇ ପ୍ରକାରତା, ‘ହେ ଇସ୍ରାଏଲ୍ ମେନା । ଏମ୍ବେ ପ୍ରଭୁ ପରମେଶ୍ଵର ଅଣ୍ଟାଖାଲି ପ୍ରଭୁ । ୩୦ ସବୁ ହୃଦୟକ୍ରି ସବୁ ଆତ୍ମାକ୍ରି, ସବୁ ମନ୍ତ୍ରି, ଆଉ ସବୁ ଶକ୍ତିନ୍ ନିମ୍ ନିମ୍ବେ ପରମେଶ୍ଵରସି ପ୍ରେମ କାମା ।’ ୩୧ ଦ୍ଵିତିୟ ମହତ୍ପୁର୍ଣ୍ଣ ଆଦେଶ ମାନାଲି ଇ ପରକାରତା: ‘ନିମ୍ ନିଜଗେ ନିଜେ ଯେତି ପ୍ରେମ୍ କାମାଦାର୍, ନିଜର ପତସି ଗୁଠିଆରିନ୍ ହୁଦାଗି ପ୍ରେମକାମା’ ଇ ଜୁଲେ ଆଦେଶ ଛଳା ଆଉ କହା ଆଦେଶ୍ ମାଲ୍ଲାଦିନ୍ ।”



୩୨ ହୁଏ ମେଞ୍ଚାଶା ଧାର୍ମେଗୁରୁ ଅଣ୍ଟା ତେଜିଆସ୍, ଗୁରୁ, ପ୍ରଭୁ ପରମେଶ୍ଵର ଯେ, ଅଣ୍ଟା ତାହେଁ ଛଳା ଆଉ ଅନ୍ୟ ନେରଭିମାଲ୍ଲାରୀ, ଲବ ନିମ୍ଠିକ୍ ତେଜାଦାର୍ । ୩୩ ପ୍ରକୃତନ୍ତୁ ଅଣ୍ଟା ଆଲାସେ ସବୁ ହୃଦୟ ସବୁ ମନ୍ ଆଉ ସବୁ ଶକ୍ତି ତିଆୟା ପରମେଶ୍ଵରସିନ୍ ପ୍ରେମକାମାଗେ ଖାତ୍ର । ତାନ୍ ଯେତି ନିଜଗେ ନିଜେ ଭଲ ହାଖଦାସ୍, ହୁହାଦି ଅନ୍ୟସିନ୍ ଭଲ ହାଖାଗେ ଖାତ୍ର । ନାମ୍ ପରମେଶ୍ଵରସେ ଯେତେ ପଶୁ ବଳି ଆଉ ଦାନତିଆଦାତ୍, ହୁବଲାତି ଇଜୁଲେ ଆଦେଶବ୍ ବାଗେ ମହତ୍ପୁର୍ଣ୍ଣ ।”

୩୪ ଯୀଶୁ ଏରିଆସ୍ ଯେ, ଆଲାସ୍ ବୁଝାରାସା ଜ୍ଞାନି ଲେଖା କାଥା ତେଜାଦାସ୍ । ତାନ୍ ତାଜା ତେଜିଆସ୍, ନିମ୍ଠେତ୍ରି ପରମେଶ୍ଵରରାଜି ଗେଛାନ୍ତୁ ମାଲ୍ଲଦି ।” ଇଦଗେ ପାଛଲି ଏକା ଆଲାସଭି ଯୀଶୁସିନ୍ ପ୍ରଶ୍ନ ମେନାଗେ ହୁଆଲାସ୍ ସାହାସ୍ ମାହି କାମ୍ତାଷ୍ ।

### ଖ୍ରୀଷ୍ଟ ଦାଉଦସେ ତାଜାଦାସ୍

୩୫ ଯୀଶୁ ମରିର୍ନୁ ଉପଦେଶ ତିନାବାକେ ମେଞ୍ଚାଶ୍, “ଧାର୍ମେଗୁରୁ ଗୁଠିଆର୍ ଏସ୍ କେ ତେଜାନାର୍ ଯେ ଖ୍ରୀଷ୍ଟ ଦାଉଦସେ ତାଜାଦାସ୍ ? ୩୬ ନିଜେ ଦାଉଦ ପବିତ୍ରଆତ୍ମାନ୍ତା ସାହାୟ୍ୟଗେ ଲାଗିନ୍ ତେଜାତାଷ୍,

ପ୍ରଭୁ ପରମେଶ୍ଵର ଏଘେ ପ୍ରଭୁସିନ୍ ତେଜାତାଷ୍:

ନିମ୍ ଏଘେ’ ପାଖ୍, ଏଘେ ତିନା ବାଟେ ଅଣ୍ଟା,

ଏନ୍ ନିମ୍ଠେ ସତ୍ତ୍ଵଗୁଠିଆରିନ୍ ନିମ୍ଠେ ପାଖ୍ଗେ ଅନ୍ଦରନ୍ ତିଅନ୍ ।’

ଗୀତସଂହିତା ୧୧୦:୧

୩୭ ଦାଉଦ ନିଜେ ଖ୍ରୀଷ୍ଟ ସିନ୍ ‘ପ୍ରଭୁ’ ବୋଲି ତେଜା ଲିଆସ୍ । ହେଲେ ଏସ୍ଠେ ଖ୍ରୀଷ୍ଟ ଦାଉଦସେ ହାଦୁ ମାନାଆଜାସ୍ ?” ଜାମ୍ବରକା ଚିକା ଆଲାର୍ ଯୀଶୁସେ ଉପଦେଶ ଖୁସିମନ୍ତୁ ମେନାଲିଆର୍ ।

### ଯୀଶୁ ବିଧି ପ୍ରଚାରକ ଆଲାରିନ୍ ସମାଲୋଚନା କାମ୍ତାଗର

୩୮ ଯୀଶୁ ଶିକ୍ଷା ତିତାଷା ଭୁଜାସ୍ କେରାସ୍ । ତାନ୍ ତେଜିଆସ୍, “ଧାର୍ମେଗୁରୁ ଗୁଠିଆରକ୍ତି ସାବଧାନ୍ ରା । ତାମ୍ ଲମ୍ବା ଲମ୍ବା ରାଜକାୟ ଚିତ୍ତା ଆତରା ଇୟାହାୟା କୁଦାଗେ ଭଲ ହାଖ୍ଘାର୍, ତାମ୍ ଭଲ୍ ହାଖ୍ଘାର୍ ଯେ, ଆଲାର୍ ତାମାନ୍ ହାଟେ ବଜାର୍ନ୍ ସମ୍ମାନ ତିନାର୍ । ୩୯ ସାମାଜ ଆଳପାନ୍ତୁ ମହତ୍ପୁର୍ଣ୍ଣ ଆସନ୍ତୁ ଅକାଗେ ଭଲ ହାଖନାର । ଭୁଜିନ୍ତୁ ତାମ୍,

ମହତ୍‌ପୁରୁଷ ଜାଗା ହାଖାଗେ ଭଲ ହାଖାଉ । ଧୂତାମ୍ ରାଣ୍ଡି ଗୁଠିଆରିନ୍ କାଟି ବେଭାର  
ଏଦ୍ଦାର୍ । ତାମ୍ ରାଣ୍ଡି ଗୁଠିଆରେ ସମ୍ପତି ହୁନାର୍ କାନାର୍ । ଭଲ ଦେଖେଇମାନାଗେ ତାମ୍  
ଲମ୍ବା ପ୍ରାର୍ଥନା କାମ୍ଦାର । ଇହାଦି ଆଲାରିନ୍ ପରମେଶ୍ୱର କହା ଦଣ୍ଡ ଚିଅର୍ ।”

### ଅଷ୍ଟ ରାଣ୍ଡିଗେ ପ୍ରକୃତା ଦାନ୍

୪୧ ଯାଶୁ ମନ୍ଦିର୍ତା ଦାନବାକ୍ତ ମିଆଁ ଅକାତାଷ୍ । ଆଲାର୍ ଏଣ୍ଟେ ଭାବନ୍ତୁ ଦାନ୍-ବାକ୍ତନ୍ତୁ  
ପଇସା ଭର୍ତ୍ତୀ କାମାନାର୍ । ହୁବୋ ତାନ୍ ଲଖ୍ୟ କାମା ଲିଆସ୍ । ବାଗେ ଧନୀ ଆଲାର୍  
ଦାନବାକ୍ତନ୍ତୁ ବାଗେ ପଇସା ହେବ୍ଲ ଲିଆର୍ । ୪୨ ପାଇଲି ଗରିବ ରାଣ୍ଡିଅଷ୍ଟା ହୁସାନଗେ  
ବାରଦା । ଆଉ ହୁସାନ୍ ତାନ୍ ମାତ୍ର ଜୁଲେ ତାମ୍ବା ପଇସା ହେବ୍ଲିଆ । ଇ ପାଇସାଗେ ମୂଲ୍ୟ  
ଚକେତିଭି ସମାନ୍ ମାଲି ।

୪୩ ତାଦେ ପାଇଲି ଯାଶୁ ନିଜର ଚେଲାଗୁଠିଆରିନ୍ ପାଖ୍‌ଗେ ମେହିଁୟାସା  
ତେଜିଆସ୍, “ଏନ୍ ନିମାନ୍ ସତ୍ତୁ ତେଜାଦାନ୍, ଇସବୁ ଧନି ଆଲାର୍ ଚିତକା ଦାନତି ଇ  
ଗରିବ ରାଣ୍ଡି ପ୍ରକୃତନ୍ତୁ ବାଗେ ଚିଚିକିଦି । ୪୪ ହେଲେ ଧନୀ ଆଲାରେ ପାଖ୍‌ନ୍ତୁ ବାଗେ  
ଆଦ୍ଲି । ତାମ୍ ତାମେହ ଦରକାର ମାହିରାବ୍‌କା ପଇଶାତି ହି ଦାନ୍ ଚିଚ୍‌କାନାର୍ । ହେଲେ  
ଇ ରାଣ୍ଡି ବାଗେ ଗରିବ ଇଗରିବଗେ ପାଖ୍‌ନ୍ତୁ ଯାହା ରାତା ଇବ ସବୁ ଚିଚାଲାଗିଆ ତାଦେ  
ଚାଲ୍ଲାଗେ ସେତକି ଖାଲି ସମ୍ବଳ ରାତା ।”

### ମନ୍ଦିର୍-ହଚରନା ସମ୍ପର୍କନ୍ତୁ ଯାଶୁସେ ଭାବବାଣୀ

**୧୩** ୧ ଯାଶୁ ମନ୍ଦିର ଉଲ୍ଲି ବାହାରି କାନା ସମୟନ୍ତୁ ତାଦେ ଅଷ୍ଟା ଚେଲା ତାଜା  
ତେଜିଆସ୍, “ଗୁରୁ, ଏରା, ଇ ମନ୍ଦିରତା ସୁନ୍ଦର ଆସ୍ତା ଗୁଠି ଆଉ ତାଦେ  
କହା ଚାତା ଗୁଠି ନିଆଁ ସୁନ୍ଦର ମାଞ୍ଚିଚିକିତି ?”

୨ ଯାଶୁ ତେଜିଆସ୍, ନିମ୍ ଇ ବିଶାଲ୍ ଆଲ୍ଲାବନ୍ ଏରାଦାର୍ ? ଇ’ ଆଲପାଗୁଠି  
ହଚରକୋ । ସବୁ ଚାତାଗୁଠି ହାଜୁନ୍ତୁ କାଚଲାରଦା ଖାତର୍ । ଅଷ୍ଟା ହେଲେ ଅଲଗା ଚାତା  
ଆଉ ଚାତାମିଆଁ ରାପଲ ।

୩ ପାଇଲି ଯାଶୁ ମନ୍ଦିର୍ ସାମାନ୍ତା ରାବ୍‌କା ଜିତ ପାରତା<sup>18</sup> ମିଆଁ ଅକାତାର । ତାଦେ  
ସାଜେ ପିତର, ଯାକ୍‌ବ, ଯୋହନ ଆଉ ଆହିୟ ରାତାର୍ । ତାମ୍ ଯାଶୁସିନ୍ ବ୍ୟକ୍ତିଗତ

<sup>18</sup> ୧୩:୩ ଜିତ ପାର୍ତା ଯାଶୁଖାଲମର ପୂର୍ବତ୍ତି ରାଚକା ଅଷ୍ଟା ପାର୍ତା, ଏକାସାନ ମନ୍ଦିର ତୁଲ ଏରା  
ଆଜର୍ ।

ଭାବନ୍ତୁ ମେଣ୍ଡାସ୍ । ୪“ଇସବୁ ଏକ୍ଲା ଘଟ, ଏମା ତେଜା ? ସବୁ ଘଟ୍ଟା ସମୟ ମାଆକେରା ବୋଲି, ଏ’ୟେ ଏ’ୟେ ଚିହ୍ନ ଗୁଠି ଏରାଖାତର୍ ?”

୫ଯାଶୁ ଚେଲାଗୁଠିଆରିନ୍ ତେଜିଆସ୍, “ସାବଧାନ୍ ! ନିମା ନେରଭି ପ୍ରତାରଣା କାମା ପଲ୍ଲର । ୬ନିଅଁ ଆଲୁ ବାରର୍ ଆଉ ତାମ୍ ଏଢେ ନାମେ ବେଭାର କାମର୍ । ତାମ୍ ଦାବି କାମର୍, ‘ଏନ ହୁବ’ । ତାମ୍ ବାଗେ ଆଲାରିନ୍ ପ୍ରତାରଣା କାମର୍ । ୭ନିମ୍ ଯୁଦ୍ଧ ବିଷୟନ୍ କା, ଯୁଦ୍ଧ ଚାକ୍ରାକାଟିକା ବିଷୟନ୍ ଉଲ୍ଲରକାଟିକା ଖବର ମେନାୟା ଆମେକେ ଏଲତା । ଅନ୍ତିମ କାଳ ବାରନା ଆଘଲିନ୍ତି ଇ’ସବୁ ଘଟଣା ନିଶ୍ଚୟ ଘଟୁ । ୮ଅଣ୍ଟା ଜାତି ଆଉ ଅଣ୍ଟା ଜାତି ବିରୋଧନ୍ତୁ, ଅଣ୍ଟା ରାଜି ଅନ୍ୟ ରାଜି ବିରୋଧନ୍ତୁ ଲଢେଇ କାମର୍ । ବାଗେ ଜାଗାନ୍ତୁ ଭୂମିକମ୍ପ ମାନ । ଆଲାରେ ଅନାଗେ ମାହି ହାଖୁରି । ଇବ ସବୁ ଏକାପୁନା ହାଦୁସେ ଜନମ୍ ଆଢ୍ଫିତା ଛୁଆଲିମାନା ଦୁଃଖୁ ବୋଲି ମାନ ।

୯ନିମ୍ ଗୁଠିଆର୍ ସତକ୍ ରାକେ । ଆଲାର ନିମାନ୍ ବନ୍ଦିକାମରା ବିଚାର ଯାଗାଗେ ସର୍ପର ଚିଅର୍ । ତାମ୍ ନିମାନ୍ ତାସେ ସାମାଜ୍ ଆଲପାନ୍ତୁ ତେମର୍ । ଏଢେ ଚେଲା ମାନ୍ଦିକା ଯୁଗୁରୁ ନିମା ଶାଶକ ଆଉ ରାଜାଗୁଠିଆରେ ଆଘଲି କାକେ ଇଲାଗେ ବାଧ୍ୟ କାମର୍ । ନିମ୍ ଏଢେ ବିଷୟନ୍ତୁ ପରମାଣ ଚିଅର୍ । ୧୦ହେଲେ ଇସବୁ ନାଲଖୁ ଘଟକା ଆଘଲିନ୍ତି ସବୁ ଜାତିତା ଆଲାଗେସାନ୍ ସୁସମାଚାର<sup>19</sup> ଚାହାଲାଗେ ତେଜାଗେ କାମର୍ । ୧୧ତାମ୍ ନିମାନ୍ ବନ୍ଦିକାମର ଜେରା କାମର । ତାମ୍ ନିମାନ୍ ବିଚାର କାମାଗେ ଯଦି ହୁନାର, ହେଲେ ନିମ୍ ହୁସାନ୍ ଏୟେ ତେଜର୍, ହୁ ବିଷୟନ୍ତୁ ଆଢ୍ଫିତି ଏକ୍ଲହେଲେ ଚିନ୍ତା ଆମାକାମା । ହୁ ସମୟନ୍ତୁ ନିମା ପରମେଶ୍ୱର ଯାହା ତେଜାଗେ ଚିଅର୍, ହୁବ ନିମ୍ ତେଜର୍, କାରଣ ହୁବାକେ ପ୍ରକୃତନ୍ତୁ ନିମ୍ କାଥା ଆମ୍ କେ କାମା ହେଲେ ପବିତ୍ରଆତ୍ମା କାଥା ତେଜ ।

୧୨“ଭାଇ, ଭାଇରିନ୍ ମରଣମୁହିଗେ ଠେଲର୍ ତର । ବୁଆ ତାଢେ ହାଦୁସେ ଖୁଆଗେ ଲାଗିନ୍ ଚିଅର ଲାଗର । ହାଦୁଗୁଠିଆର୍ ବୁଆମାରେ ବିରୁଧନ୍ତୁ ଇଜ୍ଜର ଆଉ ତାମ୍ ତାମାନ୍ ପିତରତର ୧୩ନିମ୍ଗୁଠିଆର୍ ଏଢେ ଚେଲା ମାନତାକାଟିକା ଯୋଗୁ ସବୁର୍ ନିମାନ୍ ଘୃଣା କାମର୍ । ହେଲେ ଏକା ଆଲାସ୍ ଶେଷ ଯାକେ ଧୈର୍ଯ୍ୟ ଧାରସା ଦୁତ ମାନଶା ରସ, ତାନ୍ ରକ୍ଷା ହାଖର ।

<sup>19</sup> ୧୩: ୧୦ ସୁସମାଚାର ସୁସମାଚାରତା ଅଭିପ୍ରାୟ ମାନାଲି, ପରମେଶ୍ୱର ଖ୍ରୀଷ୍ଟସେ ମାଖାନ୍ ଅଣ୍ଟା ପାବୁ ପ୍ରସ୍ତୁତ କାମକାନାର ଇବ ଆଲାରିନ୍ ଜାଣାବା । ହୁଦଗେ ଦ୍ୱାରା ଆଲାରିନ ତାସେ ପାପି ଲାଗିରାଖିସେ ମାଖାନ୍ ଅଣ୍ଟା ପାବୁ ପ୍ରସ୍ତୁତ କାମକାନାର ଇବ ଆଲାରିନ୍ ଜାଣାବା । ହୁଦଗେ ଦ ଖ୍ୟମାହାଖର ଆଉ ତାମ୍ ପରମେଶ୍ୱରସେ ସାଜେ ରର୍ । ଏକା ଆଲାସ୍ ଇ ଖୁନାବୋ ସ୍ୱାକାର କାମି, ପରମେଶ୍ୱରସେ ଭି ତାଜାନ୍ ସ୍ୱାକାର କାମନାର ।

୧୪“ନିମ୍ ଗୁଠିଆର୍, ନିପାତ୍ କାମ୍ନା ଏଲ୍‌ତାକା ଜିନିଷ’ ଏକାସାନ୍ ମାହିରାନା କାଥା, ହୁ କାଗାନୁ ରାନା ଏରର୍ ।” ନେର ଇବ ପାତନାଅର, ତାମ୍ ବୁଝୁର୍ନା କାଥା ଯେ ଇଦଗେ ଅଥ ଏୟେ ? ହୁ ବାକେ ଯାହୁଦାତା ଆଲାର୍ ପାରତା ମିଆଁ କାନାକାଥା । ୧୫ଏକା ଆଲାସ୍ ଆହ୍ଲାତା ଛାତ ମିଆଁ ରସ୍, ତାନ୍ ଆହ୍ଲା ଉଲ୍ଲା କାଲାୟା କିଛି ହେଲେ ହାଖାଗେ ତାଲିଗେ ମାଲ୍ଲି ବାର୍ନା କାଥା । ୧୬ଯଦି ନେର୍ ବାହାରି ପାଲିଆନୁ ରାଇ, ତାନ୍ ନିଜର ତାଦର ଅୟରାଗେ ଲାଗିନ୍ ଆହ୍ଲା ମାଲ୍ଲି କିର୍ନା ।

୧୭“ହୁ ସମୟନ୍ କୁଳୁନ୍ ରାତକା ମୁଝା ଆଉ କଳୁନ୍ ଛଟେ ହାଦୁରାଟ୍‌କା ମୁଝାଗୁଠିଆରେ ଲାଗି ବାଗେ ଶୋତନୀୟ ମାନ । ୧୮ପ୍ରାର୍ଥନା କାମା, ଯେ ଇ’ସବୁ ପାୟା ଉଲ୍ଲାନୁ ମାହିମାନି । ୧୯କାରଣ ହୁ ଉଲ୍ଲାନୁଠି ବିପଦନ୍ ମାଳବାର । ହୁବାକେ ଏହେଦି ଅଞ୍ଜା କହା ବିପଦ୍ ମାଳବାର ଯେ, ହୁଦାଦି କଡ଼ା ବିପଦ୍ ପରମେଶ୍ୱରସେ ସୃଷ୍ଟି କାମନା କାଳକ୍ତି ଇନ୍ନା ଯାକେ ମାଲ୍ଲାବାରୁ କା ଭବିଷ୍ଟନ୍ ଏକଲ ଭି ମାହିବାରି । ୨୦ହୁ ଏଲ୍‌ଟକା ସମୟନ୍ କମା ବାଗେ ତିଆଗେ ପରମେଶ୍ୱର ଠିକ୍ କାମକାଟିକାନାର । ଯଦି ହୁସମୟ କମାବାତିଆ ମାହି ଖାତର୍, ହେଲେ ନେର୍ ଭି ଉଜ୍ଜା ପଲ୍ଲର । ହେଲେ ପରମେଶ୍ୱର ନେକା ନେକା ରାଟ୍ କାନାର୍, ଖାଲି ହୁବଲାରେ, ଲାଗି ହୁ ସମୟବ କାମାବର ତିଅର୍ ।

୨୧“ହୁ ଉଲ୍ଲାନୁଠିନ୍ ନିଅଁ ଆଲୁ ନିମାନ୍ ତେଜା ଆଙ୍ଗର୍ ଯେ, ଏରା ଇସାନ୍ ଯାଶୁ ଆତଦାସ୍, ହେଲ” ଏରା ଇଶାସ୍ ତାନ୍ ଆତଦାସ୍ ନିମ୍ ହେଲେ ତାମାନ୍ ବିଶାସ୍ ଆମ୍ନେ କାମା । ୨୨ଉଣ୍ଡ ଖ୍ରୀଷ୍ଟ ଆଉ ଉଣ୍ଡ ଭବିଷ୍ୟତ ବକ୍ତା ଗୁଠିଆର୍ ଦେଖାତିଆର୍ ତାମ୍ ଅଭୁତ ନାଲଖୁ ଆଉ ଆଶ୍ଚର୍ଯ୍ୟ ନାଲଖୁ କାମର୍ । ସମ୍ବନ୍ ମାଆହେଲେ, ପରମେଶ୍ୱର ତାଜକାଟିକା ଆଲାରିନ୍ ପ୍ରତାରଣାକାମାଗେ ଚେଷ୍ଟା କାମର୍ । ୨୩ହେଲେ ସାବଧାନ ରାତକେ । ଇସବୁଘଟଣା ଆଘଲିକ୍ତି ଏନ୍ ନିମାନ୍ ତେତା ତିଆଲାଗାଦାନ୍ ।

୨୪“ହୁ ଉଲ୍ଲାନୁଠିନ୍ ଇ କହା ବିପଦ୍ ସମୟବ ଭୁଜା କାନା ସମୟନ୍ ।

‘ବିଲି ସଂପୁର୍ଣ୍ଣ ମାହାଁ ମାନକୋ,

ଚାନ୍ ତା’ରା ବିଲି ମାହିତି ।

୨୫ମିତି ତାରାଗୁଠିଆର୍ ଖାତ୍ରର କର୍,

ମିତା ନକ୍ଷେତ୍ର ମଣ୍ଡଳିତା କହାଶକ୍ତି ଗୁଠି ଦାହାଲାର କୋ ।

ଯିଶାଇୟ ୧୩:୧୦; ୩୪:୪

୨୬ହୁବାକେ ଆଲାର୍ ଆଲୁ ହାଦୁସିନ୍ କହାଶକ୍ତି ଆଉ ମହିମା ସାଙ୍ଗେ ବାଦଲିନ୍ ବାର୍ନାର ଏରର୍ । ୨୭ଆଲୁ ହାଦୁସ୍ ପୃଥିବିତା,ଚେରିପାଖ୍ ତାରା ତାମ୍ବେ ସ୍ୱର୍ଗ-ଦୁତଗୁଠିଆରିନ୍

ତାୟର, ତାମ୍ ତାଘେ ଲାଗାନ୍ ରାଚକାଟିକା ଆଲାରିନ୍ ପୃଥ୍ବିକ୍ତା ସବୁଜାଗାନ୍ତି ଅଧରରା ଅଣ୍ଟାନ୍ କାମର ।

୨୮“ଡିମ୍ବିରି ମାନ୍ନୁ ନାମାନ୍ ଅଣ୍ଟା ଶିକ୍ଷା ଚି । ଯେତେବେଳେ ଡିମ୍ବିରି ମାନ୍ନୁତା ତାଳା ଗୁଠି ଶାଗୁଆ ଆଉ ନରମ ଖାତ୍ରିକାଲ ଆଉ ପୁନା ଆଥା ଉର୍ଷାଗେ ଆରମ୍ଭ କାମି, ହୁବାକେ ନିମ୍ ଆହରକରେ ଯେ ବିକ୍ଳାଗାନ୍ଦ ବାର୍ତାଦି । ୨୯ଏନ୍ ନିମାନ୍ ଯାହା ତେଜାଦାନ୍, ଠିକ୍ ଇବ ଏହେଦି ଘଟ । ନିମ୍ଗୁଠିଆର୍ ଯେତେବେଳେ ଇହାଦି ଘଟନ୍ନା ନିମ୍ ଏରର୍ ହୁବାକେ ବୁଝରାଯେ ହୁ ସମୟ<sup>20</sup> ପାଖୁଗେ ହାଁତିଆ କେରାଦି । ୩୦ଏନ୍ନିମା ସତୁ ତେଜାଦାନ୍ । ଇପିଡିତା ଆଲାର୍ ଉଜ୍ଜନା ସମୟନ୍ ହିଁ ଇସବୁ ଘଟଣା ଘଟର୍ । ୩୧ପୃଥ୍ବୀ ଆଉ ବିଳି ନଷ୍ଟମାନକ, ହେଲେ ଏନ୍ ତେଜାଟିକା ବାକ୍ୟ ଏକ୍ ଲାଭିନଷ୍ଟ ମାଲ୍ଲିମାନି । ୩୨“ହୁ ଉଲା ଆଉ ହୁସମୟନ୍ ନେକାଭି ଏଦେଭି ଜଣା ମାଲ୍ଲ । ସ୍ୱର୍ଗଦୁତ ଆଉ ଆଲୁହାଦୁସ୍ ନେରଭି ଏଦେଭି ଆହା ପଲ୍ଲର, ଖାଲୀ ଇକଥା ପରମପିତା ନାମେ ପରମେଶ୍ୱର ଆହାଦାସ୍ । ୩୩ସାବଧାନ, ସଦାବେଳେ ପ୍ରସ୍ତୁତ ମାନାୟାରା । କାରଣ ହୁ ସମୟ ଏକାବାକେ ଆହୁତ, ହୁବ ନିମ୍ ବାଲ୍ଲର ।

୩୪“ଇ’ବ ଏଦେଦି ଘଟଣା ଏହେଦି ଅଣ୍ଟା ଆଲୁ ଏକା ଜାଗା କାନା ବାକେ ଚାକରଗୁଠିଆରେ ମିଆଁ ନିଜର୍ ଆଲ୍ଲା ଦାୟିଦ୍ ବିଧନାଟିନାର, ଆଉ ସବୁ ଆଲାର୍ ନିଜର ଆକ୍ ପାତା ଚାକରସେ ତାଘେ ନିକ୍ଷା ନାଲଖୁ ଚିଟିକିରାଲ ଆଉ ଚାଳୀ ଯାଗୁନ୍ନୁ ସଦାବେଳେ ପ୍ରସ୍ତୁତ ରାଗେ ଆଦେଶ ଚିତ୍କାଦାସ୍ । ୩୫ହେଲେ ନିମ୍ଗୁଠିଆର୍ ଭି ସବୁବାକେ ପ୍ରସ୍ତୁତମାନାୟା ରା । ହେଲେ ନିମ୍ ବାଲ୍ଦାର୍, ଆକ୍ଷାତା ମାଲିକ ଏକା ବାକେ ଯେ ଆହତସ୍ କସ୍ । ମାହାବାକେ, ଆଧା ମାହାନ୍ନୁ, ପାହାନ୍ତିଆନ୍ ଆଉ ପାଲ୍ଲରି, ଏକା ସମୟନ୍ ଆହାତା ଆଜର୍ । ୩୬ତାନ୍ ଖୁବ୍ ଚାଣ୍ଡେ ବାରା ଆଜଦାସ୍ । ନିମ୍ ଯଦି ସବୁବାକେ ପ୍ରସ୍ତୁତରର୍ । ନିମ୍ ଯଦି ପ୍ରସ୍ତୁତ ମାନାୟାରା ହେଲେ ନିମାନ୍ ତାମ୍ ତୁଡ୍ଲା ଲେଖା ଏରା ପଲ୍ଲସ୍ । ୩୭ଏନ୍ ନିମାନ୍ ଯାହା ତେଜାଦାନ୍, ସବୁରିନ୍ ଅଣ୍ଟାକାଆ ତେଜାଦାନ୍ ଯେ, ସବୁବାକେ ସଜବାଜ ମାନାୟାରା ।”

ଯୀଶୁସିନ୍ ପିତାତାଗେ ଲାଗିନ୍ ଯିହୁଦୀ ନେତାଗୁଠିଆରେ ଯୋଜନା

୧୪

ନିସ୍ତାର ପର୍ବବାକେ ଆଉ ବିନା ବେକୁତା ରୁଟୀ ଆଉ ଜୁଲେ ଉଲ୍ଲା ବାକିରାତା । କହା ଯାଜକ ଆଉ ଯିହୁଦୀ ଧାମେ ଗୁରୁଗୁଠିଆର୍ ଯୀଶୁସିନ୍

<sup>20</sup> ୧୩: ୨୯ ‘ହୁ ସମୟ’ ଇସାନ୍ ଯୀଶୁ ଏକା ସମୟ ବିଷୟନ୍ ଚର୍ଚ୍ଚା କାମାନାର, ହୁ ସମୟ ମାନାଲି, ଯେତେବେଳେ ଏକା ମହତ୍ତ୍ୱପୂର୍ଣ୍ଣ ଘଟଣା ଘଟ । ‘ଲକ୍ ରଚିତ ସୁସମାଚାର’ (୨୧:୩୧) ରେ ଯୀଶୁ ତେଜାଆସ ଯେ ହୁବ ମାନାଲି ପରମେଶ୍ୱରସେ ରାଜି ବାରନା ସମୟ ।

କୈସଳନୁ ବନ୍ଦି କାମଚାରା ପିତାଚାରେ ଉପାୟ ବେଦିୟାର୍ । ୨ତାମ୍ ତେଜିଆର, “ନାମ୍ ପର୍ବ ସମୟନ୍ ଯୀଶୁସିନ୍ ବନ୍ଦି ଆମ୍ବଦକାମା । ହୁହାଦି କାମ୍ ଆଲାର୍ ରାଗୁମାନରା ହଜାମା କାମା ଆଜର୍ ।

### ଅଣ୍ଟା ମୁଙ୍କାରେ ବିଶେଷ ନାଲଖୁ

୩ଯୀଶୁ ବେଥନିୟାନୁ କୁଷ୍ଠ ରୁଗୀ ଶିମନସେ ଆଜ୍ଞାନୁ ଅନାଗେ ଅକ୍ତା ସମୟନ୍ ଅଣ୍ଟା ମୁଙ୍କା ତାଘେ ପାଖୁରେ ବାଟା । ତାନ୍ ଅଣ୍ଟା ଧରୁ ଚିକନ ସିଲ୍ଖଟି ଜିନିଷନ୍ ବାଗେ ପାଇସାତା ଉଶୁନ୍ ଭରତିକାମ୍ତାଦା ଅନ୍ଦରିକିତା । ହୁ ଉଶୁନ୍ ଖାଲୀ ଜଟା ଆହାଳାକ୍ତି ତିଆରି ମାଞ୍ଜିକିତା । ହୁ ମୁଙ୍କା ଶିଶିବନ୍ ଖୁଲ୍ଚିତାଦା ସବୁ ଇଶୁନ୍ ଯୀଶୁସେ କୁକୁନ୍ ତୁନ୍ଦୀଆଟା ।

୪ଇବ ଏରିଆରା ହୁସାନ ରାତକା ନିଅ ଆଲୁ ଖୁବ୍ ବିଝାର୍ କେରାର୍ ଆଉ ତେଜା ତେଜି ମାଞ୍ଜାର, “ଇ ଉସୁନ୍ବ ଏନ୍ଦେଗେ ଏହେଦି ନଷ୍ଟ କାମାଲି ?

୫ଇ ଇସୁନ୍ବ ଅର୍ତ୍ତୁସେ ସାରାବର୍ଷରେ ନାଲଖୁରେ ମୁଲ୍ୟ ସାଙ୍ଗେ ସମାନ୍ । ଇବ ବିଶାଁ ଆକିରଦନେ ଆଉ ତାଘେ ପାଇସା ଗରିବ ଆଲାରେ ହାଟାଗେ ଖାତରିକରଦନେ ।” ହେଲେ ତାମ୍ ମୁଙ୍କାନ୍ ସାଫାର ତେଜାଗେ ଲାଗିଆର୍ ।

୬ଯୀଶୁ ତେଜିଆସ୍, “ହୁ ମୁଙ୍କା ଆଲିନ୍ ହଇରାଣ ଆମା କାମା । ତାଜା ବିଛୁରାଟା । ତାନ୍ ଏଘେ’ ଲାଗିନ୍ ଅଣ୍ଟା ବାଗେ ଭଲ ନାଲଖୁ କାମାଲି । ୭ହେଲେ ଗରିବ ଗୁଠିଆରତ ସବୁବାକେ ନିମ୍ନେ ପାଖୁନ୍ ରର୍, ନିମ୍ ଏକାବାକେ ଚାହାଁର୍, ତାମାନ୍ ସାହାୟ୍ୟ କାମାଆଜର୍ । ହେଲେ ନିମ୍ ଏଜା ସଦାବେଲେ ହାଖାପଲ୍ଲର । ୮“ଇ’ ମୁଙ୍କା ଆଲିଗେ ଏଘେ ଲାଗିନ୍ ଯାହାକାମାଗେ ଶକ୍ତିରାଟା, ତାନ୍ ହୁବ କାମତା, ସମାଧୁ ଲାଗିନ୍ ଏଘେ ଲାଗିନ୍ କାମାଗେ ତାନ୍ ଏଘେ ମେଦୁନ୍ ଏଘେ ଖୁନା ଆଦ୍ଧିକ୍ତି ଇଶୁନ୍ ଦାଲିଆଟା । ୯ଏନ୍ ନିମାଗୁଠିଆରିନ୍ ସତୁ ତେଜାଦାନ, ସାରା ଜଗତନ୍ ଆଲାରେ ମାଝାନ୍ ସୁସମାଚାର ପର୍ତାର୍ କାମର୍ । ଏକା ଏକା ଯାଗାନ୍ ସୁସମାଚାର ପ୍ରଚାରମାନ । ହୁ ହୁ ଜାଗାନ୍ ଇ’ମୁଙ୍କାଗେ ଇନାଲଖୁ ବିଷୟନ୍ ତେଜାଗେ ଖାତର । ଆଲାରେ ତାଜା ମନେ ହେବୁର୍ ।”

### ଯୀଶୁସେ ଶତ୍ରୁଗୁଠିଆରିନ୍ ସାହାୟ୍ୟ କାମାଗେ ଯୀହୁଦା ରାଜି

୧୦ତାଘେ ପାଛଲି ବାରଜଣାୟକ ପ୍ରେରିତ ମାଞ୍ଜାତକା ମାଝାକ୍ତି ଅରତୁ ପ୍ରେରିତ ପ୍ରମୁଖ୍ୟ-ଯାଜକ ଗୁଠିଆର ସାଙ୍ଗେ କାଥା ବାରତା କାମାଗେ କେରାର୍ । ଇ ପ୍ରେରିତସେ ନାମେ ଇଷ୍ଠାରିୟୋତ ଯିହୁଦା । ତାନ୍ ଯୀଶୁସିନ୍ କହା ଯାଜକସେ ହେଖାନ୍ ତିଆଗେ ଚାହାଲିଆସ୍ । ୧୧କହା ଯାଜକ ଗୁଠିଆର୍ ଯିହୁଦାସେ ଇ କାଥାନ୍ ବାଗେ ଖୁସି ମାଞ୍ଜାର ।

ଇ ନାଲଖୁ କାମକୁ ଚିକୁ ତାମ୍ ଯାହୁଦାସେ ପାଇସା ଚିଅମ୍ ବୋଲି ତେଜିଆର୍ ।  
ହେଲେ ଯାହୁଦା ଯାଶୁସିନ୍ କହା ଯାଜକସେ ହେଖାନୁ ଧାରାବା ତିଆଗେ ସୁଯୋଗଗେ  
ଅପେକ୍ଷାନୁ ଚାଚାର୍ ।

### ନିଷ୍ଠାର ପର୍ବଗେ ଭୁଜି

୧୨ ବେକୁ ମାଲ୍ଲିଚିକା ରୁଟୀ ପରବତା ପହିଲ୍ ଉଲା ଯିହୁଦି ଗୁଠିଆର୍ 'ନିଷ୍ଠାରପର୍ବତା ମେଣ୍ଡି  
ହାଦୁନ୍'<sup>21</sup> ବଳି ଚିନାର୍ । ହୁ ଉଲା ଯାଶୁସେ ପାଖୁଗେ ଚେଲାଗୁଠିଆର୍ ବାଟାରା ମେଞ୍ଚାର,  
କିଛି କାମାଗେ ଲାଗିନ୍ ଏମ୍ ଏକାଶାନଗେ କମ୍ ବୋଲି ନିମ୍ ଭାବାଦାର୍ ।

୧୩ ତାଘେ ପାଛଲି ନିଜର ଦୁଇ ଲୋକ ଚେଲାଗୁଠିଆରିନ୍ ନଗର ଗେ ତାୟାର, ଯାଶୁ  
ତାମାନ୍ ତେଜିଆସ, ନଗରଗେ କାଲା ନିମ୍ ଅଣ୍ଟା ଆଲାସ୍ ଆମ୍ନୁ ମାଠିଆ ହୁନାବ ଏରା,  
ହୁ ଆଲାସ ନିମ୍ରେ ପାଖୁଗେ ବାରସ ନିମ୍ ତାମ୍ରେ ପାଛଲି ପାଛଲି କଅର । ୧୪ ହୁ ଆଲାସ  
ଅଣ୍ଟା ଆଲ୍ଲାନୁ କରସ୍, ନିମ୍ ଭି କରା ହୁ ଆଲପାତା ମାଲିକସି ତେଜାର ଯେ'ଗୁରୁ ତେଜା  
ତାୟାଦାସ୍ ଏନ୍ ଏଘେ ଚେଲା ଗୁଠିଆର ସାଙ୍ଗେ ନିଷ୍ଠାର ପର୍ବ ଭୁଜି ଏକା ବାଖାରାନୁ  
କାମମ୍, ହୁ ବାଖରାବ ଏଦା ? ତାଜା ତେଜାୟେ ଗୁରୁ ଇବ ଆହାଗେ ଚାହା ନାର ।  
୧୫ ଆଲପାତା ମାଲିକ ନିମାନ୍ ଗୁଠିଆରିନ୍ ମିତା ମାହଲାନୁ ସବୁ କାମଚାକାଚିକା ଅଣ୍ଟା  
ବାଳେଚେ ବାଖରା ଏଦର । ନିମ୍ ହୁସାନ୍ ନାମ୍ରେ ଲାଗିନ୍ ଅନାଗେ ମାଣ୍ଡି ରୁଟି କାମା ।"

୧୬ ତାଘେ ପାଛଲି ଚେଲାଗୁଠିଆରିନ୍ ହୁଷ୍ଟୀନ୍ ନଗରୋ କେରାର । ଯାଶୁ ତାମାନ୍  
ଯାହା ତେଜାଚାର, ସବୁ କାଥା ହୁହାଦି ମାଞ୍ଚା, ହୁସାନ୍ ତାନ୍ ନିଷ୍ଠାର ପର୍ବତା ଖାଦ୍ୟ  
ବିତିଆର ।

୧୭ ମାହାଁ ବାକେ ଯାଶୁ ବାରଜଣ ଯାକ ପ୍ରେରିତରିନ୍ ସାଙ୍ଗେ ସାଙ୍ଗେ କେରାର ହୁସାନ୍  
ଗେ ଆହାଡ଼ିଆର । ୧୮ ତାମ୍ ଅନା ବେନ୍ଦନା ସମୟନ୍ ତେଜିଆସ, "ଏନ୍ ନିମାନ ସତୁ  
ତେଜା ଦାନ୍, ଆକ୍ସୁନ୍ ଏଘେ ସାଙ୍ଗରେ ଅନାଦାର ହେଲେ ନିମ୍ରେସ୍ ତିନ୍ ଅରତୁ" ଏଘେ  
ଗାନେ ବିଶ୍ୱାସ୍ ଘାତକ କାମସ୍ ।"

୧୯ ଇବ ମେଞ୍ଚାରା ଚେଲାଗୁଠିଆର ବାଗେ ମନ୍ ଦୁଃଖ କାମ୍ଚାର । ସବୁର ଯାଶୁ ସିନ୍  
ତେଜିଆର, "ଏନ୍ ଇଆଲୁ ମାଲିଆନ୍ ।"

୨୦ ତାଘେ ପାଛଲି ଯାଶୁ ତାମାନ୍ ତେଜିଆସ, "ହୁ ଆଲାସ ନିମ୍ରେ ବାରଜଣତି  
ଅରତୁ, ନେର୍ ଏଘେ ସାଙ୍ଗେ ବିଶ୍ୱାସ୍ ଘାତକ କାମର । ତାନ୍ ଏଘେ ସାଙ୍ଗେ ଅଣ୍ଟା ଗିନାନୁ

<sup>21</sup> ୧୪:୧୨ 'ନିଷ୍ଠାରପର୍ବତା ମେଣ୍ଡି ହାଦୁନ୍' ନିଷ୍ଠାର ପର୍ବ ପାଳନ୍ କାମାଗେ ପରମ୍ପରା ଅଣ୍ଟା ମେଣ୍ଡି  
ହାଦୁ ପରମେଶ୍ୱରସେ ଉଦ୍ଦେଶ୍ୟରେ ଉପହାର ସ୍ୱରୂପ ଅର୍ପଣ କାମ୍ ନାର । ଯାତ୍ରା ୧୨:୩-୯

ରୁଚି ହୁବାବାଦସ୍ । ୨୧ ଆଲୁହାଦୁସ୍ କସା ଖୁଆଗେ ଖାତର । ଇହାଦି ଘଟବଲି ଶାସ୍ତ୍ରନ୍  
ଲେଖା ଆତଲି । ହେଲେ ନେର ବିଶ୍ୱାସ ଘାତକ କାମସ, ତାନ୍ ଜନମ୍ ମାଲ୍ଲି ମାଳା  
ହେଲେ, ଠିକ ମାଞ୍ଚିକି ରବନେ ।”

### ପ୍ରଭୁ ଭୁଜି

୨୨ ତାମ୍ ମହାନ୍ ସମୟନ୍ ଯୀଶୁ କିଛି ରୁଚି ଅତାଷା, ହୁ ରୁଚି ଲାଗି ପରମେଶ୍ୱର ସିନ୍  
ଧନ୍ୟବାଦ ଚିତାଷ । ରୁଚି ହାଚିଆସା ଚେଲାଗୁଠିଆରିନ୍ ତେଜିଆସ ଚିତାଷ, “ଇ ରୁଚି  
ହୁଆ । ଇବ ଏଢେ ମେଦୁ ।”

୨୩ ତାଢେ ପାଛଲି ତାନ୍ ଦ୍ରକ୍ଷାରାସେ ଗିନାବନ୍ ଅତାଷା । ତାଢେ ଲାଗିନ୍  
ପରମେଶ୍ୱରାସେ ଧନ୍ୟବାଦ୍ ଚିତାସ । ତାଢେ ପାଛଲି ହୁବ ଚେଲାଗୁଠିଆରେ ଚିତାଷ । ସବୁ  
ଚେଲାଗୁଠିଆର ହୁଗିନାତି ଦ୍ରାକ୍ଷାରାସେ ହାପିଆର । ୨୪ ତାଢେ ପାଛଲି ଯୀଶୁ ତେଜିଆସ,  
“ଇବ ଏଢେ ହେଶୁ । ଏଢେ ହେଶୁ ଅଷ୍ଟା ପୁନାନିୟମ୍ ଆରମ୍ କାମତାର । ଇନିୟମ୍ ବନ୍  
ପରମେଶ୍ୱର ସେତି ତାମ୍ରେ ଆଲାରେ ଲାଗିନ୍ ମାଞ୍ଚାକିତି, ଇହୋଶୁ ଅନେକ ଆଲାରେ  
ତିଆଖାରିକିତି । ୨୫ ଏନ୍ ନିମାନ ସତୁ ତେଜା ଦାନ୍, ଏନ୍ ଏକା ଯାକେ ପୁନା ଦ୍ରକ୍ଷାରସେ  
ମାଲ୍ଲି ହାପା ଯାକେ, ହୁ ଉଲ୍ଲା ଯାକେ ଆଉ ଦ୍ରକ୍ଷା ରାସେ ଆମକେ ହାପା ।”

୨୬ ସବୁ ଚେଲାଗୁଠିଆର୍ ମେସରାର, ଅଷ୍ଟା ଗିତୁ ପାଲିଆର ଆଉ ତାଢେ ପାଛଲି ଜିତ  
ପାର୍ତା ମିଆ ଭଢାରକେରାର ।

### ଯୀଶୁସେ ଅନୁସରଣ କାମକା ସବୁର୍ ତାଙ୍ଗାନ୍ ଆମ୍ନି ଆରୁ

୨୭ ଯୀଶୁ ଚେଲାଗୁଠିଆରି ତେଜିଆସ, ନିମ୍ ସବୁର୍ ନିମ୍ରେ ବିଶ୍ୱାସ୍ ହରାଆବାଗେ  
ଅଙ୍କର୍ । ଇବ ଶାସ୍ତ୍ରନ୍ ଲେଖା ଆତଲି,

‘ଏନ୍ ମେଣ୍ଡି ଚରିଆସିନ୍ ପିଟନ୍ ଚନ୍,

ହେଲେ ମେଣ୍ଡିଗୁଠିଆର୍ ଇଆହାୟା ଭୁଙ୍ଗର୍ କର୍ ।’

ଯିଖରିୟ ୧୩:୭

୨୮ ହେଲେ ଏନ୍ କେରକା ପରେ ଆଉଥରେ ଉସ୍ କାରନ୍ । ତାଢେ ପାଛଲି ଏନ୍  
ଗାଲିଲୀଗେ କନ୍ । ନିମ୍ ହୁସାନ୍ ଗେ କାନା ଆଘଲିକ୍ତି ଏନ୍ କନାରନ୍ ।”

୨୯ ପିତର୍ ତେଜିଆସ, ଆଉ ଆଲଗା ସବୁ ଚେଲା ମାଲ୍ଲାତ ତାମ୍ରେ ବିଶ୍ୱାସ୍ ହାରାବର୍ ।  
ହେଲେ ଏନ୍ ଏଢେ ବିଶ୍ୱାସ୍ ଏକ୍ଲୁଭି ମାଲ୍ଲି ହାରାବାଦାନ୍ ।”



୩୦ ଯୀଶୁ ଉତ୍ତର ଚିତାଷ୍ଟ, “ଏନ୍ ନିଜା ସତୁ ତେଜାଦାନ୍; ଇନା ମାହାନ୍ତୁଁ ହେରୁ ଦୁଇଥର ମେହା ଆଦଲିତି ଏଜା ମାଲ୍ଲା ଚିହ୍ନୁଉ ବୋଲି ତିନି ଥର ତେଜାୟା ।”

୩୧ ଇକାଥା ମେଞ୍ଚାସା ପିତର ଆହୁରି ବାଗେ ତେଜିଆସ୍, “ଏଜା ନିମ୍ନେ ସାଜେ ଖୁଆଗେ ଖାତ୍ରା ହେଲେ ସୁଦ୍ଧା ଏନ୍ ନିମା ମାଲ୍ଲାଚିହ୍ନୁ ବୋଲି ଏକ୍ଲୁଭି ମାଲ୍ଲି ତେଜାଦାନ୍ ।” ଆଉ ସବୁ ଚେଲାଗୁଠିଆର ହୁହାଦି ତେଜିଆର ।

### ଯୀଶୁ ଅଥାସି ପ୍ରାର୍ଥନା କାମଦାସ୍

୩୨ ଯୀଶୁ ଆଉ ତାଙ୍ଗେ ଚେଲାଗୁଠିଆର ଗେଥ୍ ଶିମାନି ନାମେନ୍ଦୁ ଅଣ୍ଟା ଜାଗାଗେ ବାର୍ଚରା । ଯୀଶୁ ଚେଲାଗୁଠିଆରିନ୍ ତେଜିଆସ୍, “ଏନ୍ ପ୍ରାର୍ଥନା କାମାଗେ ନିମ୍ ଇସାନ୍ ଅଙ୍କାରା ।” ୩୩ ତାନ୍ ପିତର, ଯାକୁବ ଆଉ ଯୋହନ ସିନ୍ ତାଙ୍ଗେ ସାଜେ ବାରାଗେ ତେଜିଆସ୍ । ତାଙ୍ଗେ ପାଛଲି ଯୀଶୁ ବାଗେ ବିଚଲିତ୍ ଆଉ ଦୁଃଖନ୍ଦୁ ଫୁଲ୍ ମାନାଗେ ଲାଗିଆସ୍ । ୩୪ ଯୀଶୁ, ପିତର, ଯାକୁବ ଆଉ ଯୋହନ ସିନ୍ ତେଜିଆସ୍, “ଏଙ୍ଗେ ହୃଦୟ ବ ଦୁଃଖନ୍ଦୁ ହଟାକାଲି । ଏଙ୍ଗେ ଜିଆଉର୍ଖନାକାନା ଲେଖା ଦୁଃଖଲାଗାଲି । ଇସାନ୍ରା ଆଉ ଚେତାମାନାୟାରା ।”

୩୫ ଯୀଶୁ ତାଙ୍ଗେସ୍ ତିନ୍ ଚିକେ ଗେଛା ଏକିଆସ୍ କେରାସ୍ । ତାଙ୍ଗେ ପାଛଲି ଯୀଶୁ ହାଜୁନ୍ଦୁ ଖାତରାର କେରାର୍ । ଆଉ ପ୍ରାର୍ଥନା କାମ୍ ତାର ଯଦିମାନି, ଇ’ଦୁଃଖତା ସମୟ ବ ଘୁଟାରନା କାନା । ୩୬ ତାନ୍ ତେଜିଆସ୍, “ଆବ୍ବ<sup>22</sup> ହେ ପରମ୍ ପିତା ନିମ୍ନେ ସାନ୍ ସବୁକିଛି ସମ୍ବ ବ । ଏଙ୍ଗେସ୍ତ୍ର ଦୁଃଖଗେ ଗିନାବନ୍<sup>23</sup> ଗେଛା କାମାତା । ତଥାବି ଜାହା ନିମ୍ନେ ଇଛା, ହୁବ କାମା । ହେଲେ ଏଙ୍ଗେ ଇଛାନ୍ଦୁ ଏନ୍ଦେଧରି ମାଲ୍ଲା ।”

୩୭ ତାଙ୍ଗେ ପାଛଲି ଯୀଶୁ ତାଙ୍ଗେ ଚେଲାଗୁଠିଆରେ ପାଖ୍ରେ ବାର୍ତାଷ୍ । ତାନ୍ ତାମାନ୍ ହାନ୍ଦରା ଚିନା ।

ଏରିଆସ୍ । ତାନ୍ ପିତରସିନ୍ ତେଜିଆସ୍, “ଶିମୋନ, ନିମ୍ ଗୁଠିଆର ତୁକ୍ତାଚିକାର ? ନିମ୍ ଅଣ୍ଟା ଘଣ୍ଟାଲାଗି ଚେତା ମାଲ୍ଲିରା ଆଙ୍କାର୍ । ୩୮ ନିମ୍ ଚେତାରା ପ୍ରାର୍ଥନା କାମାକା ଯେ, ନିମ୍ ଗୁଠିଆର ଏକ୍ଲୁଭି ପରିକ୍ଷାନ୍ଦୁ ଆମା ଖାତର୍ । ଯାହାଠିକ୍ ହୁବନିମ୍ନେ ଆତ୍ମା କାମାଗେ ଚାହାଁଲି । ହେଲେ ନିମ୍ନେ ମେଦୁ ହୁବନ ମାନାଲୀ ।”

<sup>22</sup> ୧୪:୩୬ “ଆବ୍ବ” ଇବ ବୁଆସେ ଲାଗି ଅଣ୍ଟା ସମ୍ବନ୍ଧାଧନ୍ ଶବ୍ଦ ।

<sup>23</sup> ୧୪:୩୭ “ଯନ୍ତ୍ରଣାତା ଗିନା” ଯୀଶୁ ଏକା ଯନ୍ତ୍ରଣା ଭଗବାନସ୍, ଇସାନ୍ ତାନ୍ ତାଙ୍ଗେ ବିଷୟନ୍ଦୁ ସଙ୍କେତ୍ ଚିଆନାର୍ । ଇବ ବାଗେ କଠୋର । ବାଗେ ଖରାପ୍ ସ୍ବାବାଦ-ଯୁକ୍ତ ପୁରା ଫୁଲ୍ ଆମ୍ଲି ହାପ୍ନାଲେଖା ଇବ ଗ୍ରହଣ କାମାଗେ ଅତି କଠିନ୍ ।

୩୯ ଆଉଥରେ ଯିଶୁ କିରିଆସ୍ ହୁହାଦି ପ୍ରାର୍ଥନା କାମ୍‌ତାଷ୍ । ୪୦ତାଘେ ପାଛଲି ଚେଲାଗୁଠିଆରେ ପାଖୁଗେ ଆଉ ଥରେ କିରିଆର୍ ବାରତାର୍ । ଆଉ ଏରିଆର୍ ଯେ ତାମ୍ ଆଉଥରେ କିରିଆର୍ ବାର୍ତାର୍, ତାମ୍ ହାନ୍ତୁ ଝୁମୁରାନ୍ତୁ ମୁଧୁରାକାଲିଆ, ଚେଲାଗୁଠିଆର୍ ଆହା ପଲ୍ଲୀଆରଯେ, ତାମ୍ ଯୀଶୁସିନ୍ ଏୟେ ଉତ୍ତର ଚିଆର୍ ।

୪୧ ଯୀଶୁ ତିନିଥର ପ୍ରାର୍ଥନା ମୁଞ୍ଜନାଗେ ଚେଲାଗୁଠିଆରେ ପାଖୁଗେ ଆଉଥରେ କିରିଆର୍ ବାର୍ତାର୍ ଆଉ ତେଜିଆର୍, “ନିମ୍ ଆକୁନ୍‌ଜିନିମ୍ ତୁତାୟା ସୁତ୍ତାରାଦାର୍ ? ବାଗେ ସମୟ ମାଞ୍ଜାଦି ଆକୁନ୍ତୁ ଆଲହାଦୁସେ ପାପୀଗୁଠିଆରେ ହେଖାନ୍ତୁ ଧାରାବାନା ସମୟ ଆହାତିଆକେରା । ୪୨ ଇଲା । ନାମ୍ ଆକୁନ୍‌କତା ଏରା, ଏଜା ବିଶ୍ୱାସ ଘାତକ କାମ୍‌ତାଷା ଧାରାବାଗେ ଆଲୁ ଆକୁନ୍‌ବାରାନାର୍ ।”

### ଯୀଶୁ ବନ୍ଦି ମାଞ୍ଜାସ୍

୪୩ ଯୀଶୁ ଇ' କାଥା ତେଜନା ସମୟନ୍ତୁ ଯୀହୁଦା ବାରତଷା ହୁସାନ୍ ଆହାତିଆସ୍ । ତାନ୍ ବାରଜଣ ପ୍ରେରିତରେ ମାଝାନ୍ତୁ ଅର୍ତ୍ତୁ ରାତାଷ । ତାଘେ ସାଜେ ଅନେକ ଆଲୁ ରାତାର । ହୁ ଆଲାରିନ୍ କହା ଯାଜକ, ଧାମେ ଗୁରୁ ଆଉ ପାତା ଯୀହୁଦି ନେତାଗୁଠିଆର ତାୟକାଚାର । ଯୀହୁଦା ଆଉ ହୁଆଲାର ହେଖାନ୍ତା ଖଣ୍ଡା ଆଉ ଠେଙ୍ଗା ଧରକାଚାର ।

୪୪ ବିଶ୍ୱାସ ଘାତକ ଯୀହୁଦା ହୁ ଆଲାରିନ୍ ଯୀଶୁ ସିନ୍ ଚିହ୍ନା ଚାଗେ ଅଣ୍ଟା ସକେତ ଚିତକାତାଷ । ତାନ୍ ତେଜାଚାଷ: “ଏକା ଆଲାରସିନ୍ ଏନ୍ ତୁମାଚିଆନ୍, ତାନ୍ ମାନାଦାସ ଯୀଶୁ । ନିମ୍ ତାଜା ବନ୍ଦିକାମର ଆଉ ସାବଧାନନ୍ତୁ ଚେଛାଗେ ହୁଅରକର ।” ୪୫ ଯୀହୁଦା ଯୀଶୁ ସେ କେରାର୍ ଆଉ ତେଜିଆସ୍, “ଗୁରୁ !” ଆଉ ତାଘେ ପାଛଲି ଯିହୁଦା ଯୀଶୁସିନ ତୁମା ଚିତାଷ । ୪୬ ଇ' ସମୟନ୍ତୁ ଆଲାର୍ ଯୀଶୁସିନ୍ ଧାର୍ ତାରା ବନ୍ଦିକାମ୍‌ତାର୍ ଅତାର୍ । ୪୭ ଯୀଶୁ ପାଖୁ ଇବ୍‌କାଚିକା ଅରତୁ ଚେଲା ତାଘେ ଖଣ୍ଡା ଅଥରାସା ମହା ଯାଜକସେ ଅଣ୍ଟା ଚାକରସେ ମିଆଁ ଆଘାତ୍ କାମ୍‌ତାଷ୍ । ହୁତାକରସେ ହେବ୍‌ଦା ମୁରୁକାରା କେରା ।

୪୮ ଯୀଶୁ ହୁ ଆଲାରିନ୍ ତେଜିଆସ୍, “ଏନ୍ ଏୟେ ଅଣ୍ଟା ଅପରାଧ୍ ଯେ, ନିମ୍ ଗୁଠିଆର୍ ଖଣ୍ଡା ଆଉ ଠେଙ୍ଗା ଆନ୍ଦିକାର୍ ଏଜା ଧାରା ହୁଆଗେ ବାର୍‌କାଦାର୍ ? ୪୯ ସବୁ ଦିନ୍ ମନ୍ଦିରନ୍ତୁ ଶିକ୍ଷା ଚିନା ସମୟନ୍ତୁ ଏନ୍ ନିମ୍ନେ ଗାନେ ରାବ୍‌କାନ୍ । ହେଲେ ହୁବାକେ ନିମ୍ ଏଜା ବନ୍ଦିମାଲ୍ କାମ୍‌କାର୍ । ହେଲେ ଶାସ୍ତ୍ରନ୍ତୁ ଯାହା ଲେଖା ଆତ୍‌ଲି ହୁବୟେତି ସତ୍ତମାନ୍, ହୁଦଗେଲାଗି ଏହାଦି ମାନାଲି ।” ୫୦ ତାଘେ ପାଛଲି ଯୀଶୁ ସେ ଚେଲାଗୁଠିଆର୍ ତାଜାନ୍ ଆମ୍‌ିଆରା କୁଧ୍‌ଆର୍‌ତାର୍ ।

୫୧ ଅଣ୍ଟା ଯାହାଁସ୍ ଯିଶୁସିନ୍ ଅନୁଶରଣ୍ କାମାଲିଆସ୍ । ତାନ୍ ଖାଲି ଅଣ୍ଟା ସରୁ ରେଷମ୍  
ଚିତା କୁରୁକାଚାଷ୍ । ହୁଆଲାର୍ ଯହାଁସିନ୍ ଧାରାଗେ ଚେଷ୍ଟା କାମତାର୍ ।

୫୨ ତାନ୍ ଚିତାବ୍ ଏତିଆଚାଷ୍ ଆଉ ଲାଙ୍ଗଲା ମାଞ୍ଚାସା କୁଧୁଆରା ଭୁଞ୍ଜିଆସ୍ ।

### ଯିହୁଦୀ ନେତାସେ ଆଘଳିକାଳେ ଯୀଶୁ ସେ ବିଚାର୍

୫୩ ହୁଆଲାର୍ ଯୀଶୁସିନ୍ ମହା ଯାଜକସେ ପାଖ୍‌ଗେ ଅଚାର୍ କେରାର୍ । ସବୁ ପାର୍‌ଧାନ୍  
ଯାଜକ, ପାଚା ନେତାଗୁଠିଆର୍, ଆଉ ଧାରାମେ ଶାସ୍ତିଗୁଠିଆର୍ ଅଣ୍ଟାଲ ମାଞ୍ଚାର୍ ।  
୫୪ ପିତର ଯୀଶୁ ସେତକି ଗେଛାନୁ ରାଚାସା ତାଘେ ପାଛଲି ପାଛଲି ବାର୍‌ଚାଷା ମହା  
ଯାଜକସେ ଚାଲିଉଲ୍ଲା ଆହାତିଆର୍ । ତାନ୍ ହୁସାନ୍ ପ୍ରହରି ଗୁଠିଆର୍ ଗାନେ ଅକିଆସା  
ଚିତୁନ୍ ସେକରାଲିଆସ୍ ।

୫୫ ପାର୍‌ଧାନ୍ ଯାଜକ ଆଉ ସବୁ ଯିହୁଦୀ ମହାସଭା ଯୀଶୁସିନ୍ ଖୁନାଦଣ୍ଡ ଚିଆଗେ  
ତାଘେ ବିରୁଦ୍ଧନ୍ ଏନ୍ଦେଭି ଦଶୁ ଅଥରାଗେ ଚେଷ୍ଟା କାମତାର୍, ହେଲେ ଖୁନାଦଣ୍ଡ  
ଚିଆଗେ ଲେଖା ଏନ୍ଦେଗି ଦଶୁ ମାଲୀ ହାଖୁଆ । ୫୬ ଅନେକ ଆଲୁ ବାର୍‌ଚାର୍ ଯୀଶୁ ସେ  
ବିରୁଦ୍ଧନ୍ ଠାକା ସାକ୍ଷି ଚିଚାର୍ । ହେଲେ ତାମ୍ ସବୁ ଅଲଗା ଅଲଗା କାଥା ତେଜିଆର୍ ।  
ତାମ୍‌ସେ ଗାନେ ନେରଭି ତାମ୍‌ସେ ଉଲଟିମନ୍ତତି ମାହିଁ ରାଚାର୍ ।

୫୭ ତାଘେ ପାଛଲି ନିଅଁ ଆଲୁ ଇଜ୍ଜାରା ଯୀଶୁ ସେ ବିରୁଦ୍ଧନ୍ ଠାକ୍‌ଚାରା ସାକ୍ଷି ଚିଚାର୍  
ତେଜିଆର୍ । ୫୮ ଏମ୍ ଗୁଠିଆମ୍ ଯୀଶୁ ସେ ଇ କାଥା ତେଜନା ମେଞ୍ଚକାଦାମ୍, 'ଇ  
ଆଲାର୍ କାମ୍‌କାଟିକା ମନ୍ଦିରବନ୍ ଏନ୍ ହଟନ୍‌ଚନ୍ ଆଉ ତିନ୍ ଦିନ୍ ଉଲା ଆଉ ଅଣ୍ଟା  
ମନ୍ଦିର କାମନ୍ ଚନ୍, ଯାହା ଆଲାରେ ହେଖାନୁ ତିଆରି ମାହିଁ ମାଞ୍ଚକିର୍ ।' ୫୯ ତଥାବି  
ଇ ଆଲାର୍ ଯାହାସବୁ ତେଜିଆର, ତାଘେ ମାଝାନୁ ନେଖେ କାଥା ନେଖେ ଗାନେ  
ମାହିଁ ଖାତ୍ରା । ୬୦ ତାଘେ ପାଛଲି ସବୁରେ ଅଘଳି କାଳେ ମହା ଯାଜକନେ ଇଜ୍ଜାସ୍ ।  
ତାନ୍ ଯୀଶୁସିନ୍ ତେଜିଆସ୍, ଇଆଲାର୍ ନିମ୍ନେ ବିରୁଦ୍ଧନ୍ ଅନେକ କାଥା ତେଜାଚାର ।  
ନିମ୍ନେ ବିରୁଦ୍ଧନ୍ ନିଅଁ ଅଭିଯୋଗ ଅନ୍ଦରା ଖାତ୍ରା, ହୁ ବିଷୟ ନିମ୍ନେ ଏନ୍ଦେ ଅଭିଯୋଗ  
ଆତଲିକା ? ଇ' ଆଲାର ଏନ୍ଦେ ସତକାଥା ତେଜାନାର ?

୬୧ ହେଲେ ଯୀଶୁ କାଳେ କାଳେ ରାଚାଷା ତାନ୍ ଏନ୍ଦେ ଭି ଉତ୍ତର ମାହିଁଚିଚାଷା ।  
ମାହାଯାଜକ ଯୀଶୁ ସିନ୍ ଆଉ ଅଣ୍ଟା ପ୍ରଶ୍ନ ମେଞ୍ଚାସ୍: "ନିମ୍ ଏନ୍ଦେ ମାହାନ ପରମେଶ୍ୱର  
ତା'ଜଦାସ ଖ୍ରୀଷ୍ଟ ?"

୬୨ ଯୀଶୁ ଉତ୍ତର ଚିଚାଷା, "ହଁ ଏନ୍ ପରମେଶ୍ୱର ତାଜ ଦାନ୍ ଭବିଷ୍ୟତନ୍ ନିମ୍ ଆଲୁ  
ହାଦୁସିନ୍ ହୁ ସର୍ବ ଶକ୍ତିମାନ୍ ସେ ତେବା ତାରତି ଅକାରାନା ଆଉ ସ୍ୱର୍ଗତା ବାଦିଲିନ୍

ବାରନା ଏରର୍।” ୨୩ ମହାଯାଜକ ଇ କାଥା ମେଞ୍ଚାସା ବାଗେ ରାରୁ ମାଞ୍ଚାସା କେରାସ୍ । ତାନ୍ ରାଗୁନ୍ନୁ ନିଜର ଚିତ୍ତବନ୍ତରାରି ଆସା ସବୁରିନ୍ ତେଜିଆସ, “ନାମେ ଆଉ ସାକ୍ଷୀ ଲାଗି ଏହେ ଦରକାର ?” ୨୪ ତାନ୍ ପରମେଶ୍ୱରସେ ବିରୁଦ୍ଧନ୍ ଯାହା ସବୁ ତେଜିଆସ ନିମ୍ ସବୁର ମେଞ୍ଚକାର । ଆକୁନ୍ ନିମ୍ ଏହେ ଭାବଦାର ? ସବୁର ଯୀଶୁ ସିନ୍ ଅପରାଧୀ କାମଚାର ଆଉ ତାଙ୍ଗା ଖୁନା ଦଣ୍ଡ ତିଆବୋଲି ତେଜିଆରୁ ।

୨୫ ହୁସାନ୍ ରାତକ୍ ନିଅ ଆଲାର ଯୀଶୁ ସେ ମିଆଁତୁଫାଲ ହେବଲିଆର । ନିଅଁ ଆଲାର ଯୀଶୁସେ ମୁହଁ କୁଲି ଆରା ବିଧା ମାରଚାର, ଆଉ ନିଅଁ ଆଲାର୍ ଅଟା କାମଚାର ତେଜିଆର, ଆକୁନ୍ ନିମ୍ ଏମା ଏଦାତା ଯେ ନିମ୍ ଅଣ୍ଟା ଭବିଷ୍ୟତ ବକ୍ତା ।” ତାହେ ପାଛଲି ପ୍ରହରିଗୁଠିଆର ତାଙ୍ଗା ଅଚାରା ତେମ୍ତାର୍ ।

### ପିତର ଯୀଶୁସିନ୍ ଆଙ୍କାକାଥା ଅସ୍ତିକାର୍ କାମ୍ତାଷ୍

୨୬ ହୁ ସମୟନ୍ ପିତର ଭି ଚାଲିମାଝାନୁ ରାଚାର, ପିତର ସେ ପାଖ୍ରେ ମାହାଯାଜକ ସେ ଅଣ୍ଟା ଚାକରାଣୀ ବାରଚା । ୨୭ ତାନ୍ ପିତର ସିନ୍ ତିରୁନ୍ ସେକେର୍ନା କାନାବୋ ଏରିଆ । ତାମ୍ ପିତର ସିନ୍ ଭଲସେ ଏରିଆ । ତାହେ ପାଛଲି ଚିହ୍ନତାଦା ତେଜିଆ, “ନିନ୍ ଭି ନାଜରୀତା ଯୀଶୁସେ ସାଙ୍ଗେ ରାଚକାୟ ।” ୨୮ ପିତର ହେଲେ ତେଜିଆସ ଯେ, ତାନ୍ ଏକ୍ ଭି ଯୀଶୁ ସେ ସାଙ୍ଗେ ମାଲାରୁସ । ତାନ୍ ତେଜିଆସ, ନିମ୍ ନେଖେ ବିଷୟନ୍ ତେଜାଦାରା, ଏନ୍ ଆହା ପଲ୍ଲାଦାନ୍ କା ବୁଝୁରା ପଲ୍ଲାଦାନ୍ ତାହେ ପାଛଲି, ପିତର ହୁ ଜାଗା ଆମ୍ବିଆସା ଭୁଜାସ କେରାସ ।<sup>24</sup>

୨୯ ହୁ ଚାକରାଣୀ ଆଉ ଥରେ ପିତରସିନ୍ ଏରିଆଦା ଇଜକିଟା ଆଲାରିନ୍ ତେଜାଗେ ଲାଗିଆ “ଇ ଆଲାସ ହୁବଲାରନ୍ତି ଅରତୁ ।” ୩୦ ଆଉ ଥରେ ପିତର ତେଜିଆସ ଯେ, କାଥା ସତୁ ମାଲି । କିଛି ସମୟନ୍ ଇଜବାଟିକା ସମୟନ୍ ଆଲାର ପିତରସିନ୍ ତେଜିଆର, ନିଶ୍ଚିତ୍ତ ଭାବନ୍ ନିମ୍ ତାମେ ଭଲତି ଅରତୁ । କାରଣ ନିନ୍ ଭି ଗାଲିଲିତି ବାରକାଦାୟ ।”

୩୧ ତାହେ ପାଛଲି ପିତର ଅଭିଶାପ ତିଆଗେ ଲାଗିଆସ, ତାନ୍ ଦୃଢ ଭାବନ୍ ତେଜିଆସ, “ଏନ୍ ପରମେଶ୍ୱରସେ ନାମେନ୍ନୁ ଶପଥ କାମାୟା ତେଜାଦାନ୍ ଯେ, ନିମ୍ ଏକା ଆଲାସେ ବିଷୟନ୍ ତେଜାଦାର, ଏନ୍ ମୁଟେ ମାଲ୍ ଆହୁନ୍ ।”

୩୨ ପିତର ଇ କାଥା ତେଜା ପାଛଲି ପାଛଲିଗେ ଅଣ୍ଟା ହେରୁ ଦୁଇଥର ମେହିଆଁ । ଯୀଶୁ ସେ ସବୁକାଥା ଆକୁନ୍ ପିତରସେ ମନେ ଖାତରା: “ହେରୁ ତିନିଥର ମେହନା ଆଘଲିତି

<sup>24</sup> ୧୪: ୨୮ ପଦସଂଖ୍ୟା ୨୮ ନିଅଁ ଗ୍ରୀକ୍ ପ୍ରତିନ୍ ଇବ ଆତଲି(ହୁ ବାକେ ହେରୁ ଅଣ୍ଟା ମେହିଆଁ) ।

ନିନ୍ ମାଲ୍ଲା ଆହୁନ ବୋଲି ତିନିଥର ଅସ୍ତ୍ରୀକାର କାମର ।” ତାହେ ପାଛଲି ପିତର ବାଗେ ଦୁଃଖନ୍ତୁ ଭାଙ୍ଗାରାସା କେରାସ ଆଉ ଅଲ୍ଲିଆସ ।

### ଶାସନକର୍ତ୍ତା ପିଲାତ ଯୀଶୁସିନ୍ ପ୍ରଶ୍ନ କାମତାର୍

୧୫ ଧାଇରି ମାଲ୍ଲା ବାକେ କହା ଯାଜକସ୍, ପାତା ଯିହୁଦୀ ନେତାଗୁଠିଆର୍ ଆଉ ଧର୍ମେ ଶାସ୍ତି ଆଉ ସବୁ ଯିହୁଦୀ ମହାସଭାନ୍ତୁ ଯୀଶୁସେ ପ୍ରତି ଏହେ ବିଚାର୍ କାମାଖାତର୍, ହୁବ ଛିର୍ କାମତା । ତାମ୍ ଯୀଶୁସିନ୍ ହିଚାତାର୍ ଶାସନ କାମା ପିଲାତସେ ପାଖ୍‌ଗେ ଅତାର୍ କେରାର୍ । ଆଉ ତାହେ ହେଖାନ୍ତୁ ସମର୍ପଣ କାମ୍ ତାର୍ ।

୧ ପିଲାତ ଯୀଶୁସିନ୍ ମେଞ୍ଚାସ୍, “ନିମ୍ ଏହେ ଯିହୁଦୀ ଗୁଠିଆରେ ରାଜା ?”

ଯୀଶୁ ଉତ୍ତର ତିତାସ୍, “ନିମ୍ ଯାହା ତେଜାର୍ ହୁବ୍ ଶତୁ ।”

୩ ପାରଧାନ୍ ଯାଜକ ଗୁଠିଆର୍ ଅନେକ ବିଷୟନ୍ତୁ ଯୀଶୁ ସିନ୍ ଅଭିଯୁକ୍ତ କାମତାର୍ । ୪ ପିଲାତ ଆଉ ଥରେ ଯୀଶୁସିନ୍ ମେଞ୍ଚାସ୍, “ନିମ୍ ଏହେଭି ମାଲ୍ଲି ତେଜାଦାର୍ ? ଏରା, ନିମାନ୍ ତାନ୍ ଅନେକ୍ ବିଷୟନ୍ତୁ ଅଭିଯୁକ୍ତ କାମାନାର୍ ।”

୫ ହେଲେଭି ଯୀଶୁ ଏହେଭି ଉତ୍ତର ମାଲ୍ଲି ତିତାସ୍, ପିଲାତ୍ ଇନ୍ତୁ ବାଗେ ଚକିତ୍ ମାଞ୍ଚାସ୍ କେରାସ୍ ।

### ପିଲାତ ଯୀଶୁସିନ୍ ମୁକ୍ତି ଚିଆଗେ ଅସମର୍ଥ ମାଞ୍ଚାସ୍

୧ ସବୁ ବର୍ଷ ରିତିନୀତି ହିସାବନ୍ତୁ ନିଷ୍ଠାର ପର୍ବ ସମୟନ୍ତୁ ଶାସନକର୍ତ୍ତା ଅଣ୍ଟା ବନ୍ଦି ଆଲାସିନ୍ ମୁକ୍ତି ଚିନାର୍ । ଏକା ବନ୍ଦିଆଲାସ୍‌ସି ମୁକ୍ତିକାମାଗେ ଚାହାଁର, ଖାଲି ହୁବନ୍ଦି ଆଲାସିନ୍ ଶାସନକର୍ତ୍ତା ମୁକ୍ତିଚିଦାସ୍ । ୨ ହୁଁ-ସମୟନ୍ତୁ ବନ୍ଦିଶାଳାନ୍ତୁ ବାରବବା ନାମେତା ଅଣ୍ଟା ଆଲୁ ବିଦ୍ରୋହି ଗୁଠିଆର୍‌ଗାନେ ବନ୍ଦି ମାଞ୍ଚାକାତାସ୍ । ଇ ବିଦ୍ରୋହି ଗୁଠିଆର୍ ଅଣ୍ଟା ବିଦ୍ରୋହି ସମୟନ୍ତୁ ଆଲ୍ଲିତ୍‌ନା ଲାଗିନ୍ ଦୁଷ୍ଟିମାଞ୍ଚାକାତାସ୍ ।

୮ ଆଲାର୍ ପିଲାତସେ ପାଖ୍‌ଗେ ବାଚାଁରା ତେଜିଆସ୍ ଯେ ସବୁଥର ଲେଖା ଇ'ଥରବି ତାମାନ୍ ଲାଗି ଅଣ୍ଟା ବନ୍ଦିସିନ୍ ମୁକ୍ତି କାମାତା । ୯ ପିଲାତ ଆଲାରିନ୍ ମେଞ୍ଚାସ୍, “ନିମ୍ ଗୁଠିଆର୍ ଏହେ ଚାହାଁଦାର୍ ଯେ ଏନ୍ ନିମ୍ରେ ଲାଗାନ୍ ଯିହୁଦୀଗୁଠିଆରେ ରାଜାସିନ୍ ବିଥରନ ତନ ?” ୧୦ ପିଲାତ ଇ'କାଆ ତେଜନା କାରଣ ମାନାଲି, ତାନ୍ ଆକାତାସ୍ ଯେ ପାରଧାନ୍ ଯାଜକ ଗୁଠିଆର୍ ହାଁକାର୍ ମାଞ୍ଚାରା ତାହେ ହେଖାନ୍ତୁ ସର୍ପିଆଇତାର୍ । ୧୧ ହେଲେ ପାରଧାନ୍ ଯାଜକଗୁଠିଆର୍ ଆଲାରିନ୍ ଫୁସୁଲିଆର୍ ଯେ, ତାମ୍ ପିଲାତସିନ୍ ତେଜନାର୍ ବାରଜାସିନ୍ ମୁକ୍ତ କାମାଗେ, ହୁ ଯୀଶୁସିନ୍ ମାଲ୍ଲା ।

୧୨ପିଲାତ ଆଲାରିନ୍ ଆହୁରିଥରେ ମେଞ୍ଚାର, “ନିମ୍ନଗୁଠିଆର ନେକାନ୍ ଯିହୁଦୀ ଗୁଠିଆରେ ରାଜା ବୋଲି ଡେଙ୍ଗାଦାର, ଏନ୍ ତାଙ୍ଗେ ପ୍ରତି ଏନ୍ଦେ କାମନବୋଲି ନିମ୍ନ ଚାହାଁଦାର?”

୧୩ଆଲାର ପାଟି କାମାୟା ଡେଙ୍ଗିଆର, ତାଙ୍ଗା କୃଷ୍ଣନ୍ ଚାହାବା?”

୧୪ପିଲାତ ମେଞ୍ଚାସ୍, “ଏନ୍ଦେଗେ?” ତାନ୍ ଇ’ହାଦି ଏନ୍ଦେ ଭୁଲ୍ କାମକାଦାସ୍?” ହେଲେ ଆଲାର୍ ଆହୁରି ବାଗେ ପାଟିନ୍ ଡେଙ୍ଗିଆର “ତାଙ୍ଗା କୃଷ୍ଣନ୍ ଝୁଲାବା।”

୧୫ପିଲାତ ଆଲାରିନ୍ ଖୁସି କାମାଗେ ଚାହାଁଚାର, ହେଲେ ତାନ୍ ତାମ୍ରେ ଲାଗାନ୍ ବାରକାସିନ୍ ମୁକ୍ତି ଚିଚାଲାଗିଆସ୍ ଆଉ ଯୀଶୁସିନ୍ କରତାନ୍ ଡେମାଗେ ଲାଗିନ୍ ସନ୍ୟଗୁଠିଆରେନ୍ ଆଦେଶ୍ ଚିଚାଷ୍। ତାଙ୍ଗେ ପାଛଲି ତାନ୍ ଯୀଶୁସିନ୍ କୃଷ୍ଣନ୍ ଚାତାବାୟା ପିଚାଗେ ଲାଗିନ୍ ତାମାନ୍ ସନ୍ୟଗୁଠିଆରେ ହେଖାନ୍ ଚିଚାଲାଗିଆସ୍।

୧୬ସନ୍ୟଗୁଠିଆର ଯୀଶୁସିନ୍ ଶାସନକର୍ତ୍ତାସେ ଆଳପା ଉଲାଗେ ଅଚାର କେରାର୍। ତାମ୍ ଅଲଗା ସନ୍ୟଗୁଠିଆରିନ୍ ଅଣ୍ଟାନ୍ ମେହୁଆର୍। ୧୭ସନ୍ୟଗୁଠିଆର ଯୀଶୁସେ ଭେଟାଙ୍ଗଲେଖା କଲରତା ଚିତ୍ତା କୁର୍ତିଆର୍। ତାମ୍ ଅଣ୍ଟା ଆତୁଗେ ମୋକ୍ତୁର୍ କାମ୍ତାରା ତାଙ୍ଗେ କୁକୁନ୍ ଆତି ଆରୁଚାର୍। ୧୮ତାଙ୍ଗେ ପାଛଲି ତାମ୍ ବର୍ତ୍ତାରା ଅନ୍ଦରାର୍ ଆଉ ଡେଙ୍ଗିଆର ହେ ଯିହୁଦୀଗୁଠିଆରେ ରାଜା ଡେଙ୍ଗିଆର ମୁଣ୍ଡିଆ ମାର୍ଚାର୍। ୧୯ସନ୍ୟଗୁଠିଆର ଯୀଶୁସେ କୁକୁନ୍ ବାରୁମ୍ବାର୍ ଶତାତି ଆଘାତ୍ କାମ୍ତାର୍। ତାଙ୍ଗେ ମିଆଁ ତୁଫାଲ୍ ହେବଲିଆର୍। ଆଣ୍ଟୁ ମାତଚାରା ଅକ୍ତିଆର ମୁଣ୍ଡିଆମାର୍ଚାର। ୨୦ଅଜା କାମା ମୁଞ୍ଚୀ ଆର୍ବାକେ ତାମ୍ ଯୀଶୁସେ ମେଦୁନ୍ ଭେଟାଙ୍ଗ ଲେଖା ଚିତ୍ତାବନ୍ ଖୁଲ୍ତାରା ଅଚାର ଆଉଥରେ ତାଙ୍ଗେ ଚିତ୍ତା କୁର୍ତିଆରୁଚାର୍। ତାଙ୍ଗେ ପାଛଲି ତାମ୍ ଯୀଶୁସିନ୍ କୃଷ୍ଣନ୍ ଚାହାବାୟା ପିଚାଗେ ପ୍ରାସାଦଗେ ବାହାରିଅଚାର କେରାର୍।

### କୃଷ୍ଣମିଆଁ ଯୀଶୁସିନ୍ ପିଚାର୍ ଚାର୍

୨୧ହୁବାକେ ଅଣ୍ଟା କୁରିଶୟତା ବାସିନ୍ଦା ସିମୋନପଲ୍ଲିପାଦାଗେ ବାର୍ତ୍ତାଷା ହୁ ପାବନ୍ କାଲିଆସ୍। ତାନ୍ ଆଲେକ୍ଜାଣ୍ଡାର୍ ଆଉ ରୁଫସେ ବୁଆରାଚାଷ୍। ସନ୍ୟଗୁଠିଆର ଯୀଶୁସେ କୃଷ୍ଣ ଚେଲାୟା ହୁଆଗେତାମ୍ ବାଧ୍ୟ କାମ୍ତାର୍। ୨୨ତାଙ୍ଗେ ପାଛଲି ଯୀଶୁସିନ୍ ଗଲ୍ଗଥା ନାମେନ୍ ଅଣ୍ଟା ଜାଗାଗେ ଅଚାର୍ କେରାର୍। ଗଲ୍ଗାଥାକେ ଅର୍ଥ “କାପେଲଗେ ଜାଗା।” ୨୩ହୁସାତ୍ତାସ୍ ଯୀଶୁ ସେ ଗାନ୍ଧିଆ ରାସେ ମେଷରିକିତା ଆଉ ଦ୍ରାକ୍ଷାରାସେ ଗାନ୍ଦେ ହୁବ ତାମା ହାପାଗେ ଚିଚାର୍, ହେଲେ ଯୀଶୁ ହୁ ହାପାଗେ ମାନା କାମ୍ତାର୍। ୨୪ତାଙ୍ଗେ ପାଛଲି ସନ୍ୟଗୁଠିଆର ଯୀଶୁ ସିନ୍ କୃଷ୍ଣନ୍ ଚାଙ୍ଗା ବାଚାର୍। ତାମ୍ ଯୀଶୁସେ

ଚିତା ପାଟା ନିଜର ନିଜର ମାଝାନ୍ତୁ ହାଟିଆରା ଅଚାର୍ । ନେର୍ ଏ'ନ୍ଦେ ହାଖର୍, ତାମ୍ ଗୁଲିବାଖ କାମାଗେ ଅକିଆରା । ୨୫ଯୀଶୁ ସିନ୍ କୃଶନ୍ତୁ ଚାଙ୍ଗାବା ବାକେ ପାଇରିତା ନଅଟା ମାଞ୍ଜିକାଟା । ୨୬ଯୀଶୁ ସେ ବିରୁଦ୍ଧନ୍ତୁ ଅଖା ଅଭିଯୋଗ ଆଥା ଫାଲୁନ୍ତୁ ଲେଖା ମାଞ୍ଜିକିଟା । ଇସ୍ "ଯିହୁଦୀ ଗୁଠିଆରେ ରାଜା ।" ୨୭ଯୀଶୁସେ ସାଙ୍ଗେ ଆଉ ଦୁଇଲୋକ ବାହାରି ନୁଭି କୃଶନ୍ତୁ ଚାଙ୍ଗାବାଚାର୍, ଅର୍ତ୍ତୁସିନ୍ ଡେବାନ୍ତୁ ଆଉ ଅରତୁ ତିନାନ୍ତୁ ତାମାନ୍ କୃଶନ୍ତୁ ଚାଙ୍ଗାବାଚାର୍ । ୨୮<sup>25</sup>

୨୯ଯୀଶୁସେ ପାଖୁଟିଚାରା ଏକାକାଲୁ ଆଲାର୍ ତାଙ୍ଗା ହୁଲାଲିଆର୍ । ତାମ୍ କୁଙ୍କୁ ନୁକା ନୁକା ଡେଙ୍ଗାଲିଆସ୍, "ଆରେ ନିନ୍ବି ହୁ ଆଲାୟା ଯାହା ମନ୍ଦିରବନ୍ ହଟାୟା ତିନିଦାନ ଉଲ୍ଲା କାମାଗେ ବେଦାଲକାୟା । ୩୦ଆକୁନ୍ କୃଶମିତି ଏତାୟା ନିଜର ଜିଆବନ୍ ଉଦ୍ଧାର୍ କାମା ।" ୩୧ପାରାଧାନ୍ ଯାଜକ ଆଉ ଧମ ଶାସ୍ତ୍ରଗୁଠିଆର୍ ଭି ହୁସାନ୍ ରାଚାର୍ । ଅଲଗା ଆଲାର୍ ଯୀଶୁସିନ୍ ହୁହାଦି ଅଜା କାମାଲିଆର୍, ତାସି ହୁହାଦି ଯୀଶୁସିନ୍ ଅଜା କାମାଲିଆର୍ । ତାମ୍ ଡେଙ୍ଗା ଡେଙ୍ଗା ମନାଲିଆର୍ ଯେତାନ୍ ଅଲରା ଆଲାସିନ୍ ରକ୍ଷା କାମାଲିଆସ୍, "ଆକୁନ୍ ତାନ୍ ନିଜେ ରକ୍ଷା ମାଲ୍ଲି ହୁଅିଆସ୍ । ୩୨ଯଦି ତାନ୍ ପ୍ରକୃତନ୍ତୁ ଖ୍ରୀଷ୍ଟ, ଇସ୍ରାୟେଲ୍‌ତା ରାଜା, ହେଲେ ଆକୁମ୍ ତାନ୍ କୃଶମିତି ତାଲିଗେ ଏତନାସା ବାନାସ । ଆଉ ତାନ୍ ନିଜେ ରକ୍ଷା ହାଖୁନାସ୍ । ହେଲେ ନାମ୍ ହୁଦି ଏରଡ୍ ଆଉ ତାଙ୍ଗା ବିଶ୍ବାସ୍ କାମତ । ଏକା ଆଲାରିନ୍ ଯୀଶୁ ସେ ପାଖୁନ୍ତୁ କୃଶବିଖ କାମତିକା ଖାତ୍ରିକିଟା ତାମ୍ ଭି ଯୀଶୁସିନ୍ ହୁଲଟାର୍ ।

### ଯୀଶୁସେ ଖୁନ

୩୩ଦ୍ଵିପ୍ରହର ବାକେ ସବୁଦେଶନ୍ତୁ ମାହାଁ ମାଞ୍ଜିକେରା । ଇ ମାହାଁ ଉଲ୍ଲାତା ତିନ୍ତା ଯାକେ ରାଜା । ୩୪ହୁ ସମୟନ୍ତୁ ଯୀଶୁ କହାପାଟିନ୍ତୁ ଡେଙ୍ଗିଆସ୍, "ଏଲୋହି, ଏଲୋହି, ଲାମାଶାବକ୍ ଆନି ।" ହେଲେ, ତାଙ୍ଗେ ଅର୍ଥ "ହେ ଏଙ୍ଗେ ପରମେଶ୍ଵର, ହେ ଏଙ୍ଗେ ପରମେଶ୍ଵର, ନିମ୍ ଏଙ୍ଗା ଏନ୍ଦେଗେ ବିଅର କାଟିକା ?"

୩୫ହୁସାନ୍ ଇଜକାଟିକା ନିଅ ଆଲୁ ଇକାଥା ମେଞ୍ଜାର୍ । ତାମ୍ ଡେଙ୍ଗିଆର୍, "ମେନା, ତାନ୍ ଏଲିୟସିନ୍ ମେହାଁ ଦାସ୍ ।"

୩୬ହୁସ୍ତିନ୍ ଅରତୁ କୁଧୁଆରାସା ଅମ୍ଲରାସେନ୍ତୁ ଚାଇକାଟିକା ଅଖା ସଞ୍ଜନ୍ତୁ ଅନ୍ଦରାସ୍ । ସଞ୍ଜବନ୍ ଅଖା ସଚାନ୍ତୁ ହ ଚାଷ୍ । ଯୀଶୁସ୍ ସଞ୍ଜତା ଅମ୍ଲରାସେ ହାପସବୋଲି ତାନ୍ ସଚାନ୍ତୁ

<sup>25</sup> ୧୫:୨୮ ପଦସଂଖ୍ୟା ୨୮ ନିଅଁ ଗ୍ରୀକ୍ ଚିଠିନ୍ତୁ ପଦସଂଖ୍ୟା ୨୮ ଇହାଦି ଯୋକା ଖାତ୍ରିକିଟି । "ଇହାଦି ଭାବନ୍ତୁ ଶାସ୍ତ୍ରନ୍ତୁ ଲେଖାଚାଟକା ଇ କାଥା ସଫକ୍ ମାଞ୍ଜି: ତାଙ୍ଗାନ୍ ଅପରାଧୁସେ ସାଙ୍ଗେ ଇୟାଖାତ୍ରି ।"

ସଞ୍ଜ ହିଁଟକାଟିକା ପାଖୁନୁ ତାଙ୍ଗେ ତାରା ଚିତାଷ୍ଟ। ଆଲାସ୍ ତେଜେଆସ୍, “ଆକୁନ୍ ନାମ୍ ପରୀକ୍ଷା କାମତ ଏଲିୟ ବାରସା ତାଙ୍ଗା କୃଷମିତ ତାଲିଗେ ଅନ୍ଦରସ୍ କା ମାଲା, ଏରତ।”

୩୭ତାଙ୍ଗେ ପାଛଲି ଯୀଶୁ ବାଲେ ପାଟିନୁ ତେଜିଆସ୍ କେତାସ୍ କେରାସ୍।

୩୮ ଯୀଶୁ ହୁବାକେ କେତାଷ୍ଟ, ହୁ ବାକେ ମନ୍ଦିରତ୍ତା ପରଦାବ ମିତିକ୍ତି ତାଲିଗେ ଦୁଇ ଫାଲ ମାଆଦା ଚାରିଆକେରା। ୩୯ କୃଷ ଆଘଲିକାଲେ ଇଜ୍ଜକାଟିକା ସେନାପତି ଯୀଶୁ ଏକ୍ସେ କେତାସ୍, ହୁବ ଏରିଆସ୍। ତାନ ତେଜିଆସ୍, “ପ୍ରକୃତନୁ ଇଆଲାସ୍ ପରମେଶ୍ୱରସେ ହାଦୁରାତାଷ୍ଟ।”

୪୦ ନିଅଁ ମାଜଝି ଆଲାର୍ କୃଷକ୍ତି ଗେଛାନୁ ରାତାର୍ ଏରାଲିଆର୍। ତାଙ୍ଗେ ମାଝାନୁ ମଗଦଲିନ୍ ସହରକ୍ତି ବାର୍କାଟିକା ମରିୟମ୍, ସଲୋମି, ଯାକୁବ ଆଉ ଯୋହନସେ ତାଙ୍ଗିୟ ମରିୟମ୍ ରାତାର୍। ଯାକୁବ ମରିୟମଗେ କାଟି ହାଦୁରାତାର୍। ୪୧ ଇମୁଙ୍କା ଆଲାର୍ ଯୀଶୁ ଗାଲିଲୀନୁ ରାନା ବାକେ ଇବ କାଲେ ସାଙ୍ଗେ ରାତାସ୍। ତାମ୍ ତାଙ୍ଗେ ସେବା ଓ ଯତନ୍ କାମାଲିଆର୍। ଅଲଗା ନିଅଁ ମୁଙ୍କାଗୁଠିଆର୍ଭି ହୁସାନ୍ ତାତାର୍। ତାମ୍ ଯୀଶୁସେ ସାଙ୍ଗେ ଯିରୁଶାଲମଗେ କେରାର୍।

### ଯୀଶୁସିନ୍ ସମାଧି ଚିତାର୍

୪୨ ମାହାଁମାଆ କେକିତା। ଇଞ୍ଜିଲ୍ ଆୟୋଜନ୍ ଉଲ୍ଲା (ରବିବାରତ୍ତା ଆଘଲି ଉଲ୍ଲା) ରାତା।

୪୩ ହାରା ମାରିୟମ୍ ଯିହୁଦୀ ଯୋସେଫ ମହାସଭାନୁ ଅରତୁ ମହିମାନିଭ୍ ଏଲ୍ତାଲିଆର ଆଉ ତାନ୍ ପରମେଶ୍ୱରସେ ରାଜି ବାରାନାବୋଲି ଚାହାଲିଆର୍। ତାନ୍ ସାହାସିନୁ ପିଲାତସେ ପାଖୁଗେ କେରାଦା ଯୀଶୁସେ ମେଦୁବନ୍ ନିଚାର୍।

୪୪ ଯୀଶୁ ନିଅଁ ତାଣ୍ଡେ କେତାଷ୍ଟ କେରାରି ହେଲେ ପିଲାତ ଚକିତ୍ ମାଆସ୍ କେରାସ୍। ତାନ୍ ଯୀଶୁସିନ୍ ଜାଗାଗେ ସେନାପତିସିନ୍ ମେହାଲିଆର୍। ପିଲାତ ଯୀଶୁ କେତକା ଦାସିକା ମେନ୍ ତାଷ୍ଟ। ୪୫ ସେନାପତି ଅରତୁ ପିଲାତସିନ୍ ଯୀଶୁ ଖୁନା ବିଷୟନ୍ କାଆ ତେଜିଆସ୍। ତାଙ୍ଗେ ପାଛଲି ପିଲାତ ଯୋଷେଫସିନ୍ ତେଜିଆସ୍ ଯେ, ତାନ୍ ଯୀଶୁସେ କେତକା ମେଦୁ ହୁଆଆଙ୍ଗର୍।

୪୬ ଯୋଷେଫ୍ ଖାଣ୍ଡେ ଚିତା ହେଦିଆସ୍। ହୁ କେତକା ମେଦୁନୁ କୁଶ ମିତି ତାଲିଗେ ଏତିଆସ୍ ଅନ୍ଦାସ୍। ହୁ ମେଦୁ ବନ ଚିତାନୁ କୁଲ୍ଲାସା ଆଉ ତାତା ମୁଟ୍ଟକାଟିକା କାମ୍କାଟିକା ଅଣ୍ଟା, କବରନୁ ତାଙ୍ଗା ଇଆର୍, ଅଣ୍ଟା କହାତାତା ଅନ୍ଦରା କବରଗେ ମୁହିବନ୍ ବନ୍ଦ କାମ୍ ତାତାର୍। ୪୭ ମଗଦଲିନି ମରିୟମ୍ ଆଉ ଯୋଶିସେ ତାଙ୍ଗିୟା ଏକାସାନ୍ ଇୟାର୍, ହୁ ଜାଗା ବନ୍ ଏରିଆସ୍।



### ଯୀଶୁ କେତକାତି ଉତ୍ତକାରାସ୍

# ୧୭

୧ ବିଶ୍ରାମ୍ ଉଲ୍ଲାନୁ ଆଦଗେ ଉଲ୍ଲାନୁ ମଗ୍‌ଦଲୀନୀ ମରିୟମ୍ ଯାକୁବସେ ତାଜିୟ ମରିୟମ୍ ଆଉ ଶଲମୀ ଯୀଶୁସେ ଶରୀବନ୍ ଆଭିସେକ୍ କାମାଗେ ଲାଗିନ୍ କିଛି ବାସ୍ନା ଇସୁନ୍ ଅନ୍ଦରାର୍ । ୧ ସପ୍ତାହା ହୁ ପହିଲ୍ ଉଲ୍ଲା ଖୁବ୍ ଚାଷ୍ଟେ ଠିକ୍ ବିଳି ଆଗିନା ପାଛଲି ପାଛଲି ତାମ୍ କବର ପାଖ୍‌ଗେ କେରାର୍ । ୩ ତାମ୍ ନିଜର ନିଜର ଉଲ୍ଲା ତେଜା ତେଜି ମାଆର, “କବରଗେ ମୁହିଁକୁ କହାତାତାନୁ ବନ୍ଦ୍ କାମ୍‌କାଟିକା ଆତିଲି । ଚାଟାବନ୍ ନାମ୍‌ସେ ଲାଗାନ୍ ନେର୍ ହୁସ୍ତି ଘୁଟାବତାର ?”

୪ ତାଙ୍ଗେ ପାଛଲି ତାମ୍ ହୁ ଜାଗାତାରା ଏରିଆର । ତାମ୍ ଏରିଆର ଯେ, ହୁ କହା ଚାଟାବ ହୁସ୍ତି ଘୁଟାବା ଖାତରିକିଟି । ୫ ତାମ୍ କବର ଉଲ୍ଲାଗେ କେରାର୍ । ହୁସାନ୍ ତାମ୍ ଧଳା ଚିତା କୁରୁକା ଅଷ୍ଟା ଆଲାସୀନ୍ ଏରିଆର । ତାନ୍ ସମାଧିଗେ ତିନାବାଟେ ଅକ୍‌କିଆସା ରାଟାଷ୍ଟ । ତାମ୍ ଏଲ୍‌ଟିଆର କେରାର୍ ।

୬ ହେଲେ ଜହାସ୍ ତେଜାଆସ୍, “ଆମାଏଲ୍‌ଟା । ନିମ୍‌ଗୁଠିଆର୍ କୃଷିବିଦ୍ ନାଜରତିୟ ଯୀଶୁସିନ୍ ବେଦାଦାର୍ । ତାନ୍ କେତକାତି ଉଚ୍ଚିକାରକା ଦାସି । ତାନ୍ ଇସାନ୍ ମାଲାସି । ଏରା, ତାନ୍ ତାଜା ଇସାନ୍ ଇକାତାର୍ । ୭ ଆକୁନ୍ କାଲା ତାଙ୍ଗେ ତେଲାଗୁଠିଆର୍ ଆଉ ପିତର୍ ସିନ୍ ତେଜା ଜେ, ନିମ୍‌ସେସତି ଆଗଲି ଯୀଶୁ ସେ ଗାଲିଲିଗେ କେରାସି । ତାନ୍ ନିମାନ୍ ଆଘଲିକି ଜାହା ତେଜାତାଷ୍ଟ, ନିମ୍‌ ଗୁଠିଆର୍ ତାମାନ୍ ହୁହାଦି ତାଜାନ୍ ଏରାର୍ ।

୮ ହୁ ମୁକ୍ଷାଆଲାର୍ ଏଲ୍‌ଟିଆର୍ କେରକାଟାର୍ ଆଉ ବିସ୍ମୟନ୍ ଅଭିଭୁତ ମାଆରା କାଲିଆର୍ । ତାମ୍ କବରକି ଉର୍ଖିଆର୍ ବାହାରି କୁଧିଆର କେରାର, ହେଲେ ଏଲ୍ ଚିଆର୍ କେରକାଟାର୍ ଯେ ଇ' ସବୁକାଆ ନେକାଭି ମାହିଁ ତେଜିଆର୍ ।<sup>26</sup>

### ନିଅଁ ତେଲାଗୁଠିଆର ଯୀଶୁସିନ୍ ଏରିଆର

୧ ସପ୍ତାହା ପହିଲ୍ ଉଲ୍ଲାଭୋର୍ ପାଲିଗେ ଯୀଶୁ କେତକାତି ଉତ୍ତକାରାସ୍ । ସବୁତି ପହିଲ୍ ତାନ୍ ମଗ୍‌ଦଲିନି ମରିୟମ୍‌ଗେ ଆଘଲିକାଲେ ନିଜେ ଦେଖାଟିଟାସ୍ । ଆଘଲିକି ଥରେ ଯୀଶୁ ଇ'ମରିୟତି ସାତେଟା ଭୁଡୁବନ୍ ଖେଦାସ୍ ଚିକା ଚାଷ୍ଟ । ୧୦ ମରିମ୍ ଯୀଶୁସିନ୍ ଏରକା ପାଛଲି ତେଲାଗୁଠିଆରେ ପାଖ୍‌ଗେ କେରାଦା ଇ'ବିଷୟ ନୁ ତେଜିଆ । ହୁ ବାକେ ତେଲାଗୁଠିଆର୍ ଦୁଃଖୁନ୍ ମୁହିଁଆର୍ କେରକାଟାର୍ ଆଉ ଅହିଲିଆର୍ । ୧୧ ମରିୟମ୍

<sup>26</sup> ୧୭:୮ ନିଅଁ ପାଟା ଗ୍ରୀକ୍ ପ୍ରତିନୁ ପଦସଂଖ୍ୟା ଆଠନ୍ ହୁଁ ମାର୍ଚ୍ଚସେ ଲେଖକାଟିକା ସୁସମାଚାର ସମାପ୍ତ ମାଞ୍ଜିକିଟି ।

ତାମାନ୍ ତେଜିଆ ଯେ, ଯୀଶୁ ଉଜ୍ଜବାଦାୟ୍ ଆଉ ଏନ୍ ନିଜେ ଯୀଶୁ ସିନ୍ ଏକେଟନ୍ । ହେଲେ ଚେଲାଗୁଠିଆର୍ ତାଘେ କାଥାନ୍ ବାଣ୍ଟାୟ୍ ମାଲିକାମ୍ତା ।

୧୨ ଇଦଗେ ପାଛଲି ଦୁଇଲୋକ ଚେଲା ପାଲିଆନ୍ କାନା ସମୟନ୍ ଯୀଶୁ ତାମ୍ରେ ପାଖୁନ୍ ଅଲଗା ରୁପନ୍ ଦେଖାଟିଚାୟ୍ । ୧୩ ଇ'ଚେଲା ଦୁଇଲୋକ କରିଆ ବାର୍ତରା ଅଲଗା ଚେଲାଗୁଠିଆରିନ୍ ଇକାଥା ଜାଣବାଚାର୍ । ତଥାବି ଚେଲାଗୁଠିଆର୍ ତାମ୍ରେ କାଥା ବନ୍ ବିଶ୍ବାୟ୍ ମାଲି କାମ୍ତାର୍ ।

### ପ୍ରେରିତ୍ ଗୁଠିଆର୍ ସାଙ୍ଗେ ଯୀଶୁସେ କଥାବାର୍ତା

୧୪ ପାଛଲି ଯେତେବେଳେ ଏଗାରଜଣ ପ୍ରେରିତ୍ ମହାଲିଆର୍, ହୁବାକେ ଯୀଶୁ ତାମାନ୍ ଦେଖାଟିଚାର୍ । ତାମ୍ ତାମାନ୍ ତାମ୍ରେ ଅବିଶ୍ବାୟ୍ ଆଉ ମନନ୍ ଲାଘର୍ ନାଲାଗି ସମାଲୋଚନା କାମ୍ତାର୍ । କାରଣ ଏକା ଆଲାର୍ ଯୀଶୁ ସିନ୍ କେର୍ କାତିନ୍ ଉସକାର୍ କାଦାୟ୍ ବୋଲି ଏରିଆର, ତାମାନ୍ ଇ'ଚେଲାଗୁଠିଆର୍ ବିଶ୍ବାୟ୍ ମାଲି କାମ୍ତାର୍ ।

୧୫ ଯୀଶୁ ତାମାନ୍ ତେଜିଆୟ୍, “ପୃଥ୍ବୀତା ଚାରିପାଖୁଗେ କାଲା । ସବୁରିନ୍ ଆଲାରିନ୍ ସୁସମାଚାର ମେନ୍ତା । ୧୬ ଏକା ଆଲାର୍ ବିଶ୍ବାୟ୍ କାମ୍ତାୟ୍ ଆଉ ବାପ୍ତିସ୍ତ ହୁଅୟ୍, ତାନ୍ ଉଦ୍ଧାର ହାଖୟ୍ । ହେଲେ ଏକାଆଲାୟ୍ ଅବିଶ୍ବାୟ୍ କାମ୍ତାୟ୍, ହେଲେ ତାନ୍ ଦୋସି ମାନୟ୍ । ୧୭ ନେର୍ ଏକା ବିଶ୍ବାୟ୍ କାମ୍ତାର୍, ତାମ୍ ତାଘେ ପରମାଣ ଲେଖା ଇସବୁ ନାଲାଖୁ କାମା ଆଙ୍ଗର୍: ତାମ୍ ଆଲାରିତି ଏଘେ ନାମେନ୍ ତୁତୁ ଗୁଠି ଖେଦଚର୍, କେଭେବି ମାଲିସିଖ୍ରିକର୍ ପୁନା ପୁନା ନିଅ ଭାଷାନ୍ କଥାବାର୍ତା କାମ୍ତାର୍ । ୧୮ ତାମ୍ ନିଜର୍ ହେଖାନ୍ ପାପବନ୍ ଧାରର୍ ହେଲେ ତାମ୍ରେ ଏନ୍ଦେଇ କ୍ଷେତି ମାଲିମାନି । ତମ୍ ବିଷ ଭି ହାପରର୍ଚର, ହେଲେ ତାମ୍ରେ ଏନ୍ଦେଇ ଖ୍ୟତି ମାଲିମାନି । ଇ ଆଲାର୍ ରୁଗିଗୁଠିଆର୍ ମିଆଁ ହେଖାଇୟାର୍ ଆଉ ରୁଗିଗୁଠିଆର୍ ଭଲ୍ ମାନର୍ କର୍ ।”

### ଯୀଶୁ ସ୍ଵର୍ଗେ କେରାୟ୍

୧୯ ପ୍ରଭୁ ଯୀଶୁ ଇସବୁ କାଥା ପ୍ରେରିତ୍ ଗୁଠିଆରିନ୍ ତେଜିଆୟ୍ ପାଛଲି ତାଙ୍ଗାନ୍ ସ୍ଵର୍ଗେ ଅଚାର୍ । ତାନ୍ ପରମେଶ୍ଵରସେ ତିନା ବାଟେ ଅଙ୍କିଆୟ୍ । ୨୦ ତାଙ୍ଗେ' ପାଛଲି ପ୍ରେରିତ୍ ଗୁଠିଆର୍ ପୃଥ୍ବିତି ସବୁଜାଗାଗେ କେରାର୍ ଆଲାରିନ୍ ସୁସମାଚାର ଉପଦେଶ ଚିଚାର୍ । ଆଉ ପ୍ରଭୁ ତାମାନ୍ ସାହାଯ୍ୟ କାମ୍ତାୟ୍ । ପ୍ରଭୁ ପରମାଣ କାମ୍ତାଚାୟ୍ ଯେ, ପ୍ରେରିତ୍ ଗୁଠିଆର୍ ଏକା ସୁସମାଚାର୍ ପ୍ରଚାର୍ କାମାଲିଆର୍ ହୁବୋ ସତୁ । ପ୍ରଭୁ ତାମାନ୍ ଚକିତ୍ ନାଲାଖୁ କାମାଗେ ଶକ୍ତି ଚିତ୍‌କାଚାର୍ ଇବ୍ ପରମାଣ୍ କାମ୍ ତାଚାର୍ ।

